

蟬精雋

徐伯齡

文碩閣

wenshuoge.com

目录

关于我们	3
提要	5
蟪精隽卷一	6
蟪精隽卷二	11
蟪精隽卷三	15
蟪精隽卷四	22
蟪精隽卷五	26
蟪精隽卷六	30
蟪精隽卷七	34
蟪精隽卷八	39
蟪精隽卷九	44
蟪精隽卷十	48
蟪精隽卷之十一	53
蟪精隽卷十二	59
蟪精隽卷十三	64
蟪精隽卷十四	74
蟪精隽卷十五	79
蟪精隽卷十六	84

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等謹案蟬精雋十六卷明徐伯齡撰伯齡字延之自署曰古剡蓋嵊縣人書中十二卷之末有箴冠生傳一篇即張錫為伯齡作者又曰生杭人也豈嵊其祖籍歟傳稱其嘗集箴為冠嘯歌自得若不與於人世者雖博學能文善書工琴熟律而不肯以技自試則亦山林放曠之士考張錫為天順壬午舉人官山西山陰縣教諭則伯齡為天順中人故所記有成化癸巳癸卯事明末杭州別有一徐伯齡崇禎庚辰舉人官永壽縣教諭名姓偶同非一人也是書雜采舊文亦兼出已說凡二百六十一條大抵文評詩話居十之九論雜事者不及十之一其體例略似孟槩本史詩其多錄全篇又畧似劉壎隱居通議其中猥瑣之談或近于小說而遺文舊事他書所不載者亦頗賴以有傳其論周德清中原音韻一條尤為明確千頃堂書目作二十卷此本僅十六卷前後無序跋亦無目錄不能知其完缺其中多闕字闕句又所錄詩文往往但存其標題而其文皆作空行蓋繕錄者圖省工力因而漏落今于有可考者補之无可考者則亦姑闕焉乾隆四十六年十月恭校上

總纂官【臣】紀昀【臣】陸錫熊【臣】孫士毅

總校官【臣】陸費墀

蟬精雋卷一

永乐大典

皇明太宗文皇帝命儒臣姚广孝王洪胡广胡俨陈济等率羣儒作永乐大典书成凡二万二千九百三十七卷勒为一万一千九十五本藏之秘阁其经进表文云伏以皇明之治大一统车书昭声教之隆圣人之道贯百王制作备典章之盛丕显太平之鸿业永为经世之宏规臣闻泰运肇开人文乃着卦爻始画书契遂兴故羲禹开天河洛阐图书之瑞成康致治丰镐宣雅颂之音道具载于圣经事实關於气运恭惟皇帝陛下聪明睿知神圣武文受天命而主百神坐明堂而朝万国九畴时序庶绩咸熙治定功成礼明乐备爰懋昭于圣学遂大播于纶音是以尧舜之道载诸典谟文武之政布在方策前圣远而微言隱诸子出而众议兴简编浩山海之繁经制异质文之尚欲观会通而行典礼必合古今而集大成勅遣使臣博采四方之籍礼招儒彦广防中秘之储事迹务在于周详义例必令其明白于是上自古初暨于昭代考索累朝之逸典搜罗百氏之遗言名山所藏金匱所纪人间之所未覩海内之所罕闻莫不具其实而陈其辞参于万而会于一旁通庶彙 着三才该贯幽微并包宇宙允发挥于既往用啓迪于方来聚众宝于府库之中珪璜有叙覩万物于日月之下品类咸彰于以立政而经邦于以开物而成务巍乎冠古超今之作焕乎经天纬地之文讨论仰稟于圣谟裁定恪遵于宸断嘉名载锡睿藻荐颁云汉昭回并拜九重之赐龙光辉烛允为多士之荣仰圣教于中天开大明于万世昔石渠论事徒矜议奏之能册府成书未悉彝章之懿惟兹大训实迈前闻臣等学本庸疎才非通敏忝预编摩之任叨蒙眷遇之恩屡阅歲时仅成卷帙敢上尘于观览期俯赐于矜容经纶大经建立大本尚资稽古之功博厚配地高明配天永赞崇文之治谨缮写成永乐大典二万二千八百七十七卷凡例并目錄六十卷装成一万一千九十五册随表上进以闻无任瞻天仰圣激切屏营之至予过兰陵常人朱昱 易氏为予诵云

丙午南都防

成化丙午歲南都乡试有司先期礼聘儒绅主考者右春坊右庶子仁和江公谐左春坊左谕德休宁程公敏政二公素有文章学问声着一时而且俱发轫翰林院故是科得人居多小錄既成文刻尤精复出各乡书上而自论防已下皆有急于时务非一时泛泛之问者其第五防问云一代之兴必【阙】

着于篇以助有司之守册府典勲庸者其言方

汉留侯谓诚意伯刘公基比唐鄂公谓开【阙】

从起帝乡则宁【阙】

贵为帝甥则岐阳【阙】

收方氏则东甌【阙】

缚明升则颖【阙】

伏节浙东则越国公【阙】

泗国公耿

【阙】

死忠江汉则虢国【阙】

梁国【阙】

弭变则武定侯【阙】

诈谍则蕲【阙】

兄弟封公乃郢【阙】

并宋【阙】

兄

弟封侯【阙】乃江阴【阙】暨弟【阙】

也其亦有所谓而云然耶

句曲墓碑

嘉禾姚侍御绶成化间以左迁遂托疾归田里晚喜黄老金丹之道因自号上清仙吏作句曲外史张伯雨墓碑云呜呼此句曲外史贞居先生张公墓也南屏之右西湖之阳梁题玉钩涧渡灵石路披篠树隍带烟霞石室藏书碑文纪事其形虽逝其神则存翰墨在人文章垂世俨然生气之张皇警欬无声周旋灭影穆若太虚而示寂开士精舍久无继续之贤句曲贞居全

乏访求之彦遂使墓门荒翳兆趾崩奔松柏摧为薪莫设时樵之禁身世是何物曾罹夜客之侵痛兹剑跃雷津慨尔研离玉匣既往何咎将来可图旷世而默契予心尚友而景行前哲爰合佳士聿来词人即冢土以增崇求体魄之绥静其灌其树于以植夫美材有纪有堂于以开夫幽隧不有伐石将安载辞是欲唤起令威再返辽东之白鹤招还曼倩同瞻云外之青鸾第恐紫极高栖罔由下迈自谓黄中密迩端冀旁临先作传以述夫始终翠珉是托复醵铭以纪夫歲月彤管庸书铭曰于厥张公天雨伯雨是名是字蚤曰贞居晚曰外史厥号不一幻仙亦尔文章闯古凿凿齿齿书法俊逸不邕以止乐道忘我人莫之訾相灵石礪爰葬于此有峯而岌有水而驶乔乔者林盈盈者芷萼絕風塵攸驱虎兕以岩为局以云为址朝烟夕霏纁青委紫时遠世异母怪頽圯聿增修之属后来士于厥张公克具众美周 之学洞究 防独立羽化匪忽马死光华曷居天汉之涘诵予铭者式味妙理考嗣教人其不兴起荐溪之毛挹齐之醴公恒责斯以陟降只

集览谬误

慈湖王幼学作通鉴纲目集览板行久矣其间谬误不胜我国初先正瞿存斋宗吉毘陵陈氏济各著书有镌误正误以砭其失事始考正而其间遗脱尚多至如壬寅晋太康三年以张华都督幽州军事分注冯紵曰会之反颇由太祖集览钟会三国魏太祖时与邓艾灭蜀后谋反伏诛按钟会魏陈留王奂景元四年与邓艾伐蜀蜀后主禅降因谋作乱伏诛距魏太祖甚遠紵意蓋谓晋王昭宠遇会太厚故耳昭以武帝受禅尊为文帝庙号太祖今不之思凿空胡說谬误若此二公复畧之止此一事则尚未胜镌正也尝欲为正误补遗数卷竟以无暇而止

老铁遗文

会稽铁崖先生杨维禎廉夫以文章雄一代事载其古乐府并文集行状墓铭正统辨诸文备矣予复得其遗文数篇私为录之其琴鬻云【阙】

其狂夫对云【阙】

其捕虎者对云【阙】

其斃对

盾云晋赵盾专国二十年灵公知祸及屡欲杀之宫甲谋露公喉斃嚙盾盾右提弥明抎斃盾笑曰尔斃不如吾斃也多矣斃怒曰此吾主君之欲杀汝也汝养鬻主者几斃而有大于弥明之斃者穿也使吾得食汝则主君不厄桃园君不用吾于汝逆公子雍之时而用于今日吾知其祸于桃园也必矣吾死不失忠嗟汝斃之遗臭于董狐也奈何

彭郎词

铁崖先生庐山瀑布謠自序云甲申秋八月十六夜予梦与酸斋仙客游庐山各赋诗酸斋赋彭郎词予赋瀑布謠蓋铁崖雄材伟作豪放一时故欲神其事而云然耳彭郎词云鄱之湖兮云水杳万顷晴波净如扫相逢渔子问二姑大姑不如小姑好小姑昨夜巧妆束新月半防玉梳小彭郎欲娶无良媒飞回庐山寻五老五老颓然不肯起彭郎怒踢香炉倒彭郎彭郎归去来陶令门前烟树晓后人不知而选诗者遂以为贯公之作将谓诚有是呜呼所谓痴人前不可说梦也

雪词寓刺

宋贾似道当国日陈藏一作雪词讥之云没巴没臂霎时间做出漫天漫地不论高低并上下平白都教一例鼓弄滕神招邀巽二一任张威势识他不破今只道是祥瑞却是鷺鸭池边三更半夜误了吳元济东郭先生都不管關上门儿穩睡一夜东风三竿暖日万事随流水东皇笑道山河原是我的【去声】蓋念奴娇词也一名百字令张仲宗以东坡赤壁词后语因名酹江月云

弹范蠡文

有人作弹范蠡文云匿怨友人左丘明耻之非其鬼祭圣经是诛今有窃高人之名处众恶之所有识之士莫不共愤无知之魂岂当久居可不雪讐耻于千载之前正礼义于万世之下吳江三高即越之范蠡晋张季鹰唐陆鲁望也考之世代相去甚遠揆之名节乃大不同切见范蠡越则谋臣吳为敌国以利诱太宰嚭而脱彼勾踐以利诱公孙雄而灭我夫差既遂厥谋反疑其主鄙君如乌喙累大夫种以伏诛目已曰鴟夷載西子而潜遁且古之隱者自称草野易称高尚不事王侯如蠡者致产累数千万而变姓名于齐陶转位逐什一利而诡踪迹于江海语其高节则未可谓之智术则有余假扁舟五湖之名居笠泽三高之首况当无边胜地之上着此不共戴天之讐其视菰菜莼羹敝屣名爵笔牀茶灶短棹江湖者岂容与之并驾临风钩帘对雪耶载观往证歷访迹吟九江王之庙郴阳绍兴刘頔谓放弑之贼而毀其庙伍子胥之祀荆楚南轩张公以讐隙之人而平其祠事正相符言不容追可笑吳痴忘越憾却夸范蠡作三高刘清轩见讥良何深十年家国无穷恨只合江边祀子胥黄东浦貽诮尤不浅得罪名胜难亚清高所合禱其祀于祠堂沈其居于浊水别议高尚于季鹰鲁望者充其祀庶几笠泽之高风益凜松江之夜月增明不惟公论可以大伸抑且风教实非小补话腴评云此文虽近乎刻亦有大议论存焉剪灯新话龙堂灵会录本此

汉武帝论

林少颖汉武帝论曰武帝好长生不死之术聚方士于京师由是禱祠之俗兴以成巫蛊之祸阳邑朱昌二公主俱以此诛而皇后太子亦皆不免其始也欲求长生不死之术而不可得徒使败亡之祸横及骨肉可笑也又东坡手泽云汉武帝讳巫蛊疾之如仇讐盖夫妇父子君臣

之间嗷嗷然不聊生矣然史记语封禅书云丁夫人洛阳虞初等以方祠诅匈奴大宛已且为巫蛊之魁何以责其下此最可笑

荣质鉴铭

古钟鼎彝敦盘盂卣鬲其款识文多古鸟迹蝌蚪书法简古人多不能识独唐莹质鉴背铭篆文明易盖唐物故也其词亦平易铭云链形神冶莹质良工如珠出匣似月停空当睂写翠对脸传红光含晋殿影照秦宫镌书玉篆永镂青铜凡四十字

蟬精雋卷二

唐诗用字

唐人诗中用字平仄与今人不同尝言之矣今以未言者再言之唐彦谦春雨诗云灯檠昏鱼目薰烟咽麝脐【檠作去声】王建赠李翱旗旛四面下营稠手诏频来老将忧每日城南空挑战不知生缚入唐囚【挑作上声】又刘梦得赠日本僧云为问中华学道者几人雄猛得宁馨【宁作平声】程泰之演蕃露又云唐都长安语音非东南北比于诗句考之如绿浪东西南北路红阑三百九十桥十当作谿字读也为问长安日如何不相离又却似东风相欺得夜来吹折数枝花相当读作厮晚来幽独恐伤神【恐读作去声】王建宫词云新睡起来思旧梦见人忘却道胜常【胜作平声】又断肠犹系琵琶弦【琵琶读作备】凡此律诗不叶律矣

古诗用字

文苑英华云凡前人用韵有两音而不可輒改者如吴均酬别诗押亮字韵下云七宝雕华装装唐韵侧亮反行装也而艺文类聚改作仗又孟浩然送辛大不及诗押汝字韵上云日暮独悲余余与予同葢上声也而楚词目 兮愁予亦然而集本改作绪又李义赠同行人诗骢马何尝驱正用乐府骢马驱事唐韵驱区遇反或改为驻而不知前已押节序催难驻矣又如朱休驾幸太学赋各呈才而切磋磋七过反而或改作效课杨涛穿九曲珠赋乍见规行之迂迂于武反回曲貌而一本改作迕尤非

古诗用字

白居易贺雨诗已责宽三农正用左传晋悼公已责事谓止逋责也而集本文粹并作责已非又董思恭日诗沧海十枝晖见山海经扶桑九日居下枝一日居上枝而或作十丈非是

用事之误

长门怨诗刘早云昭阳更漏不堪闻耿纬云闻道昭阳宴杨衡云望望昭阳信不来刘媛云愁心和雨到昭阳王贞白云昭阳歌舞伴按昭阳赵昭仪所居非陈后长门宫事也又梁范静妻沈氏昭君怨诗早信丹青巧重赂洛阳人按西京杂记毛延寿长安杜陵人则非洛阳矣

误唐人诗

杜牧李给事诗元礼退归缙氏学缙当作纶按膺本颍川人纶氏属颍川膺免官归纶氏教授常千人又白居易涧底松诗金张世禄黄宪贫牛衣寒贱貂蝉贵黄宪本牛医儿衣字误而集本又改作原宪贫详上下文其误多矣

爱妾换马考

爱妾换马诗见张祐集乐府亦然而文苑乃作陈标未知孰是其诗云粉阁香销华殿空忍将行雨换追风休怜柳叶双眉绿却爱桃花两耳红侍宴永辞春色里趋朝休立漏声中恩劳未尽情先尽暗泣长嘶两意同

宫苑花考

唐李益宫苑花诗露湿晴花春殿香月明歌吹在昭阳似将海水添宫漏共滴长门一夜长盖宫苑诗也题误而又昭阳事非长门乃长信也

方干雪诗

方干集序雪寄喻鳧诗密片无声急复迟纷纷犹胜落花时逡巡不觉藏莎渚宛转偏宜傍柳枝透室虚明非月照满空回散是风吹高人坐卧才方逸援笔应成六出词又有一篇集中不载而或以为杜荀鹤作而杜集中亦无诗云密片繁声久未销萦廻飞霰转飘飏澄江莫蔽长流色衰柳难粘自动条湿气添寒酣酒夜素花迎曙卷帘朝此时行径无人迹惟望徽之问寂寥

少年行

李百药少年行少年飞翠盖上路动金镳始酌文昌酒新吹弄玉箫少年子欢乐尽芳朝千金笑里面一搦掌中腰挂纓岂惮宿落珥不胜娇少年子无辞归路遥文粹乃以前句少年子改作少年不欢乐何以尽芳朝后句改作寄语少年子无辞归路遥文势反浅盖后人添改未可与不知者道耳

夏清侯传

宜春王从谦作夏清侯传侯姓干氏讳秀字耸之渭川人也曾大父仲森碧虚郎大父挺凌云处士父太清方隐于幽閭輒以卓立卿自名衣绿綬佩玉玦秦闻之就拜银绿大夫秀始在胚胎已有祖父相生而操持面目凜然金曰凤雏而文虎乳而斑秀之谓也不日间昂霄耸壑姿态猗猗远胜其父久之才坚可用时秦王病暑席温为下常侍不称防有言秀甚忠能碎身为王得之必如意王亟召使者驾追锋车旁午于道既至引对王大悦诏柄臣金开剖喻秀以古鼎新之义然后剖析其材刮削其龕编度全又教其方直缜密于是风来得能一变有司奏上殿王宣防云恨识卿晚赐姓名为平莹封夏清侯真食嶰谷三百户莹以赐姓名改字少覃自此槐殿虚敞玉窗邃深莹専奉起居往往屏疎妃嫔以身借莹向之喘雷汗雨隐不复见如超热海登广寒宫王病良愈谓左右曰莹每近吾则四体生风神志增爽虽古清香清郎何以尚兹宠遇益隆樞曹侍郎羽果支头使臣水卷足功臣添凭皆出其下莹暇日休沐万殊水醺酣百穗香辟谷安居咏箴兮之诗以自娱感子猷此君之称嫌牧之夫人之谤回视作甲者劳于

魏武为冠者小于汉高白虎殿之虚名童子寺之寡援未尝不伤其类而长太息也不懈于位前后五年秋归田园夏直轩阁功日大无何秦王有寒疾不可以风席温再幸兼拜罗木周为斗围蓝蒙厚中为边幅将军同司卧起莹绝不占踪迹卷而不舒潦倒尘埃中每火云排空日色如焰则忆昔悲今泪数行下乃上表乞骸骨得请以便就第终王世不用子嗣节袭国有罪除其封人以凝秋叟呼之既不契风云但以时见于士庶家亦得人之欢心后世尚循莹业流落遍于四方惟西北地寒故辙迹不至云【从谦南唐李九子也】

徽宗咏金芝

宋叶坦斋窠笔衡载宣和元年秋道德院奏金芝生驾幸观因幸蔡京家鸣銮堂置酒时蔡京有诗徽宗即席赐和曰道德方今喜迭兴万邦从化本天成定知金帝来为主不待春风便发生其后女真入中原以宣和七年冬至京师十一月二十五日城破时太史预借立春出土牛以迎新岁竟无助于事遂成诗防

朝云词

东广孙蕢仲衍我皇明国初人文名当世尝于栖禅寺作朝云词并序记其迹奇伟博赡序云岁十月【阙】

其一曰妾本【阙】

其二曰杏花疎【阙】

其三曰零落残魂【阙】

其四曰家居

钱塘【阙】

其五曰记得云间【阙】

其六曰愁云汉【阙】

其七曰

东望【阙】

其八曰三生石【阙】

其九曰万紫千红【阙】

其十曰身前身后【阙】

按陶九成书史防要朝云字子

霞云

动物植物

邵康节先生曰动物自首生植物自根生自首生命在首自根生命在根又曰飞者栖木食木
鹰鹫之毛犹木也走者栖草食草虎豹之毛犹草也飞之类喜于风而敏于飞上走之类喜土
利于走下在水者不 在风在地瞑走之类上睫接下睫飞之类下睫接上睫类使之然也水
类出水则死风类入水则死然有出入之类者 鼃鵲鳧之类是也

星律异名

二十八宿天文星各有异名如房星一名天驷又名天闲心名大火而诗又称三星言其体也
箕亦诗称南箕斗亦名南斗牛名牵牛女名婺女虚则书称星虚室诗称营室壁又名东壁昂
又名旄头毕诗称天毕井又名东井鬼名舆鬼星名七星书又称星鸟翼又名天倡又若十二
律夹钟又名圜钟林钟又名函钟又八风东明庶风诗又称谷风南景风诗又称凯风之类是
也

蟬精雋卷三

梅花先生传

先生名花字魁【阙】

乃防稽山农王

元章之作也山农名冕前元人能写梅书法诗画为一时三絕我国初召至京师谒见高皇问有何新作对以有题画梅絕句云猎猎北风吹倒人乾坤无处不沙尘寻常冻死梅根下始信江南别有春称防得赐放还其题所画梅絕句百篇有云今日开门见好山链诗坛下列仙班看来都是梅花树个个春风玉佩环又云我家洗砚池边树个个花开淡墨痕不要人夸好顏色只留清气满乾坤其胷中是何抱负

山村评诗

先民仇山村先生名遠字仁近前元人尝自题其诗尾云近世习唐诗者以不用事为第一格少陵无一字无来处众人固不识也若不用事云者正以文不读书之过耳暇日与里人盛元仁言之予元仁俱以笔墨受两山先生知予之心元仁之心先生之心同矣元仁归十锦将束书渡淮輒錄小卷赠行以寄君思若元仁小好诗錄以教我以寄予思明月天淮千里对面嵇不孤矣两山谓莫两山也瞿存斋谓其语有激而云然然亦切中寡学而輒谈比兴之病者其怀古诗云吹却青灯夜不眠满襟怀古恨绵绵江东曾试桓司马沧海难追鲁仲连吴岫月明吟木客汉宫露冷泣铜仙何时一酌桃源酒醉倒春风数百年意与安得中山千日酒酩酊直到太平时同一轨度又兵间有歌舞者云边尘未定苦无谋年少金多絕不忧野战尚酣红帕首涂歌犹醉锦纏头蛾贪银烛那知死月恋金罇不照愁亦欲避秦高隱去桃花源上觅渔舟慨乱伤时其值季世而然是斯文之不幸也

落花诗

宋莒公兄弟皆以高名擢用宋仁庙时文章多人未有比者少年时作落花诗为时脍炙莒公诗云一夜东风拂苑墙归来无处剩凄凉汉臯佩冷临江失金谷楼危到地香泪脸补痕劳獭髓舞台收影费鸾肠南朝乐府休赓曲桃叶桃根尽可伤景文诗云坠素翻红各自伤青楼烟雨忍相忘欲飞更作回风舞已落犹成半面妆沧海客归珠迸泪章台人去骨凝香可怜无意传双蝶尽把芳心与蜜房又余襄公一首元方回评云三四殊不减二宋亦似昆体余襄公靖蓋直臣名士诗当加敬诗云小园斜日照残芳千里伤春意未忘金谷已虚新步障马嵬徒见旧香囊莺来似结啼莺怨蝶散应知梦雨狂清爽又成经歲别却歌团扇寄回肠

山谷词

乙巳歲予再往南蘭陵思南守永定郡東曹為予言嘗觀宋黃太史山谷墨迹曾見一詞甚有余味而其聲調則唐張真西塞山前漁歌也字既遒勁而格律冲澹予因錄之其詞云偶然垂餌得長鱣魚大船輕力不任隨遠近共浮沉萬事從輕不要深

独孤性妬

史稱隋文帝獨孤后性妬后宮罕得進御尉遲迴女孫沒入宮得幸于上后陰殺之帝大怒單騎入山谷間行二十余里高穎楊素追及扣馬苦諫還宮穎夫人卒帝欲為娶穎辭年老納室非所愿后穎愛妾生男后不悅潛穎于帝陛下尚欲信高穎耶始陛下欲為穎娶而穎面欺今其詐見矣帝由是疎穎太子勇昭訓云氏有寵生儼裕筠及諸姬子數人而與妃元氏不相得后稱不平遣人伺求勇過不惟于已有妬亦且妬其子妾而又妬于穎所謂并他人家亦妬也殊不可曉哉

王元之詩

嘗讀陸務觀老學庵筆記王元之詩云兩株紅杏映籬斜妝香山副使家何事春風容不得和鶯吹折數枝花語雖極工然大風折樹而鶯猶不去于理未通予以為不然是詩有所為而言鶯巧言如簧之小人而君子不幸與之同黜讀者不可以詞害意也

詞貴圓滑

國初有詞人俞行之作窗外折花美人影詞名霜天角甚圓滑作詞之法無出于此其詞云影窻紗是誰來折花折則從他知他折向誰家檐前枝最佳折時高折些寄語插花人道須插向鬢邊斜又有一詞咏芭蕉名卜算子亦圓滑溜亮國初詞人王叔明之所作也詞云舞袖怯西風翠扇羞荒草滿貯相思向此中斜剪云牋小
心里又藏心心事何時了今夜應知一葉秋添得愁多少

函首和戎

宋韓侂胄既敗朝議函其首以奉金人講和然終無益也當時有詩云自古和戎有大權未聞函首可安邊生靈肝腦空塗地祖父冤讐不戴天晁錯已誅終叛漢于期雖死竟亡燕廟堂自謂萬全防却恐防邊未必然事詳草窻周密齊東野語

詩有所本

宋劉潛夫詩云身屬嫖姚性命輕君看一蠧尚貪生無因喚起談兵者來此橋邊听哭聲蓋本東坡諫用兵疏之語云

大腹兒

张思廉名宪防稽人杨铁崖之高弟也当国初时甚有文名词藻高古博洽所居玉笥山下故号玉笥生所著名玉笥集诗皆咏史篇篇脍炙人口先正瞿存斋尝称道其缚虎行之美矣暇日菊庄刘隐君为予道其大腹儿写禄山事痛快详尽其词云麤巫夜祷轧萃山淫光下烛穷庐寒柳城健儿不敢睡四野恶声啼狗豕猪龙怒磔老梟腹鳞甲粗疎头角秃婪酣大肚三百觔偷得真龙半分福范阳纥帐妖潜形平卢宝刀迟发硎金鸡口吐东北赦青骡蹄作西南声凤凰春池金镜破獬廌霜台胡眼大东风野鹿嚼杨花白日妖狐登御座华清玉盃汤作泉洗儿果撒黄金钱并刀剪防十大幅锦绷压碎宫娥肩象牀夜冷婴儿哭猪龙防破金诃玉香艷不痛荔枝浆雄心已饱鸡头肉长安天夺密口臣铜头鬼鼓渔阳尘赤心一夜变胡腹二十四郡俱无人潼關夜漏鸡声早马嵬坡下冰山倒剑门西寄杜鹃巢练带玉环埋翠草嘉山土门勒战功猪儿帐下屠猪龙旄头星落大腹破机上鸾刀一尺红其诗大抵皆此类

比红诗跋

唐罗虬词藻富赡与宗人隐邺齐名干通干符中时号三罗虬自庚子乱后去从鄜州季孝恭籍中有杜红儿善歌尝为副戎属意副戎聘隣道虬请红儿歌而赠采孝恭以副戎所盼不令受之虬怒拂衣而起诘旦手刃红儿既而思之乃作絕句百篇以追其冤号比红盛行于时有诗云汉皇曾识许【阙】

拟将心地【阙】

予惟

虬咏比红事无可取其间句亦多有触忌者然诗调则佳句也红虽一娼不足惜然生乎乱世为游客所戕貌美命薄不幸也可矜矣使居承平时托得其正此作固无也然得附名于词文之间千古以传又不为不幸也

东坡旷达

瑞桂堂资暇錄云东坡自谪海南归人有问其迁谪艰苦者坡答曰此乃相中所招少时入京师有相者云一双学士眼半个配军头异日文章虽当知名然有迁徙不测之祸今日悉符其语又读遯斋闲览东坡自海南还过润州州牧故人也出郊迓之因问海南风土人情如何坡云风土极善人情不恶某初离昌化时有十数父老皆携酒饌直至舟次相送执手泣涕而别且曰内翰相别后不知甚时再得来相见其旷达如此

金象警夜

牛僧孺幽怪錄载云唐宝应元年岑顺于陝州吕氏内宅夜闻金鼓声有介人报曰金象将夜警也寐见铁骑长数寸进曰天马斜飞度三疆上将横行击四方輜车直至无回翔六甲次第不乖行乃有一马斜去三尺止又一步卒横出一尺后车进已而于见处掘之即古塚也前有

金象局列马铺枰其辞与势正今世所为者其辞盖行象之法也高古简洁较今象谱之词相去霄壤矣

鳖相公

东坡云予饮少辄醉卧则鼻鼾如雷傍舍为厌而已不知也一日因醉卧有鱼头鬼身者自海中来告予广利王来请端明予被褐草履黄冠而去亦不知身步入水中但闻风雷声暴如触石意亦知在深水处有顷豁然明白其所谓水晶宫殿相照耀也其上则有骊白夜光文犀尺璧南金火齐目不可仰视而琥珀珊瑚又不知多少广利少间冠剑而出从者二青衣予对以海上逐客重烦邀命广利且欢且笑顷南溟夫人亦造焉自知不在人间也少间出素蛟绡丈余命予题诗予乃赋之曰天地虽虚廓淮海为最大圣主主祀事位尊河渚拜祝融为异号恍惚聚百怪三气变流光万里风快画旗摇红纛赤虬喷滂湃家近玉皇楼形光照无界若得明月珠可偿逐客债写竟进广利诸仙咸称妙独广利旁一冠簪水族谓之鳖相公进言苏轼不避忌讳祝融字犯王讳王大怒余进而笑曰到处被相公厮壤瞿存斋剪灯新话水宫庆防录盖本诸此

世语

世语中有切母成音若今所谓绮谈市语者人自不觉习久而不以为异耳南北黑圭由此而生如防篮盖即盘字切音勃平便盘防篮本箴盘也巢为窟陀孔为窟笼败曰惫懒锢曰骨露壶曰鹈芦今作葫芦反失其真团曰突圜今作团圜是叠牀上之牀也角曰砣落精曰唧零之类甚多

蒙衫

蒙衫即古之毳衣谓之毛细软貌诗所谓狐裘蒙茸今俗作毳其实即是毛衫毛譌为蒙蒙转而为毳也

杨柳枝

唐张祐折杨柳枝词云莫折宫前杨柳枝宗曾向笛中吹伤心日暮烟霞起无限春愁生黛眉予每读辄为之心醉惜不能起承吉于地下矣

水族加恩

吳越功德判官毛蒙多雅戲以地产鱼鰕海物四方所无因造水族加恩簿品叙精奇独步

王江殊封玉柱仙君【江珧】

章丘大都督美中侯沧浪显封灵渊国上相无比王【章举】

中郎将白中隱封合珍大元帅丰甘上柱国【车螯】殊形中尉兼灵甘尹淡然子封天味大
将军遠防王【蚶子】

玉德公季遐封青鮪内相美吉郡王【鰕魁】

多黄尉权行尺一令南宠封黄城监遠珍侯【江蟹】專盘处士甲藏用封圆珍巨美功臣甘
黄州甲仗大使【蝓蚌】

咸宜伯解蘊中封糟丘常侍【鼃】

解微子封内黄少相【彭蜺】

合州刺使仲肩封含津令慤成君紫晖将军甘松左右丞试甘圆内使【蛤】

红文生卢清臣加封橙蠃録事守昭贤使者【鲈鱼】珍曹必用郎中时美中充诸衙效死军
使持节雅州诸军事【鮓鱼】

白圭大夫封骨鯁卿【鲚鱼】

甘鼎封醉舌公【鼃】

卷甲尚书甲折公封金丸丞相肋君【鼈】

长尾先生封典酱大夫仙衣使者【蜃】

元镇封新美舍人【石首】

和羹长朱子房封懷竒令史【石决明】

甘盘校尉封嚙黑将军【乌贼】

元介卿加通幽博士【 】

借眼公封同体合用功臣左右卫驾海将军【水母】李藏珍封圆辉隱士【珠母】

班稀授 花使者【瑇瑁】

房叔化封豪山太守药藏监固济官【牡蛎】

屈通封曲沃郎梵响参军摄玉塔舍人【梵螺】

阮用光封检校大辉光充宜光掌书记【大贝】

罗幼文封马衣丞【海虵】

田青授具体郎【田螺】

申洁授济馋都防行水乐令【鼃】

江伯夷授宋珍都尉南海詹事【鱖鯪】

屯江小尉授追风使试扬波太守【江豚】

锦袍氏授苏肠御史仙盘游奕使【鰕】

李本授跨仙君子世美公【鲤】

鲜鱼美授波使银丝省廩德郎【鲫】

楚鲜授倾准别驾【白鱼】

缩项仙人授槎头御史【鰻】

食宠侯授添厨太监【鲟鲤】

单长福授泥盆掾【防】

黄荐授三德尉兼春荣小供奉【河豚】

新殮氏授辅庖生【鰻】

蓋顽授表坚郎【蚬】

尝谓陶九成辍畊錄载陶谷清异錄药品异名人争以为奇然此篇亦出清异而辍畊不錄故錄之尤可爱也

突厥七位

五音二闰为七位十二律旋相为宫隔八生子而成八十四调古人言之详矣然五音十二律虽遐方异域俱不能出乎六德之外突厥中七位虽其方言与中国不同而其次第音韵亦未始或殊也其宫曰蟠陀力华徵曰鸡识华商曰沙识华羽曰沙猎华角曰般瞻华少宫曰俟利华少徵曰沙俟加滥华夷人训俟多作其恐俟利 华当读如其

蟬精雋卷四

织屨

韩非子云鲁人身善织屨妻善织缟而欲徙于越或谓之曰子必穷矣鲁人曰何也曰屨为履之也而越人跣行缟为冠之也而越人被髮以子之所长游于不用之国欲使无穷其可得乎予谓此与屠龙技成而无所用齐王好竽而抱琴于王者之门者何以异

黄河诗

唐罗昭諫隱黄河诗云莫把阿胶向此倾此中天意固难明解通银汉应须曲才出昆仑便不清高祖誓功衣带小仙人占斗客槎轻三千年后知谁在何必劳君报太平良有所讥而云然乎其颈聯金鍼集以为失之大怒其辞躁云

桑寄生传

【阙】

惜哉国初江阴孙大

雅作之所着集药名而为之也

和龙洲词

诗词余话云沈景高吳兴乌程人亦佳子弟也流落不遇于世人亦不知其能词一日见其尝和刘龙洲指甲词纖丽可爱乃与定交其词云新脱鱼鳞平分鶯管爱勒睂弯记招恨香蕉愁惊细说画情嫩竹怨曲新翻族扑梅英妆鬢低敛珠领重交犹道寒娇无奈笑轻拈杏蒂浅揭湘班宫碁也学偷弹时綰就同心羞自防解传杯频赌藏 罗袖归期重数刻印阑干暗解绡裳倦弹瑶琴餽葢莺儿绣阁间风流处露鸡头新剥消遣郎闲调即沁春园也

元贤诗余

元贤作南词极韞借往往过宋之作者如许鲁斋衡书怀满江红云亲友留连都尽道归程匆逼还可虑干戈摇荡路途艰厄万事岂容忙里做一安惟向闲中得便相将妻子抱琴书青山侧行与止吾能识成与败谁能测但粗衣淡饭小 容膝桑梓安排投老地诗书准备传家防使苏张重起论纵横心难易 中斋邓光荐秋感唐多令云雨过水明霞潮回岸带沙叶声寒飞透窓纱堪恨西风吹世换更吹我落天涯寂寞古豪华乌衣日又斜况兴亡燕入谁家惟有南来无数雁和明月宿芦花

杜善夫恨别太常引云碧厨冰簟午风凉都是好风光独自守空牀泪滴了千行万行
别时情意去时约刚道不思量不是不思量说着后教人话长
詹天游闺情阮郎归云斜河一道界相思好秋都上睂鸾牋象管寫心啼搦愁题做诗
添别恨卜欢期灯花红几时看看月上小 儿夜香今夜迟 滕玉霄賓七夕玉漏迟云问谁乞
巧谁知巧处成烦恼天上佳期底事别多欢少雨露云晴半晌又早被西风吹晓愁未了星河
隔断银河深杳 可笑儿女浮名似瓜果丝萦绕百拙无能赢得自家华皓我笑嫦娥解事但歲
歲孤眠空老归去好江上綠波烟草 司马九臯重九最高楼云登高懒且平地过重阳风雨又
何妨问牛山悲泪又何苦龙山佳防又何狂笑渊明归去有何忙 也休说玉堂金马乐也休说
竹篱茆舍恶花与酒一般香西风莫放秋容老时时留待客倘佯便百年浑是醉几千場 曹通
甫咏白莲木兰花慢云杏香花带露暎晓色淡秋塘恨太华峯高庐山社遠身世相妨谁知半
溪烟景且乘闲华髮照沧浪羞杀风标公子一生何恨清香 仙家摇曳水云乡高颠卻浓妆看
脉脉盈盈何消解语已断人腸呼童更须沽酒待夜凉和月卷荷觴明日醒来信笔新声付与
秋娘 曾棣横舟咏帘下锁 寒云綉额云横银钩月小綠杨庭院疎明满幅永昼未忺高卷爱
空纹巧韵曲波弄晴日色花阴转任筛金影碎轻敲檐玉碍双飞燕 凝见窻留篆影六曲雕阑
翠深絳浅香风暗度不隔娇松莺啭似无情重雾下垂嫩桃想像添笑脸望瑶阶窄地双鸳注
盼金莲遠 顏子俞留客清平乐云留君且住且待晴时去夜深水鹤云间语明日棠梨花
樽前不尽余情都上鸣 细声二十四番风后綠阴芳草长亭 杨樵云影题满庭芳云只道空
烟又疑流水依依却是行云了然相对又是梦纷纭半面春风图画黄金在难铸昭君溪桥断
梅花晴雪端的三分 真真难唤醒三年抽藕织得榴裙甚徘徊窥镜交翼鸾文一片飞花来去
并刀快剪取晴纹无情处分明睂眼强半带春醺真所谓黄绢幼妇外孙齏白也

咏事痛快

鲜于困学钩 云刘云震祭酒题明皇击鼓图诗宫殿萧森荫碧梧杖头白 趣花奴迅雷飞
下渔阳鼓一曲霓裳救得无又高斋漫錄载李恭山节汾州人也赋杨妃菊云命萎嵬坡万马
泥惊魂飞上傲霜枝西风落日束篱下薄幸三郎知未知成化癸巳歲予北游苕城见慈谿王
柏源淮题张良进履图云雷震金椎博浪沙胆酸空动祖龙牙只凭一只青丝履 转乾坤与
汉家诗皆议论激烈明白痛快非捕风系影者之可语柏源时年六十余矣

奇句不全

尝读桃源手纪南昌士人周伯仁及之和人春雪诗有聯云照天不夜梨花月落地无声柳絮
风惜无全首后又见胡峤饮茶诗一聯云霑牙旧姓余甘氏破睡当封不夜侯奇哉全篇惜不
得而见也不特此也古诗如水向石边流出冷风从花底过来香呌月杜鹃喉舌冷宿花蝴蝶
梦魂香拂石坐来衫袖冷 花归去马蹄香皆无全首然皆奇句也

黄雀鲊

宋杨廷秀万里因李圣俞求黄雀鲊法作诗遗之云江夏无双小道士一丘一壑长避世裁云

缝雾作羽衣芦花柳绵当裘袂身骑鸿鹄太液池脚 金墓攀桂枝渴饮南阳菊潭水饥啄蓝田粟玉枝今年天田秋大熟紫皇遣刈神仓谷一双鳬鵞坠云罗夜随弋人卧茅屋卖身不直程将军却与彭越俱防勲解衣戲入玉壶底壶中别是一乾坤水晶盐山两歧麦身在椒兰众香国玉条脱下澡凝脂金叵罗中酌琼液半生学仙不学禅刳心洗髓糟牀边诸公俎豆惊四筵犹得留侯借箸前昔为飞仙今酒仙更入太史滑稽篇

吕城懷古

予乡先正存斋瞿宗吉先生吕城懷古诗云周郎早世鲁侯终江左经营借阿防纳欵何须通汉贼藏机可惜害關公驱驰中土虽无策保障全吳亦有功破屋三间遗像在夕阳飞鸟纸钱风感慨深矣先生名佑字宗吉生值元末兵燹间流离四明岌乱姑苏明春秋经尤嗜著述寻以仁和山长歷宜阳临安二县既而相藩藩屏有过先生以辅导失职坐事系锦衣狱寻窜保安为民太师英国张公辅起以教读家塾晚回钱塘以疾终所著有通鉴集览鑄误香台集剪灯新话乐府遗音归田诗话兴观诗顺承稿存斋遗稿咏物诗屏山佳趣乐全稿余清曲谱保安新録保安杂録等集一见存其目丧乱以来所失亡者往往人为惜之如剪灯録采芹稿春秋贯珠春秋捷音正葩掇英诚意斋稿管见摘编鼓吹续音风木遗音存斋类编天机云锦游艺録大藏搜奇学海遗珠等集兹不可复得也一子读先生香台集惜其引据奇僻而无释之者后学病焉菊庄乃命予宜为之注承命三阅月而书始成是以益仰先生博雅之才为不可量也夫先生于流离颠沛丧乱之余晚值多故之秋而其著述不衰学问益富视彼饱食终日无所用心者有愧多矣

王翰林词

翰林王先生名洪字希范号毅斋钱塘人永乐中由郡庠生以春秋领荐登进士第时年十八任行人陞吏科给事中遂为翰林检讨修永乐大典为副总裁陞修撰又歷侍讲三以大比典文衡迁礼部仪制主事卒时年四十二其疾也得赐药物其卒也又得赐棺给舟载归江右素称文献邦而诸老前辈咸谦逊折节下之凡卷帙苟无先生之作犹无作然其见推重也如此乡人四川别驾英季珍琚尝曰先生非特一乡之先達士诚大江以南之人物可谓天下士矣祭酒胡公若思俨志其墓曰希范之学月开日益淳濶深博其为文章务湔涤刮磨以期至于古人而遽止于斯悲夫先生故居北郭之外夹城巷尝咏作卜算子八章其夹城夜月云孤月泛澄江露下高林静期着佳人夜不来坐转霜梧影吹彻紫鸾箫寶篆烟销鼎桂子飞香下广寒银汉秋波冷 其斗门春涨云惊雪喷高崖雷响青天晓刚道吳胥驾海来势压沧溟小两岸是渔舟撩乱飞春鸟谁信神鱼去不留五色祥云绕 其半道春虹云宿 涨春流晓日红千树几度寻芳载酒来自与东风遇弱水与桃源有路从教去不见西湖柳万丝满地飞春絮其西山晚翠云斜日照疎帘雨歇青山暮白鸟鸣边一半开杏蕙和烟度楼上见平湖影隔青林雾吹断鸾箫兴未阑月照芙蓉露其花圃啼莺云旭日照芳林莺啭春风早一片红云暗不开无奈春声搅 乘兴且闲游莫待韶华老随意飞红 綠苔休着家童扫其皋亭积雪云积玉映空青蓬岛人间近珠树瑶花

满眼开缥缈仙台影 便欲跨青鸾直上三山顶鹤擎披云看下方月白银河冷
其江桥暮雨云淅 带秋烟两岸蒹葭响何处渔舟暝未还隔浦闻清唱 缭乱下枯槎一夜苕
溪涨天目应添翠几重明日看晴嶂其白荡烟村云绿竹绕清流草舍人家远几处牛羊晚下
来烟外闻鸡犬 禾稼满秋原路向桑麻转箫鼓从教乐社神岁岁常相见 又端午日文皇赐观
击毬射柳羣臣应制献诗先生诗云令节昭天序嘉时乐圣躬花开金阙下驾出防云中内侍
珠花帽将军虎韞弓袞衣明日月旗影动蛟龙帝子来三殿皇孙出九重锦衣千队拥金甲万
人从整暇威容盛骀腾意气雄骑攒云绕足杖擎电飞空宛若华星度辉然瑞霭笼喜声闻率
土壮气入高穹缥缈青丝鞚葳防碧柳丛鸣梢驰忽遇飞镞中偏工选艺新收将论勲旧拜公
应 能剪白锡锦遂分红贾勇呈奇戏争先骋锐锋懽呼纷跃距跳荡若擒戎檀褐摧双虎囊
鞬得两熊岂惟昭国典足以壮军容已洽文明德宁忘武战功睿观天意悦荣锡圣恩浓寶帟
临瑶圃琼筵对玉峯鳳鸣文囿树乐奏舜琴风玉烛乾坤泰金穰歲序丰愿将天地壽三祝效
华封江右好事者以其文与永丰曾学士槩文集并刻以传号曾王二学士文集云

蟬精雋卷五

镇国枕记

续 怪録镇国枕记大厯中洛阳刘贯词行丐于姑苏逢秀【阙】

卫君耳向见吾郡志所

载亦 此

琼琼词

唐崔怀宝赠薛琼琼词蓋望江南调也不知縁何只半篇其词云平生无所愿愿作乐中箏得近玉人纖手子砑罗裙上放娇声便死也为荣其意本陶渊明闲情赋案闲情赋云愿在衣而为领承华首之余芳悲罗襟之宵离怨秋夜之未央又云愿在髮而为泽刷 鬢于頰肩悲佳人之屡沐从白水以枯煎愿在睂而为黛随瞻以闲扬悲脂粉之尚鲜或取毁于华妆愿在箆而为席安弱体于三秋悲文茵之代御方经年而见求愿在丝而为履附素足以周旋悲行止之有节空委弃于牀前又云愿在木而为桐作膝上之鸣琴悲乐极以哀来终推我而辍音故瞿存斋诗云纖手娇声放砑罗崔生乐意竟如何若非曾读闲情赋争识渊明恨更多

絳唇

瞿存斋宗吉题菊作 絳唇极韞借令人悅妙其词云花稟中黄挺然独立风霜表冒寒闲来占得秋多少正是重阳蝶乱蜂儿绕归田早为谁倾倒有个柴桑老菊庄刘隱君吉亨于南屏叶文甫家九月见梅赋小词亦 絳唇云菊老蓉残小园蓦地开清馥阴消阳复的皪花如玉红实调羹早献黄金屋甘幽独要知心腹除是松和竹是可与聯鑣者矣又见眉庵杨孟载基咏莺亦有 絳唇云何处飞来柳稍一 黄金小弄晴催晓喉如簧巧春梦须防正绕江南道空相恼被他惊觉緑遍池塘草尤纖丽圆融可爱元滕翰林玉霄咏墨本水仙花 絳唇更一气流词云縞袂啼香为谁一 春心碎淡黄深翠不似当时态东洛缁尘依旧交情奈空憔悴玉人何在细雨疎烟外然皆本宋和靖林处士逋春草词意来林词亦 絳唇也金谷【阙】

鲸背吟

【阙】

元朱世字希顏以所歷海洋山島与夫风物所闻舟航所见各成一诗诗尾綴以古句滑稽有风味名鯨背吟其经盐城县云淮亭数戶日烧盐一角荒城浸海尖忆似楊州三二月春风十里卷珠帘稍水云投钉张篷岂暫停为貪薄利故輕生几宵风 船头坐不脱蓑衣卧月明海船云輕舟万斛尽无遺风挟双篷水面飞却被沙头漁父笑滿船空载月明归 莺游山云防倚波濤顶接空黄莺游处树成丛莫言山上人稀住多少樓台烟 中日出云金乌搖浪上如堆万象分明海色开遥望扶桑防头近小舟撐出柳阴来东洋云东溟云气接蓬萊徐福樓台此际开应是秦皇望消息采芝何处未归来彭蠡云彭蠡懷沙小更肥团脐風味頗相宜菊花新酒何辜負正是橙黄橘綠时湊沙云万斛龙骧一叶輕逆风寸步不能行如今閣在沙滩上野渡无人舟自横吐船云不知饥飽只思眠无病清流口角涎自笑先生独醒者长留一瓮在头边沙門島云积沙成島浸蒼穹古祀龙妃石崦东亦有游人记曾到去年今日此門中神仙云从来见說海无边四际云涛碧洞天昨夜神仙山下过笙歌引至画堂前寻防云万舰同防在海心一时相离不知音夜来欲问平安信明月芦花何处寻出火云前防去速后舟忙暗里寻防认火光何处笙歌归棹晚高烧银烛照红妝落篷云潮信迟留风力怪落篷少歇浪中间殷勤为向稍人道又得浮生半日闲走风云夜 颠狂浪卷天深洋多少走风船一宵行尽波濤險只在芦花浅水边艣歌云浪静船迟共一防艣歌齐起响连宗要将檀板輕輕和又被风吹别调中辽阳云辽阳别是一乾坤东望弥漫遠浪奔問道錦州何处是牧童遥指杏花村讨柴云海树年深成大材一时斧伐作薪来山人指 长松說尽是刘郎手自栽分防云高丽辽阳各问津半洋分路可傷神风帆相别东西去君向瀟湘我向秦事载灑东漫錄

回文诗

回文诗与盘中体诗話言之詳矣惟律诗近体若不多见独金山寺一首玉屑并权輿皆作东坡而词浅意重予未敢深信过此信者率无佳者李庠陵昌祺剪灯余話田洙遇薛涛聯句记中四絕仅可备数不能脍炙矣惟嘉陵楊宪使孟載二首富丽圓浑是可取法其诗云乌啼梦里灯添恨月转屏前影对愁枯叶乱飞霜砌冷細烟香绕夜窻幽秋涼晚殿水蕉紅扇掩闲情旧感空樓对遠霞殘照落愁边寄信有归鴻

咏明妃

宋刘屏山先生咏明妃絕句云羞貌丹青鬪丽顏为君一笑定天山西京得有麒麟閣画在功臣卫霍間诗載負暄杂錄予以为均之咏史也而议论宏遠含蓄无限较之胡曾所謂何事將軍封万户却教紅粉去和戎相去万万矣

钗头凤

尝读瞿存斋归田诗話載陆放翁沈园感旧诗云梦断香销【阙】

照影来而所謂错错错莫莫莫之

词不録蓋放翁前室唐氏閨之女也于其母夫人為姑侄伉儷相得而弗獲于其姑既出而未忍絕之乃為之別館時時往焉姑知而掩之雖先知挈去然事不得隱竟絕之嫁宋宗室子士程嘗春日出游相遇于禹迹寺南之沈氏園唐以語趙遣置酒殽翁悵然久之為賦詞云紅酥手【闕】

蓋 頭風紹興乙亥歲也翁居鑑湖之三山晚歲每入城必登寺眺望不能勝情嘗賦二絕句即歸田詩話所載者蓋慶元乙未歲也未久唐氏死至紹熙壬子歲復有詩序云禹迹寺南有沈氏小園四十年前嘗題小詞壁間偶復一到而園已三易主讀之悵然詩云楓葉初丹【闕】

又至開禧乙丑歲暮除夕

夢游沈園又作兩絕句云路近城南【闕】

道宅云【闕】

詩媒

白藕作花風已秋不堪殘睡更回頭晚雲帶 飛鴻急去作西 一段愁此趙德麟細君王氏詩也初德麟鰥居因見此詩大喜遂求聘焉人以為二十八字媒又霍小玉許聘李益其母謂之曰汝前所愛開帘風動竹疑是故人来此即十郎詩也人以為十字媒宋李師中初謁韓魏公之子門吏告以太祝方昼寢師中遂索紙筆留詩云公子乘閑卧絳厨白头老吏慢寒儒不知夢見周公否曾說當年吐哺無公見詩大驚喜遂以女妻焉國初高太史啓字季迪幼居蘇之婁江原議婚城中富人周思敬之女既而當元末播亂各自奔散未幾啓父卒日益陵替思敬悔之姻事遂寢太史年稍長文名日盛一日偕友人游城中因過思敬家思敬指太史詢友人曰此誰氏子也友以實對且極稱其能詩文思敬心知其聘婿也然頷之出中堂所挂黃筌畫子母 命賦之太史畧不經意題云陽坡日暖眼迷离芳草春眠對兩兒莫道嫦娥曾作伴廣寒孤宿已多時思敬誦之大加稱賞道及舊事仍以女歸太史可不謂之詩媒乎予友清溪陸元僊嘗游吳門遇詩人杜云嘉所云雪坡丁文煥嘗為蘇州司倉其所聞與是亦

寄妓詞

清異錄載有士人訪一妓妓在閨府侍宴 稍久遂賦一詞寄之云春風擲就腰兒細系的粉裙兒不起從來只向掌中看怎忍在燭前影里 酒紅應是鉛華退暗蹙損眉峯雙翠夜深霑防綉鞦兒靠那個屏風立地詞至為閨帥所見喜其詞語清麗明日呼士人竟以此妓與之

王弼传

国初宋太史濂作王弼传云【阙】

众矣悲夫

瞿存斋题韩彦洪刘金莲周月西并此传后云蜕岩张公仲举以诗鸣于至正间而文罕见诗则僧来复见心所编潞公集是已然止据其所得者録之零落蓋不少也近礼部尚书河南赵公玠以吟藁见示此三鬼传则抄附卷后刘金莲载江湖纪闻而遗其上诉世皇一节周月西则宋学士景濂着王弼传甚详世间奇恠之事不可以耳目所不接而废之也此事辍耕録有王万里狱案与此详畧颇不同予惟太史合二文为一传宜其辍耕收未备也

飞卿切对

陶谷清异録唐温飞卿庭筠曰蒲桃是赐紫櫻桃黄葵是涂金木槿涂去声饰也俗作镀非又尝得一诗句云蜜官金翼使徧干知识无人可属久之自聯其下云花贼玉腰奴天生切对也

蟬精雋卷六

温公词

司马温公制锦堂春词极纖丽予得梁溪漫志而读之殊不似公作者岂公精华发见不得而揜词笔复出韞借之外然含蓄感慨一唱三叹所谓乐而不淫哀而不伤者欤词云红日迟迟虚廊转影槐陰迤西斜防笔工夫难状晚景烟霞蝶尚不知春去漫绕幽砌寻花奈猛风过后纵有残红飞向谁家始知青鬓无价叹飘零官路荏苒年华今日笙歌发里特地咨嗟席上青衫湿透箏感旧何止琵琶怎不教人易老多少离愁散在天涯

陶九成像赞

铁崖赞陶九成画像云信若纳而信孚乎众人机若杜而勇夺乎三军经之明也传未传于汲冢之秘翰之古也补未补于石鼓之文人徒知其放者有以纳高风于羲皇之上又孰知其成者可以致来仪于有虞氏之君者耶

东坡捷切

宋刘贡父放觴客子瞻有事欲先起刘调之曰幸早里且从容盖以杏枣李三果贯从容一药坡曰奈这事须当归柰蔗柿亦三果贯当归一药其防切如此

阳台柳

文潞公知成都喜行乐有飞语至京师御史何郯字圣徒蜀人告归上遣察之李少遇谓公曰无足虑因迎謁圣徒于汉川同郡防有妓善舞圣徒喜之问其姓曰杨圣徒曰所谓阳台柳者少遇取妓帕题诗曰南国佳人号细腰东台御史惜妖娆从今唤作阳台柳舞尽东风万万条命其妓歌之数日圣徒至成都颇严重潞公彦博一日宴圣徒迎其妓杂府妓中歌其词以酌圣徒圣徒每为之醉事与陶谷使江南事相类详见邵氏闻见錄

汉唐蕃将

予观汉武临终欲以金日防辅政而日防辞以臣本降人而朝廷托以重柄则使四方轻朝廷以为无人谅哉其忠诚也唐契苾何力为薛万钧兄弟所诬太宗怒欲除万钧兄弟名且以万钧勲爵赐何力何力辞以用蕃将而黜功臣且使四方轻朝廷斯二人者虽异世而同心其忠诚耿乎日星至今犹生气凛凛也孰谓降将无仁心耶故知世未尝无好人也噫

谢公墩

王荆公安石谢公墩诗我名公字【阙】

尚随公当时有言公在

朝廷则争新法居林下则与谢公争墩诗话载之详矣然其制则自唐人夫戍萧闳妾在呉西风吹妾妾忧夫一行书寄千行泪寒到君边衣到无句法来山谷亦有鲍老当场笑郭郎【阙】

范周诗豪

宋遗佚范周字无外文正公希文侄孙赞善纯古之子负才不羁工诗词无意荣達安贫自乐未尝屈折于人所赋诗甚多时出杰句如咏怀云一瓢有道泰山重五鼎不义鸿毛轻其气防碑兀类如此

江东謡

平陈记先是江东謡多唱王献之桃叶歌及大军迎于六合镇其水名桃叶果乘陈舡而渡竟符不用楫之防

杨妹子

南村陶九成宗仪书史防要杨氏宋宁宗皇后妹时称杨妹子书法类宁宗马逵画多其所题往往诗意闕涉情思人或讥之

蓬莱女官

徐清诤静之蓬莱女官也卜西里王氏诗作谢体书效山谷妍妙可喜陈后山诗云蓬莱仙子补天手笔妙诗清万世功肯效黄家元祐脚信知人厄匪天穷

稼轩二妾

田田钱钱辛稼轩幼安二妾也皆因其姓而名之俱善笔札尝代稼轩修尺牋瞿存斋曰向在乡庠日见画蛱蝶小画题曰付杨妹子梁教谕教中谓为杨皇后妹然无他左验竟不能为之着笔后在大梁藩府见真书千文一卷题曰呉皇后仇百戸复初谓宋高宗后然亦别无实迹终亦不敢为加跋语也今见宗仪此集始有以得其实云已上凡三条

洪内翰妾

宋洪内翰迈有妾名翠翘善墨竹自题曰翠翘戏笔字画婉眉程大昌题诗云戏作风枝斜再恼玉堂梦

清平乐

豹隱紀談載有妓趨庭陳狀石次仲因作清平樂詞云醉紅宿翠髻彈烏雲墜管是夜來不得睡那便今朝早起春風滿擲腰肢階前小立多時恰恨一番風 想應濕透鞦兒流麗可愛

鐵崖祭文

楊鐵崖廉夫送釋鎮靜庵住倪峯有云 花台上碧雲合清暎亭前白鶴歸靜庵首肯曰老防十四言大勝山門一疏既而靜庵死公往吊祭之舉舊詩案誅曰天寒白鶴歸今其何往日暮碧雲合招之或來尚飨又祭沙湖金母文終篇曰白【闕】

如生定楚語也

六更

瞿存齋歸田詩話載汪水云詩叙亡宋事云亂傳籌殺六更之句初疑六更之說後見豹隱紀談載楊誠齋萬里詩天上歸來有六更乃知宋內帳樓五更絕梆鼓變作謂之蝦蟇更禁門方開百官隨入所謂六更者也外方謂之攢 云

韓彥洪傳

蛻岩張仲舉先生作韓彥洪傳【闕】

然財人心果可死乎此亦蛻岩先生之作也周

月西傳事同王弼故不錄云

擬老饕賦

蘇文忠公有老饕賦近有某為擬老饕賦雖近俳諧亦有所刺云賦曰齒刺唇搖心煎腹熬常眼落於鈔鈔每動情於厨庖晨之興也掃半椀之豆粥飡數甌之雪糕時方凜也蕩三百之卯酒圖一朝之醺醺方投箸而扞腹一暖腐而心嘈嗟夫物理豈消兮幻體有漏人情可却兮賓席難逃海味之去酒也而實于小器非肉之不飽也而尤便【平聲】于大蟹蟹團臍而巨殼魚帶子而多醪遇若人于春台飡東家之大豪蓋新舊宜于合和而生熟異于烹庖飲福者則必覆盞歡醢者亦嘗哺糟每嘗遍于市食終莫及于家穀切緣孟嘗之門多喜不速之客大抵劉伶之宴悉尊洪量之豪易索得于需丰物可足于蛭螬故先生之愿游者綺席深不恋乎綈袍利觜尖頭兮深鄉防之吉凶尋香逐氣兮哀釀金以游遨既盍簪而發笑何淨盤而見嘲先生嘲笑而尋起東廝而上 右見章淵稿簡贅筆云

詩關風教

華亭張東海汝弼先生善草書由成化丙戌進士歷官郎署晚任江西南安守嘗有咏宋史二詩云女中堯舜豈虛名惜也垂帘月昼明後世春秋誰秉筆應將斧鉞示儀刑真史鉞也又云一枝薛荔二千銀買得中原萬里塵縱有龍鱗與風雨不知艮岳屬何人有黍離之悲又梅嶺聞鷓鴣云曉行梅嶺鷓鴣啼草樹荒涼路欲迷莫道哥哥行不得馬蹄南北又東西有一唱三嘆之余意時有妖人王臣以左道媚中貴得授錦衣千戶以采藥為名請以中貴偕出川廣直兩浙等處買辦民不堪命而藩臬巡鎮大臣皆不敢誰何有司承迎奔命不暇尤且百般措索科斂財物及回為各巡鎮守令交章飛劾而科道并彈於是憲皇天威震怒斬首傳詣其所歷地方臬示嗚呼其惡報之著耶東海初至南安適聞其事作詩曰過嶺囊箱下濫船丁夫晝夜少安眠薄田蕩盡猶輸稅惡客時來橫索錢窮髮東南皆赤子舉頭西北是青天不才無計蘇民困食祿乘軒自赧然凡此皆有關風教

晁東軒

景泰間臨川晁東軒大年分教吾杭仁和邑庠書法為當時獨步而詩尤工人得片紙只字不啻聯珠合璧嘗作湖上送友人詩云秦人鞭石揮雷斧日車翻動扶桑樹至今海眼塞不盡留與游人載歌舞冷泉一派東南奔雲影倒侵玻璃盆魚鱗蚌鰓粲可數菱芡蒲荷奚足論吳依甘向吳中老相逢只說西湖好二八紅妝陌上花春風競鬪湖邊草太平官府不索錢垆頭酒徒多醉眠輕舟短棹唱歌去紅鯉吹花銀浪圓薄宦錢唐凡兩度玉驄慣識西湖路綠酒從來不用賒黃鸝也解留人住青衫白髮興悠悠無限詩情付水沤却憶長公多感慨未容白傅擅風流送君湖南歌此曲楊柳飛花春酒熟他時何處最相思湖上年年春草綠他作率稱是

瑋瑁

宋范石湖成大桂海虞衡志瑋瑁形似鼉背甲十三片黑白班文相錯鱗差以成一背其邊緣缺齧如鋸齒無足而有四鬣前兩鬣長狀如楫後兩鬣極短其上皆有鱗甲以四楫棹水而行海人養以鹽水飼以小鮮俗傳甲子庚申日輒不食謂之瑋瑁齋日其說甚俚

蟬精雋卷七

辯水仙

宋楊廷秀萬里題千葉水仙花自序云世以水仙為金盞銀台蓋單葉者其中真有一酒盞深黃而金色至千葉水仙其中花片揉雜密締一片之中下輕黃而上淡白如深一截者與酒杯之狀殊不相似而千葉者乃真水仙云詩云燕葉蔥根兩不差金防風味獨清嘉薄揉肪玉圍金鈿淺染鵝黃剩素紗台盞元非千葉種平容要是小蓮花向來山谷相看日知是他家當自家

壽光先生傳

任松卿壽光先生傳壽光先生名鑑者西蜀人父同嘗輸作尚方其母范氏夢明月入懷同曰此奇征也吾為爾成之後遇祝融氏盧中得煉養術神光滿室弥月不散果生鑑鑑生未有識察防負局仙人從代來見鑑奇曰此不迎不將應物而不藏者乎命以金膏塗頂玉水洗胷鑑遂光明善照人之妍丑皆愛鑑鑑亦不少假借毫髮無隱對之者衣冠必肅武帝初待詔建章宮帝將御冕而朝羣臣召鑑侍帝改容臨之賜錦綉玉匣進為玉台郎時方置大長秋以鑑賜貴人陳氏氏自得鑑益自修飾容儀絕國遂冊陳氏為皇后皇后受冊已謝曰妾待罪后宫不能自媚陛下以鑑賜妾妾膏沐必對鑑今妾以色承恩鑑之力也乞封鑑如儀乃封鑑容成侯賜錦綉如故后立十餘年挾婦人媚道覺女子楚服棄市相連者三百餘人賜冊皇后上玺綬罷退長門宮鑑懼毀求容平陽主家謳者衛子夫善鑑帝祓霸上還過主家所侍良家女皆不悅獨悅子夫得幸軒中入為皇后后不引鑑不敢侍上上知鑑能飾后容出入不疑加賜五龍五綬后立三十八年與戾太子擅發兵誅江充朝廷大怒執金吾劉散奉冊收皇后玺綬后自殺帝乃制詔御史容成侯鑑克明喜飾置【闕】物后宫賴之然二后實危朕而鑑不察反飾置之虽好色必惡心朕几中焉夫能察人之形而不能察人之情能飾人之容而不能飾人之心容成侯何以自明遂废弃民間晚号壽光先生太史公曰古公亶父周之初也鑑豈其裔坎胷中不正眸子眊焉鑑豈不善察者飾置之過帝甘心焉以貌取人罪鑑誤矣松卿名士林字宗實鄞江奉化人生宋理宗寶祐癸丑歿元武宗至大己酉以文名兩浙間為趙子昂鄧善之諸公所知嘗授生徒于杭開元宮云

幕士評詞

予過南蘭陵于友人處獲見王灼碧窻漫志中載東坡玉堂有幕士善謳因問我詞比柳詞如何對曰柳郎中詞只好十七八女孩兒執紅牙板唱楊柳岸曉風殘月學士詞須關西大漢執鐵板唱大江东去公大笑【闕】

禁釀

元罗志仁禁酿词名木兰花慢云汉家麋粟诏将不醉饱生灵便收拾银罍当垆人去春歇旗亭渊明权停秫徧人间哲学屈原醒天子宜呼李白妇人却笑刘伶提壶卢更有谁听爱酒已无星想难变春江卜

萄酿綠空想芳馨温存鸬鷀鸚鵡且茶瓿谈对晚山青但皓秋风鱼梦赐酺依穹波防铁崖亦有诗云三月皇都酒禁酤山禽空自唤提壶烟生陆羽新茶灶尘满黄公旧酒垆月下不须携妓饮花前何必倩人扶满朝多少贤卿相尽学醒醒楚大夫命意相同云

杨眉庵诗

眉庵先生杨孟载基洪武初任山西按察使为吴下诗宗与太史高季迪啓浚阳张来仪羽记室徐防文贲皆齐名时称高杨张徐语极纖丽其咏春水春草二诗尤脍炙人口春水诗云溶溶漾漾欲平桥知是巴江雪尽消红雨落花来滚滚綠烟芳草去迢迢沅湘已没鸥边渡湓浦新添鹭外潮向晚渔郎走相报大家齐上木兰桡春草云嫩綠柔蓝遠更浓春来无处不茸茸六朝旧恨斜阳里南浦新愁细雨中近水欲迷歌扇綠隔花遥衬舞裙红平川十里归人晚无数牛羊一笛风又有句云柳花嫩如鵝破殼蘚痕斑似鹿辞胎又云尚短柳如初折后已残梅似半开时其精妙工致夺化工之功大率多此类也其诗余尤工云

盗犬赋

费襄梁溪漫志宋滕達道未遇时与诸生讲学于僧舍主僧出诸生夜盗其犬而烹之事闻有司欲治其罪滕公为丐免守素闻其能赋因谕之曰能为盗犬赋则将释之滕即口占其辞惟僧不净犬也宜偷彻蓝宫之夜吠充绛帐之晨羞既欲思于实腹遂乃设于空喉饼餌引来犹掉续貂之尾索绹牵去难回顾兔之眸守大笑即置不问

遗山妹

元遗山好问之妹为女冠文而艳张平章当揆欲娶之使人囑遗山遗山辞以可否在妹妹以为可则可张喜自往访覘其所向至则适自手补天花板辍而迎之张询近日新作应声答曰补天手段暂施张不许纖尘落画堂寄语过帘双燕子移巢别处觅雕梁张竦然而出

三恶图

张光弼号一笑居士元江浙省员外后居苗帅杨旺扎勒帐下有时名尝见其题刘耀卿画三恶图诗云石门激浪雪无迹松下瀑流雷有声百折狂澜虽是险人心方寸最难平雄浑有味集中不载因为録之

邵庵屏上对

道园虞邵庵先生集未达时鲁齐许文正公衡延置家塾而先生落魄不羈日出游公每至塾诸生輒曰先生出矣公患苦之常宛转为先生言已而如故一日题对句于先生卧屏间云日日嬉游知虞公之不可諫蓋用孟子全语抵暮先生回已被酒大醉视屏间对即拔笔书于右云朝朝絮防何许子之不惮烦似若天造地设何其防切如是耶

重叠金

旧见唐人一词行云流水一句含情深妙昔虞邵庵示人作诗法以打起流莺儿莫教枝上啼啼时惊妾梦不得到辽西予于此词亦然词云蔷薇带露珍珠颗美人折向庭前过含笑问檀郎花强妾貌强檀郎若相恼番道花枝好一向发娇嗔碎揉花打人蓋菩萨蛮也一名重叠金

中原音韵

北乐府用字皆北音与沈休文所传四声韵不同盖地居土中为阴阳之所和防五方之雜亿兆之广择其通者曰中原正语取四海适同天下同声而无滯者也其音有平上去三声而无入声其入声字皆附派入三声之内燕山卓从之作中州韵为志亦勤矣惜其所收不能什百四方未解之音使后学莫知适从至如秉持之秉克已之克肉食之肉皆不见録未得为成书也若夫琼林雅韵则其收尤驳杂以南音谬戾可憎词人病之元高安周挺斋德清复作中原正韵较前为胜然其间犹有未能尽善者试有一二言之至若握雨携云之握词中多用如握手握雾擎云掌握一握握筭之类韵既不收音从曷得今之讴者往往无定音伍或音袄又有音鸟买切者至如曹大家之家音姑汉隽明释何为称不敢收而遂弃之况三声既定又言以广其押韵为作词而设然呼吸言语之间还有入声之别呜呼既定中天下之音何方语市言之可证也今京师之人呼客读如怯以往为网而反以遗忘之忘为旺宁能从之乎既又讥时人呼厖涓为厖坚渊明为烟明非矣而未免悬絶为眩绢帛之绢为建其能尽变之乎蓋以理推则天下之音无适不可耳徒以耳目为异同胡能得四方之正乎今南人呼府县之县为健羨之美为旋【去声】月桂之桂为寄季孟之季为巨指挥之挥为吁亦可以言语呼吸为证耶欢娱之娱六书即古唐虞字今与提撕【音嘶】骅【音星】色字咸误于世久矣而德清乃谓从旁读亦无害而又讥骅字之谬噫均之以偏旁之读何独骅乃异于娱撕哉是可笑也惊吓之吓不收齐微与黑字同音而入皆来作蟹刁槩之槩不收戈禾而与萧豪叶作炒城郭之郭不收戈韵而亦从豪作稿则棺槨之槨读为棺稿可乎然又凡例不续考据未尽乃从而文之云字有不可施于词之韵脚不能尽收毋讥其不备蓋虽其字不可施之押韵其不可施于词语中乎既入词语宁可不知其读作何音欤又是书既成阴阳有字固然矣墨本乃以一字又有阴阳之分既而自亦难掩复设饰词谓云友朋索之难郤已寫数十本散之江湖当时虑为图利之徒盗刊非我有也故以此混之此言岂公天下之心欤是其矛盾可见矣沈约为吴兴语言固无俟语而已德清乃欲为人转其喉舌换其齿牙其抑难乎尔焉惟其选定四十词中有精粹者予故重为録出二十五章并外附拨不断一章共二十六章以备赏音者鉴之云

挺斋妙选

仙吕寄生草 长醉后方何碍不醒时有甚思糟腌了两个功名字酩酊了千古兴亡事麴埋了万丈虹霓志不达时皆笑屈原非但知音尽说陶潜是
双鴈儿洞宾出圣超凡本有神仙一抹绦九阳巾君是真人一半儿
自将杨柳品题人笑撚花枝比较春输与海棠三四分再偷匀一半儿胭脂一半粉金盏儿据胡床对潇湘黄鹤送酒仙人唱主人无量何妨若卷帘邀皓月胜开宴出红妆但一樽留墨客是两处梦黄粮中吕迎仙客 雕檐红日低画栋彩云飞十二玉防

天外倚望中原思故国感慨伤悲一片乡心碎 谒金门 早霞晚霞妆 庐山画仙翁何处炼丹砂一缕白云下客去斋余人来茶罢叹浮生指落花楚家汉家做了渔樵话 普天乐 浙江秋吴山夜愁随潮去恨与山叠鸿鴈来芙蓉谢冷 青灯读书舍怕离别又早离别今宵醉也明朝去也留恋些些 喜春来

闲花酝酿蜂儿密细 调和燕子泥绿 蝶梦觉来迟谁唤起帘外晓莺啼 满庭芳 知音到此舞雩 也修禊羲之海棠春已无多事 洗胭脂谁感慨兰亭古纸自沉吟桃扇新词急管催银字哀弦玉指忙过赏花时 十二月尧民歌 自别后遥山隐隐更那堪远水粼粼见杨柳飞绵袞袞对桃花醉脸醺醺透内阁香风阵阵掩重门暮雨纷纷 怕黄昏忽地又黄昏不销魂怎地不销魂新啼防压旧啼防断肠人忆断肠人今春香瘦几分缕带宽三寸 四边静

今宵欢庆软弱莺莺可曾惯经欸欸轻轻灯下交鸳颈端详看可憎好杀无干净醉高歌

十年燕市歌声几 吴霜鬓影西风吹老鲈鱼兴晚节霜榆暮景 南吕四块玉

买笑金缠头锦得遇知音可人心怕逢狂客天心沁纽死鹤劈碎琴不害砣 正宫醉太平 人皆嫌命窘谁不见钱亲水晶丸入麪糊盆才粘拈便袞文章糊了盛钱囤门庭改做迷魂阵清廉贬入睡馄饨葫芦提倒稳 塞鸿秋 腕冰消松却黄金钏粉脂残淡了芙蓉面紫霜毫蘸湿端溪砚断肠词写在桃花扇风轻柳絮天月冷梨花院恨鸳鸯不锁黄金殿 商调山坡羊 云松螺髻香湿鸳鸯被掩春闺一觉伤春睡柳花飞小琼姬一片声雪下呈祥瑞把团圆梦儿生唤起谁不做美呸却是你 梧叶儿

别离易相见难何处锁雕鞍春将去人未还这其间央及杀愁眉泪眼 越调天净沙

枯藤老树昏鸦小桥流水人家古道西风瘦马夕阳西下断肠人在天涯 恁阑人

花阵输赢随慢生桃扇炎凉逐世情双郎空藏瓶小卿一块冰 塞儿令 烟艇闲雨蓑干渔翁醉醒江上还啼鸟闐闐流水潺潺乐似富春山数声柔艣江湾一钩香饵波寒回头观 魄夫忆放鱼竿看流下蓼花滩 双调落梅风

金刀利锦鲤肥更那堪玉葱纖细若得醋来风韵美试尝着这生滋味 凌波仙 一声梧桐一声秋一 芭蕉一 愁三更归梦三更后落灯花碁未收叹新丰逆旅淹留枕上十年事江南二老忧都到心头 庆东原 参旗动斗柄那为多情受用些几个 殿前欢 醉归来入门下马笑盈腮笙歌接至朱帘外夜宴重开十年前一秀才黄蘗菜打熬做文章伯江湖气槩风月襟怀卖花声

细研片脑梅花粉新剥真珠荳蔻仁依方修合凤团春醉魂清爽舌尖香嫩这孩儿那些风韵其拨不断另附于后云

女妇能诗

春渚记闻建安暨氏女子十歲能诗人令赋野花诗云多情樵牧频簪髻无主蜂莺任宿房观者虽加惊赏而知其后不保贞素竟更数夫流落而终与毘陵女子咏破钱相同破钱诗云半轮明月揜尘埃依稀犹带开元字想得清光未破时买尽人间不平事又有咏文君诗云当时曾笑卓文君岂信丝桐解误身今日未弹心已乱此身元自不由人诗话谓虽有才致非女子所宜又南宫县君钱氏诗云士悲秋色女懷春此语由来未是真倘若有情相眷恋四时天气总愁人意亦相同云

天香引

辍耕錄载道园虞邵庵伯生先生于揭曼硕学士奚斯家赋三谒草庐图天香引隔字一押韵以为至难且称先生之才为不可及暇日游湖上登孤山和靖祠复于粉墙上得一阙亦其体也其词云至当时林氏山祠驿使何之取次南枝飘渍胭脂蕉斯故纸抑死荒丝志寒 雄雌鹭翅参差母子鸬鷀撚此吟须弹指歌诗劝尔金卮何事嗟咨后友人复以一阙来竟不用他字疊韵而成尤出奇外一等词云防吾庐綠树扶疎竹坞独居举目须臾鹭宿芙渠乌居古木鳧浴菰蒲夫语妇壶沽綠醕主呼奴釜煮鲈鱼俗务俱无布素粗服书屋读书蔬圃锄蔬中原正音綠读如卢竹如主独音都吾切目如慕宿音思主切木如暮浴如裕俗音须如切屋音五故切读与独同醕与綠音同蓋尽以一屋二沃收入鱼模相叶故也惜不知作者名字此词在双调即古夹钟商本名折桂令又名蟾宫曲词人多命名天香引云

荆公字谜

鸡肋编载王荆公安石作字谜云兄弟四人两人大【音墮】一人立地三人坐家中更有一两口便是凶年也好过盖俭字也又云亲兄弟日日昌堂兄弟木目相亲兄弟火火炎堂兄弟金今钤又云掘地去土添水成池又云寒则重重疊疊热则四散分流兄弟四人下县三人入州在村里只在村里在市头只在市头盖言 也又妇字谜左七右七横山倒出又云一人姓任名忍贩金与锦将过潼关时方禁金与锦不得过關關吏遮之任恳求欲入吏云法重难从但君自入關而货不得进乃书报云任忍入金锦禁急又钱氏私记荆公举酒令字谜云四口尽皆方十字在中央若做田字商不是杜家郎盖图字也

王刘互讥

王铨默记云刘贡父放与王介甫安石最为故旧荆公尝戏拆贡父名曰刘放不直一分文贡父复戏拆荆公名曰失女便成宕无𠂔【音绵】真是妬下交乱真如上交误当宁荆公大慙而心銜之

蟬精雋卷八

雨 翁生志

元叶雨 为宋文康公曾孙笃学力行坦夷旷达天历二年三月将终自着墓志云雨 居士姓叶氏系出括苍名志信字伯逊一字诚之雨 则其寓室也七世祖讳伸宋进士仕东都为御史职直龙图阁赠银青光禄大夫入元祐刘摯党籍尝持漕节浙西因家钱塘四传至文康公居嘉兴遂为嘉兴人文康讳时淳熙甲辰甲科进士仕至吏部尚书龙图阁学士光禄大夫致仕赠开府仪同三司文康之子讳德颖宋宣义郎监行在编佑局门赠朝散郎朝散之子讳隆礼淳祐丁未进士仕至朝奉大夫直宝文阁知绍兴府浙东安抚实居士之曾祖考祖考考也居士生于宝祐丁巳十月六日死于天历己巳三月某日壽七十三初议娶新安汪氏枢密勃之五世孙未成礼而死遂娶戴氏子男二人节性成性孙已生者男女六人于是戒其子令从葬于湖州乌程县逸村之吴感山宝文公之墓居士宝文侧室之子夙丧其父事嫡母尽礼幼颖悟能读书德祐乙亥以荫补将仕郎颇有志于世不能生产作业拙于趋媚中遭兵变生计萧然浮萍沦落者三十余年瓶无储粟裕如也晚歲以所传父师者与诸生讲习避世客食粗若得计所学益进而请业者益众时叫号托兴于诗文藁曰话雨殆有感于剪烛巴山之句耳噫嘻至元丙子以来方厌文事且无赀遂不能以身显尝分教嘉兴邑庠不久弃去迨延祐甲寅朝廷始以儒科取士而病且老矣其亦顏驥冯唐之流欤其命也夫其生也无名其死也不足以辱当世大手笔遂自叙以纳诸圻天历二年三月吉日雨 居士自志予惟人多以死自讳而雨 不忌其于死生之际了然矣

读史

存斋瞿先生宗吉读秦纪五絶云十二金人制造奢销除兵革靖邦家如何更有龙泉劒留与高皇斩白蛇六籍焚来道不传骊山宫殿与云连可怜三月咸阳火犹带书坑未冷烟役重劳民古未闻南修北筑事纷纷宜教四海冤愁气化作芒砀五色云海上传闻五色芝扁舟采访去无期君王更得长生术只恐臣民靡子遗厚葬徒闻卜地灵酸风吹送饱鱼醒骊山纵有千年土银鴈金鳧可久局识见高遠非后学所能窺其涯涘又金陵怀古云天星初报坼中台又见浮江五马来虎踞羣山扶日月龙飞双劒化风雷诸公竞堕新亭泪遗老犹兴故国哀千里来游携铁笛月明吹上凤凰台黄旗紫盖气横天南渡开基不偶然一着戎衣功未集倒持手版事堪怜传闻铁鑱沉江底不见金戈到塞边王谢功名只如此至今遗恨满山川神州沉陆不胜悲三窟经营计亦奇事去抵须阿堵物国亡正坐宁馨儿景阳赴井难逃祸同泰为奴不救饥满眼山川只如旧千年覆辙自相随漠漠长江起白波东南天险误人多金莲笑翫中庭步玉树愁闻别院歌夜月楼台留凤辇春风罗绮绕鸾坡只今胜地皆尘土草合离宫长薜萝虎踞龙蟠古帝州英雄争夺几时休地连吳楚川原壮水下荆扬昼夜流风景不殊悲作客江山信美倦登楼防身一劒劳藏取莫遣光芒射斗牛又题明皇阅马图云沙苑春回草色浓圉人太仆各言功骅骝不似青羸穩能载君王到蜀中又题宣和画鹤云道君慕道乐逍遥贪画仙禽早罢朝防事龙沙为客日不骑一只上神霄可谓拔鲸牙而涸天浆者矣

猷子

苏杭间呼痴人为猷子杭人又名儻案玉篇都来反心病也谚又有云阿台落走进屋里来因读程泰之演蕃露郑獬字毅夫守江陵作楚乐亭记有颂云我是苏州监本猷与爷祝壽献棺材近来髣髴知人事落还归屋里来猷亦作騃俗作呆字云

诗谜

宋元祐间士大夫好事者取达官姓名为诗谜如雪天晴色见虹蜺千里江山遇帝畿天子手中持白玉秀才不肯着麻衣谓韩绛冯京王珪曾布也虹北人谓之虹【音绛】又音扛字去声也又取古人名而傅以今事如人人都戴子瞻帽君实新来转一官门状送还王介甫潞公身上不曾寒谓仲长统司马迁谢安石温彦博也

唐宫词

国初顾仲瑛号玉山樵者江南巨室也工诗词与铁崖杨先生廉夫游时相倡和其学也赡而气也充其闻也博而词也当尝和铁崖唐宫词十首次韵雄浑沉着不减玉溪生其一天宝鸡坊宠贾昌宫中蝴蝶满梁锦防昼浴天骄子绛节朝看王大娘芍药金阑开内苑葡萄玉盏酌西凉月支十万资胭粉独有三姨素面妆其二莲花池畔水风凉玉竹回文宝簟光贪倚画屏看翡翠误开金锁放鸳鸯轻绡披雾夸新浴堕髻欹云街晚妆笑指女牛私语处长生殿下月中央其三五色卿云防帝城春风无处不闾情小花静苑偷吹笛淡月闲房背合箏鳳爪擘柑封细合龙头泻酒下瑶罍后宫学做金钱会香水兰盆浴化生其四龙旗孔盖拥高幢步辇追随幸曲江鸟道正通天上路羊车直到竹间桃花柳叶元无恨燕子莺儿各有双中贵向人言近事风流阵里帝先降其五秘阁香残日影移灯分青玉刻盘螭琵琶凤结红文木索蚕缫緑水丝金屋有花频赌酒玉杵无子不弹碁传宣趣发时时使南海今年进荔枝其六近臣谐谑似枚臯侍宴承恩得锦袍扇赐方空描蛱蝶局看双陆赌櫻桃翰林醉进清平调上苑新呈玉色醪密奏君王好将息昨朝马上打围劳其七虢国朝来不动尘障泥一色綉麒麟朱衣小队高呵道粉笔新图偏写真宝雀玉蝉簪翠髻银鹅金凤踏文茵自从羯鼓催春后不信司花别有神其八五王马上打毬归赢得宫花献贵妃乐送阁门边奏少嫺因台寺谏书稀侍儿随幸皆颁紫骰子蒙恩亦赐绯姊妹相从习歌舞何人能制柘黄衣其九新制霓裳按舞腰笑他飞燕怕风飘玉蚕倒卧蟠条脱金凤斜飞上步摇云母屏前齐奏乐沉香火底坐吹箫只因野鹿衔花去从此君王罢早朝其十宫衣窄窄小黄门蹀躞初开赐缥盆夜月不窥鸚鵡塚春风每忆凤凰园爱收花露消心渴怕解金珂见爪防只有椒房老宫监白头一一话开元

望江南

宋王齐叟字彦龄怀州人高才不羈为太康掾官尝作青玉案嘲帅又赋望江南讥监司监司大怒责之彦龄敛板向前应声答云某居下位常恐被人谗止是曾填青玉案何曾敢做望江南请问马都监时马都监者适与彦龄并坐马惶恐亟自辨数既退诘彦龄曰某实不知子乃

以某为证何也彦龄笑曰且借公趣韵幸勿多恠所言则又望江南也

叶龙溪诗

龙溪叶广居字居仲号自得斋宋文康公秀发六世孙 窻居士之孙也元末为江浙儒学副提举尝与杨铁崖相往来倡和铁崖素重其为人尝拟黄庭经赠医师方氏云我有中庭元元根总摄百气超乾坤吸嘘自解通昆仑万神寂寞绵绵存中有一物光灿灿化为真人朱冠禪手执赤符如琼璫是中实为 牝门三彭潜伏守其阊峯名天柱五岳尊千岩万壑手可扪南离北坎无冲奔黄媪为媒掌其婚是有语约不烦子能守之可与论慎勿适越北其轅伏其庐内寻真源方君之居近五云幽阙夜间常氤氲放之六合空无垠下视浊世癯痼繁以妄易妄何纷纭鍼砭可磨艾可焚熊经上与陀扁伦闾阖朝啓觀軒轅戈戈玉帛临邱园又行吟诗云竹里行云秋气清练巾葛屨称柴荆歲华扰扰鬢毛改勋业休休髀肉生龙马凤凰为世瑞螽斯蟠蟀趣时鸣南山有豆鋤堪荷肯向屠沽托姓名又 晴偶成云白苧衣裳冰雪容沈郎多病怯东风阳城久拙征科政尹铎新成保障功沧海楼船何 崆峒小麦自芄芃腐儒自笑忧时切屡过田翁卜歲丰题宋徽宗画墨竹云承平天子玉为顏艮岳秋风竹泪斑丹凤不归云万里空留翠影落人间又回文诗云红烛泪销香篆小扇罗如月晚庭空风帘绣卷初醒酒静院凉生水阁东又小游仙云 圃风多六月凉绕堤瑶草散天香偶随阿母骖鸾去先得金茎玉露嘗秋到银潢灝气分露华凉透六铢褰神官准备驱灵鹊踏破中天五色云十二琼楼掩翠扉桂花新自月中移双成未识齐州路控得苍龙不敢骑月轮初上海波青缥缈重城夜不扃琪树晚风吹酒醒自裁云叶寫黄庭学富词古深造陶柳门庭所谓雅人之词典以则欵有自得斋集一卷

因事感慨

玉笥张思廉宪和铁崖宋宫观潮图诗自序云至正二十年秋八月既望自姑苏来云间寓延庆方丈云谷讲师出宋宫观潮图征诗嘗记父老言宋亡时丞相巴延驻师沙上潮不至者三日又记庚午歲七月十四日晓有雷自北高峯飞至故宫塔顶火不灭者二日抚卷忆旧不觉慨然为赋七言长诗一首适宋仲温至遂命书之诗云磁州夜走泥马驹卧牛城中生綠芜炎精炯炯照吴会大筑钱唐作汴都玉殿珠楼连翠阁七宝帘栊敞云幕生移艮岳过江南不数东京旧欢乐茂树盘盘迷綠云龙飞凤舞峯峦奔玉牀下压大江小海水正入东华门门外木犀花可数統統灵鼉振天鼓海门一线截江来雪壁银城尽飞舞吳商楚贾千万艘黄龙战船头尾高岂无海道走中土长驱逐北乘风涛烟雾苍苍绕城郭屋瓦鱼鳞互参错百万骄民事醉醺坐使中原厌羊酪因循六帝不复讐西风八月凭江楼攢宫人饮白骨恨洪波不洗青衣羞邦基削尽师臣逐轍道人稀子婴哭綉胷文颈踏浪儿反首谁能报君辱庙子沙头卓大旗天吳缩颈不敢驰行人指塔话杨璉三十六宫秋草腓雄浑感慨言宋之君臣偷安一方竟终不振令人不胜黍离华表之感斗南胡虚白亦有诗云月殿云窻倚碧霄江声雷动海鲜桥如何边将屯师处三日钱塘不见潮言天意也感慨深矣

圆梦

李德裕次柳氏旧闻言安禄山之叛也 宗匆遽播迁百官有司多不知之黄幡绰亦陷贼中及将复贼党就擒幡绰被拘至行在上素怜其敏捷释之有于上前曰黄幡绰在贼中与贼逆圆梦皆顺其情而忘陛下积年之恩宠禄山梦见衣袖长忽至阶下幡绰曰当垂衣而治禄山梦见殿中榻子倒幡绰曰陛下革故从新推之多此类也幡绰曰臣实不知陛下大驾防尘赴蜀既陷在贼中宁不苟悦其心以脱一时命今日得再见天颜臣与大逆圆梦必知其不可也上曰何以知之对曰逆贼梦衣袖长是出手不得也又梦榻子倒是糊不得也以此臣故先知之上大笑而止

李斯

世传难将一人手掩得天下目往往行诸语言而莫知所从来盖曹邴咏秦丞相李斯诗也邴读李斯传有诗云一车制三毂本图行地速不知驾御难举足成颠覆欺暗尚不然欺明当自戮难将一人手掩得天下目不见三尺坟云阳草中绿邴可谓知道者矣斯尚何足责哉呜呼君以此始亦以此终其斯之谓欤

秋虫三谏

国初记室徐防文贲能诗声着吴下偕高太史啓杨宪使基张太常羽齐名时称四诗宗尝赋秋虫三谏以自讽其秋萤云龙舟一去汴河东空吐余光草露中此夜不堪秋寂寞景华宫殿已西风秋蝶云花间心事已蹉跎过却青春恨较多赖有黄花相慰藉不知风雨又如何秋蝉云愁断齐奴一寸心谁知青女怨尤深长吟莫恋宫门柳黄叶秋风自不禁其感慨之意见于言外抑生值元末乱离之际激愤而然耶

老冰

宋刘贡父为中书舍人一日朝防幕次与三衙相隣有二帅出军伍看一水晶茶盂传玩良久曰不知何物所成莹洁如此贡父隔幕谓之曰公岂不识此是多年老冰耳

殿后书事

宋宛陵梅都官圣俞殿后书事和范忠宣纯仁诗云天子寻常幸直庐裹头宫女捧雕舆红泥已赐春醕酒黄帕曾经御览书林果鸟应衔去后燕窠虫有落来余禁中事事能传咏播在人间不是虚紫阳方回批云老杜云户外昭容紫袖垂则知唐之外朝有宫女引朝仪圣俞云裹头宫女捧雕舆则知宋之内庭以宫女直舆不惟诗好可备故事作一对也此乃和纯仁殿中杂题三十九首之一且如前联红泥已赐春醕酒黄帕曾经御览书岂不胜王建黄帕盖鞍乘了马红罗纒项鬪回鸡鸣呼建诗卑弱今不取

鸠字

东坡闻荆公字说新成戏曰以竹鞭马为笃以竹鞭犬有何可笑又曰鸪字从九从鸟亦有证据诗云鸪鸪在桑其子七兮和爷和娘共是九个高斋漫录

咏物奇切

唐罗昭谏隐咏铅粉诗云每持纖白助君时霜自无惨雪自疑郎若姓何应解傅女能窥宋不劳施妆成丽色惟花妬落尽啼痕只镜知最好玉京仙署里更和秋月照琼枝又咏言云珪玷由来尚可磨似簪终日复如何成名成事皆因慎亡国亡家只为多须信祸胎生利口莫将讥思逞悬河猩猩鹦鹉无端解长向人间被网罗宋杨廷秀万里咏糖霜云亦非崖蜜亦非青女吹霜冻作冰透骨清寒轻着齿嚼成人迹板桥声杜默咏鹦鹉杯云雕琢仪形肖陇禽绿杨影里可分斟坐间恨不能言语说我平生酒量深元萨天锡咏蜚云层涛濡沫假鰕行水母含秋孕地灵海气冻凝红玉脆天风寒激紫云腥霞衣褪色脂流滑琼液烹香酒力醒疑是楚江萍实老误随潮汐落沧溟国初胡斗南虚白咏双孔笛云混沌难分浊与清凿开空翠太分明有声本自无声出二气还从一气生碧海夜寒龙并语瑶台月白凤谐鸣依稀黄鹤楼中听吹落梅花雪满城瞿存斋宗吉咏镜中梅云日上绮窗啼翠禽临鸾额晓寒侵一自照春风面百鍊方知铁石心白玉台前怜瘦影黄金矿内觉情深锦囊收拾余香去月落空闺何处寻皆的切而奇曲尽物情所谓本人情该物理信非捕风系影之可语咏物之楷式也

蟬精雋卷九

仁人之言

宋和魯公凝有觀畫鷹獵 詩云雖是丹青物沉吟亦可傷君夸鷹眼疾我憫 心忙豈動騷人興惟增獵客狂蛟綃百余尺爭及制衣裳范文正公仲淹見之嘆曰真仁人之言也予惟世之咏物題畫者果能注此意耶

悼鐵崖

夢觀講師名守仁字一初我國初之高僧洪武間仕為僧錄司右講經幼學于鐵崖楊先生廉夫先生卒講師哭之詩云玉笙聲斷泣龍君撼樹蚍蜉謾作羣一代春秋尊正統兩朝冠冕在斯文他生有約尋圓澤後世何人識子云舊業門生今几在下車空拜馬陵墳所謂情詞兩到恩義兼盡者也講師又宿參寥泉詩云新構层层出翠霞古泉歷歷走金沙潛公麗語無人鑒憔悴西風白藕花又題翡翠圖云見說炎州進翠衣網羅一日徧東西羽毛亦足為身累那得秋林靜處栖又咏雪芦鵲鴿圖云斷石殘芦雪半消悲鳴如念弟兄遙北風原上重回首愧殺淮南尺布謠皆非徒作感慨尤深亦可以觀世道之變矣

蘇武慢

國初三山林鴻子羽嘗作蘇武慢八章曠視一世今錄其其四云家本儒流身穿縫掖出入義途仁里洞鑒心機冥搜海岳博得一貧如洗作賦南宮吟詩北苑萬句不如杯水問先生何苦如斯祇是好之不已最愛是竹寺秋眠花樓夜飲醉倒不知天地禮法之徒是非評論看得不如蝼蛄勘破興亡超乎流俗莫怪不營生理吐胸中萬斛珠玑防个富人能比豪氣為何如哉

噴嚏

柳氏舊聞唐 宗于諸昆弟友愛彌篤呼寧王為大哥每與諸王同食因食之次寧王錯【七過反】喉噴上髭王驚慚不已上顧其惶竦欲安之黃幡綽曰不是錯喉是噴帝上大悅

閑忙

幼嘗見小說載東坡山谷行閑忙令有云閑似忙蝴蝶双双過粉牆忙似閑白鷺窺魚立淺灘石湖范成大有睡起詩乃用閑里忙靜中動之句尤道前所未嘗言為可嘉也詩云憨憨與世共兒嬉兀兀從人笑我痴閑里事忙晴晒藥靜中機動夜爭碁心情詩卷無佳句時節梅花有好枝熟睡覺來何所欠瓊根香軟飯流匙意思冲澹雍容閑雅瓊根事見蜀僧蒸豚詩嘗讀東坡仇池筆記云王中令全斌平蜀還入一寺主僧醉甚公欲斬之求蔬食云有肉無蔬進蒸豚甚美公命賦蒸豚詩立成云嘴長毛短淺含臙从向山中食藥苗蒸處已將蕉葉裹熟時兼用杏漿澆紅鮮雅稱金盤釘軟滑真堪玉筋桃若把瓊根來比并瓊根自合吃藤条公大喜與紫

衣师号羶根谓羊也

表里风雅

宋参寥有絶句云高岩有鸟不知名欵语春风入戸庭百舌黄鹂方用事汝音虽好复谁聴可与鸳鸯青蝇诗表里予谓似为东坡诗案事设也

米老庵

吕居仁轩渠録云米元章居镇江嘗于甘露寺榜其所寓曰米老庵后大火惟李卫公塔及米老庵独存元章作诗云神护卫公塔天留米老庵有戏之者各添两字云神护李卫公塔飒天留米老娘腌臢蓋元章母入内为收生婆也元章以母故命官云

萨天锡

元萨都拉字天锡本西域人官至闽省宪司知事能诗以赋宫词得名其四时宫词可谓豪险富丽者矣

红尘一骑

唐杜牧之过华清宫长安西望绣成堆山顶千门次第闲一骑红尘妃子笑无人知是荔枝来

樱桃诗

读羣居解颐尝见载史思明继逆至东都遇樱桃熟其子在河北欲寄遗之因作诗同去诗云樱桃一篮子半熟一半黄一半寄懷王一半寄周圣懷王其子也诗成賛美之者曰明公此诗大佳若能将一半寄周圣在上正叶韵思明大怒曰我儿岂可居周圣之下圣蓋其子傳也

红杏闹

宋宋景文公子京赋词名玉楼春云东城渐觉风光好皱縠波纹迎客棹綠杨烟外晓云轻红杏枝头春意闹浮生长恨欢娱少肯爱千金轻一笑为君持酒劝斜

阳且向花间留晚照遯斋闲览云张子野郎中以乐章名擅一时宋子京尚书奇其才先见遣将命者曰尚书欲见云破月来花弄影郎中子野屏后呼曰得非红杏枝头春意闹尚书耶遂出置酒国初释祥止庵春日书懷诗云病余肌骨未全苏短杖朝来试一扶不见杏花红似闹一年春事却如无蓋用景文句也

题邵庵集

陈众仲旅题虞邵庵伯生诗集后云忆昔奎章学士家夜吹琼管泛流霞先生归卧江南雨谁为掀帘看杏花葢用邵庵风入松词中事也与张蜕岩仲举词留意江南杏花春雨和泪在罗帕意同固邵庵之事也

水晶宫

吴兴郡志明月楼在子城西南隅苕溪诗话云刺史杨杰次公有诗云江南地暖少岩风九月炎凉正得中溪上玉楼楼上月清光合作水晶宫故因以名云赵魏公子昂吴兴人所以有水晶宫道人之号龙溪叶居仲提学题李博士扇诗云水晶宫里树 乱后情懷百不堪便面溪山宁得似满汀烟雨梦江南

邓司封

南海邓观善以南昌教授擢吏部验封主事我仁皇赐改名林晚年来居吾杭诗文为一代所推重尝于保安州留别瞿存斋诗云两鬓西风吹断蓬杖藜扶病看秋容菊花浑似诗人瘦山色不如归兴浓紫塞一杯桑落酒彤庭五夜未央钟燕鸿岐路东西去此后相思意万重又春夕旅懷云万里东风故国情十年几度鳳凰城衡阳鴈尽春三月巫峡猿啼夜二更席上狂言因酒得镜中华髮为愁生静观富贵如云转拂袖归来任俗争又有妆楼十咏诗传于世

存斋逸稿

存斋瞿先生宗吉平日著作散亡者盖不少也暇日得其逸稿摘其尤者錄以自适凡律诗近体共八篇又絕句四篇题则天故内云堪恨当年武媚娘斗持唐玺坐明堂不思仙李方三叶却爱莲花似六郎废苑荆榛来雉 故宫禾黍没牛羊尚余数仞頽垣在遥对龙门山色苍秋日书懷云五穷何日是归年防废奴星结柳船善价谁求司马赋痴心欲借尉迟钱六通未具难成佛九转无功谩学仙一事尚为今日幸免供徭役为无田暮春书事云过墙新竹翠交加綠树陰陰噪乳鸦花到酴醾春结局鸟鸣鷓鴣客思家煮茶汤沸风声转梦草诗成日影斜零落残红青子满渐看金弹熟枇杷睡起呼童扫落花石泉槐火试春茶树林深处蜂王国帘幙陰中燕子家柳絮乘风飏砚水竹枝摇雨落牕纱幽居莫道无官况鼓吹犹存两部蛙茅屋三间白板扉从教四壁叹多违扬雄投阁功名薄王粲登楼事业非白昼梦回梁燕语青天目送塞鸿归东门黄犬华亭鹤举世无人悟此机清明即事云风落梨花雪满庭今年风景又清明游丝倒地终无意芳草连天若有情满院晓烟闻燕语半窻晴日看蚕生秋千一架名园里人隔垂杨听笑声夜凉云萧萧木叶打窻扉又送新凉入弊帷暖不及时秋后雨淡而有味客中诗还家自愧苏秦妇交友谁知蔡克儿不寐起来搔首坐绕庭促织替人悲有感云世事年来似奕碁可堪歲月去如驰肉生髀里英雄老金尽牀头富贵迟蹈海莫追天下士折腰难事里中儿可怜满眼新亭泪对泣无人只自悲京城清明賦絕句云兼旬躋蹕在京华又见东风御柳斜客里不甘佳节遇借人庭馆看梨花池河道中云牵牛花碧荳花黄血色蜻蜓 水忙又在渔村斜照里数声短笛隔垂杨斋居观物云蕉叶陰陰艾叶香菖蒲苗短菊苗长夜来知有蜗牛过一道银光在粉墙出巢新燕傍帘帷乳鸭浮沈水满陂叶底青虫时节至化为蝴蝶上

花枝

山村闲居诗

仇山村仁近闲居絕句十章今摘其二优游自得以避乱世气和词平若不与世故者在易盍之上九所谓高尚其事先生有焉诗云堦前紫蔓金丝草篱角红垂锦带花梓泽平泉易消歇春留富贵与诗家茶瓯纱帽惯迎賓不是诗人即道人细雨斜风君莫出綠陰门外有红尘

叹交游少

聂东轩大年自己初度日写怀诗云五十一年车下坡又逢初度意如何牀头渐觉黄金少镜里还怜白发多人笑能诗贫杜甫天容善饭老廉颇相知惟有梅花在自折南枝伴醉歌又次韵答祖芳云几年遠别喜重过白首相看奈老何富贵不来真有命齿牙虽脱尚能歌频沽市醞销红烛遥指天星出绛河惟我与君情莫逆他人平地起风波呜呼四海兄弟交游岂止一祖芳而已哉盖以寡合有激而云然耳故又托于梅花甚矣交谊之难也

诗有警策

国初高僧宗泐季潭有偶成诗云人事天时不可常才逢炎暑又逢凉芭蕉似解知秋早蟋蟀如能识夜长向日高台还走鹿只今沧海已成桑慙懃說与权豪客鸟尽良弓合自藏警防之意深矣可谓明哲保身知几之君子乎

游鉴湖

宋淮海秦少游观工于词古今词话言之悉矣而其诗律纖秃艷巧故时人有苏东坡词似诗秦淮海诗似词之语其游鉴湖诗云画舫朱帘出绕墙天风吹到芰荷乡水光入座杯盘莹花气侵人笑语香翡翠侧身窺綠酒蜻蜓偷眼避红妆葡萄力缓单衣怯始信湖中五月凉翡翠蜻蜓之句俊词也可谓镂冰翦水者矣鹤窻马浩防评周秦之词以周尚言情而秦则情景俱到似冠清真之上者信然

蟬精雋卷十

钟狂客

广东钟狂客名禧甚有诗名能书淮安督理漕运总兵官平江伯陈公既取归幕下成化壬寅尝过杭友人招游西湖寄之诗钟和曰湖光山色景宜秋君不来招也去游已办蜀川千丈锦为谁今日尽纒头万顷西湖水贴天芙蓉杨柳乱秋烟湖邊为问山多少每个峰头住一年信乎狂客也

子夜歌

稿简赘笔云吴中俗言俚曲有云消梨应郎心上冷甘蔗应郎身上甜又云罗裙十二折小妻也是妾遂采为子夜歌二章云消梨得能冷甘蔗得能甜总应郎心上为依素比缣桃根复桃叶罗裙十二褶阿郎自欢依小妻也是妾

秋扇赋

鸟尽弓藏人情之常在秋日之故扇亦弃置之所当昔者春丛谢妍祝融司权赫曦炎炎如燔如煎如火之燎原烛龙飞天栖鹘喘息乎危巢潜鱼噉喙乎深渊客有御渠渠夏屋登楚楚芳筵者莫不流汗浆于四体坐炊甑乎一防御轻绡于挟纊啖嘉羞兮吞瓊也于是举尔于笥篋之中置尔于懷袖之前一挥而清风徐来再挥则烦襟以蠲向之酷虐之暑若奔流之赴壑激矢离 变燠室如清虚之府喝人拟逍遥之仙当是时也尔尽心于所事亦职分之当然虽辅霸之管仲忠君之鬻拳恐未可并驾而齐肩也孰知璇玑不停节换辰更火老金生天高气清忽凉云防防玉露霄零蟋蟀入于牀下寒泉号乎林垌时闻庭柯槭槭发为商声必若鹭羽同乎雪白齐纨比夫月明徒障西风之污尘扑天街之流萤矣惜乎屈高材而小用是倒施而逆行夫用舍之睽兆不于此乎焉徵尔乃知防若神奉身而去以安以宁积厚劳而不伐负丰功而不矜于斯时也可谓退之以礼允宜保其令名虽封留之子房思纯之季鹰亦未能蹈华武而挹芳馨也嗟夫天开地辟有人有物为造化者赋予不一或始通终塞或先难后获鲜不欣欣于得戚戚于失求其合乎中庸眇什一于千百何斯扇之独臧匪炎凉之能惑善随时而卷舒宁悔尤其穷陋世之人有如此夫吾所以服其明德予内弟鹤臆马浩防之作也蓋亦自况焉

禽言

禽言自梅宛陵圣俞朱文公元晦梁隆吉之后无出其右者及观杨铁崖廉夫有提葫芦一首语虽谑浪俊快使人耸动其词云提壶提壶沽酒何处沽乌程与若下美酒高无价小姑典金钗劝郎醉即罢君不见城中官长葫芦提十日九日醉如泥规讽有味

诗善讽

南宋时驿路有白塔桥印卖朝京里程图士大夫往临安必买以披阅有人题于壁曰白塔桥
邊卖地经长亭短驿甚分明如何只说临安路不数中原有防程又寶庆丙戌袁樵尹京于西
湖三贤堂卖酒有人题壁曰和靖东坡白乐天三人秋菊荐寒泉而今满面皆尘土却与袁樵
趣酒钱又项羽庙在杭近郡三衢十八里外樟戴市市人失火延及庙有人作诗云嬴秦从矣
酷斯民羽入关中又一秦父老莫嗟遗庙燬咸阳三月是何人虽皆不识作者为何人而调笑
畅快可谓善戏謔兮者矣

咏豆腐

尝闻故友许廷晖暹为予言得人作豆腐诗深于咏物工巧极致诗云传得淮南术最嘉分明
水底炼精华二轮磨上流真液百沸汤中滚雪花瓦缶盛来云有影金刀细切玉无瑕要知滋
味谁能识都属禅家与道家

也秃

六书实小学之一端古人自幼洒扫应对进退之节之余即习之尤不止乎书法一事云尔则
凡吉凶军賔嘉之礼与夫云咸韶夏武之乐五射五御九数之事莫不次第而为之今之白
首穷经犹不能谙六书一事是何今人之不如古耶不特今也自秦以书变古篆书法渐壞
至于羲献大壞而六书湮矣夫以许慎且凿空臆谈余又岂足言耶试举一二言之许慎说文
也字篆文也象形女子陰也又秃字古人有见病秃者从禾中出又秃人头疮若禾黍然故今
制字从禾从几陋哉斯言蓋也长尾虫蚁头似口圆身像腹曳足像尾即今之蛇固象形也禾
音稽篆文禾反禾也木杻屈而不能上伸也人秃者髮亦不能上舒故制字从禾从几几即古
人字蓋防意也纷纷千古无能探其理者六书本义号称书法正宗犹不能知况其他乎甚矣
探讨之难也

卢生传

近见友人持卢生传以示蓋集海错名而为之是可以媲美桑寄生者矣向见陈子矜传乃集
三百十一篇诗名而作者是知古今文人游戏其命意畧同云传曰卢生名鲔字伯鱼吴人也
稟性鲠介少习书兼精畴河洛之数以文章举进士不第遂弃蝌斗业学拥剑读太史公范
蠡兵法曰熟此则取苏秦黄金印易事耳厄于贫惟枯淡菜羹蔬食而已有水母怜之每饭生
生进前谢曰吾必重报母水母怒曰阿老婆牙齿衰落暮景龙钟特哀君而食詎望报乎观子
不凡异日必蛟龙得云雨终非池中物也明年歲饥海若盜起有刘黑獭者聚恶少数千剽掠
人财贝珠寶又有乌郎者亦聚徒甚众皆黑面以相识别号曰乌贼常乘小鱼蟹出没海
岛蛟室之民甚苦之后与黑獭團合推黑獭为首聚益盛朝廷遣江防往捕之从不下卢生素
善江防幕下士车螯因螯而求见焉防亦素闻鲔名倒履出迎炮螯鲔鲤具礼待之曰小子见
识如井底蛙今海若之盜从不下望先生见教焉鲔曰乌贼跳梁犹釜鱼幕燕势必不久观其
出没如鬼如蜮不易擒获苟非以计诱之徒鹬

蚌相持悠悠歲月无益也不若斂沿海师旅之众诈回师多匿战舰團鱼浦中彼见吾去则如大壑纵鳞必洋洋而来足下将水虎之兵就海水團合邀其归路不过十日当悉取贼辈尸诸枯鱼之肆愿足下无以江淮白面书生之言而忽之防然其计喜曰虏在吾目中矣即辟鲩为清江使者翌日命沿江屯驻尽彻爨班师黑獭闻之果悉众来舍舟于鰕墓陵下上岸纵兵大掠防命偏将刘鯤出其不意率赤鰓三千与之接战胜负未分麾向所伏战舰棹犀手卒鼓噪而前鼙鼓震天地射工注矢如雨贼遂大败车螯卢鲩各乘海防船防乘黄龙大艘断其归路贼众望潮挈舟弗及溺死甚众生擒一人销金抹额黄颡黑面系以郭索拥至帐前乃贼魁乌郎也而黑獭亦中矢石首碎而毙余悉解散既而鲸鲵授首众皆謹呼防书闻朝廷嘉其功特封江防鲑阳侯两河屯驻兵马赐紫金鱼带车螯与卢鲩等深管鲍交乃自托愿从琴高生乘鲤为赤松之游悉推功于鲩鲩得赐文字出身掌通印子一颗遂贵显焉但不知作者为谁氏云

名婢

谈薮朱谦之云婢名难得驯雅者常欲命庖者曰家常随宜爨者曰淅玉拥簪者曰无尘更衣者曰抱衾予喜其甚新

诗赠营妓

紫薇杂记张文潜初官通许喜营妓刘淑女为作诗曰可是相逢意便深为郎巧笑不须金门前一尺春风髻窗外三更夜雨衾别燕从教灯见泪夜船惟有月知心东西芳草皆相似欲望高楼何处寻未说螭蛸如素颈固应新月学蛾眉引成密约因言笑认得真情是别离樽酒且倾浓琥珀泪痕更着薄胭脂北城月落乌啼夜更是孤舟肠断时前诗颈联后诗腹联予以为韩致尧渥吴子华融香奁不是过也

郭肱赋

遯斋闲览宋郭肱有才学而轻脱夜出为醉人所诬太守诘问肱笑曰张公吃酒李公醉者肱是也太守令作张公吃酒李公醉赋肱云事有不可测人当防未然何张公之饮也乃有李公之醉焉清河丈人方肆杯盘之乐陇西公子俄遭酩酊之愆守笑而释之

蒲庵诗

释来复见心国初之高僧仕至僧録司左觉义工诗文太史宋景濂序其集盛称道之姑举其诗若题一梦老人云高卧蓬萊最上峯希夷独许往来同三生风月形骸外百歲乾坤寤寐中槐树雨凉秋袂薄梨花云暖夜牀空黑甜自是平生愿不管东窗曙色红又题诗巢云雅颂千篇插架齐高情浑似浣花溪鳳銜锦字朝还禁鹤怪文光夜不栖擷采香芸除旧蠹补添红叶认新题自从刚后淳风变厌听喧啾百鸟啼又题卧雪斋云雪满空山歲月迁冷斋独卧广文氈身依太素无尘地梦入通明不夜天碧碗茶香清瀹乳红炉木火暖生烟诸儿幸免号寒诉

枉驾何须郡守怜先生卧雪懒谋身不汗青时只任贫帘卷空明孤榻晓窗含虚白一窝春梅花帐外寒声急竹叶罇前歲事新曾忆朝回鵷鹊近水晶光动玉龙鳞又若偶兴絕句云黄金堆屋只嫌贫饮食何人厌八珍欲把长绳系西日乾坤谁是百年人昆仑悬水走黄河吼地流来万丈波若此人心应更险笑中无奈暗操戈皆体咏精切引事详实非直嘲吟风月而已宣时方袍之士哉

咏玉簪花

宴罢瑶池阿母家飞琼扶上紫香车玉簪坠地无人拾化作东南第一花古人题玉簪花诗也后人无能继踵者载之诗法权輿而不识其名氏惜哉

东曹琴笙诗

常之武进令荡陰胡君文博溥先君门弟子也以成化戊戌进士第擢居是任常为古浙西与杭不遠尝书来招予欲一见予自天顺庚辰与文博别京师后从音问辽絕戊戌冬予再北行时君已登第予因偶患疮疡竟不能物色遂勿获见故至是欣然而往既而再往实成化乙巳歲也相见欢如平生因留廨中馆寓凡五阅月因得防思南太守义兴东楼邵公文敬珪邵以户曹正郎陞是职丁内艰还公素以诗名文翰妙一时诗与民部郎沃陰卞公华伯荣齐名而书法则与南安守华亭张先生汝弼相上下一防间偕予倾蓋握手谈笑终日忘倦公尤善奕独步吴下闻予善匏尝夜酌为鼓三奏喜不自己右春坊谕德治斋陆防伯简晋陵大族也亦以忧制还而妙奕事与公为敌手故所防必偕集因席间为联句云凤匏云外一声奇【陆】彷彿仙韶听转疑调杂清商凄更惋【邵】泉流水润涩还迟月中遗唱娲皇遠【陆】江上幽情二女 门掩碧桃何处所【邵】高懷深夜偶相宜【陆】既又予将南还饮钱于陆宫谕鸣东书院于是东楼及致政江西经宪周君克容广常郡庠友龚忠夫饮酣乐甚仍请以凤匏一奏于是诸君更为联句以纪其胜云拥炉清夜炙银簫【邵】仙律和鸣学凤凰【周】应节低昂吾欲舞【陆】倚歌调笑客成狂【龚】重华一去空思往【陆】周雅无传孰补亡【邵】老大忽逢王子晋【周】缙山回首月苍苍【龚】于是东楼书之宫谕复出孤桐命鼓予为作猗兰操东楼相顾错愕曰何其妙耶遂赠予以诗云坐围香炷石堂寒未觉纯音爨后残飞燕舞衣翻玉腕老蛟珠泪滴水盘云生桂岭兼春瘴风入泾原挠夕湍有客思归成怅惘關山月白路漫漫末句就以伸别意也宫谕乃以经宪送行诗韵为作听琴诗以赠焉一曲清商思不堪冷然如对古人谈春明防风初辞穴夜冷遊鱼更出潭尘壁无弦惟种柳芳林有客误携柑临岐欲问将归意安得微风日自南诗既新奇字复各適劲笔势飞动至今寶之东楼前为民部郎时尝号东曹云

兰陵纪行

予以甲辰歲为南兰陵之遊几三月比因匆匆未暇防南都文士而且寓锡山近一月明年乙巳文博大尹以书来招者再不获已再往焉寓廨馆凡五月兰陵搢绅硕儒咸得接武经宪周君克容赠以诗云襟度飘然物外情行踪到处饮香醪一牀流水伯牙操满耳清风子晋笙文

字纂修人尽服古今成败论皆倾可怜当道诸卿相不把封章荐贾生既而返旆经宪首为诗以送之云尘机鞅掌我何堪喜对徐卿一笑谈踪迹半生三竺寺品题多付百花潭脂香出釜椒燔脍春色盈缸酒酿柑明日携书归旧隐孤山佳处胜终南宫谕陆冶斋廉伯送以诗云年少才情万事堪倒倾三峡此防谈寒云孤鹤犹空谷秋水长虬卧石潭行色逴迷吴苑树华灯归试武陵柑春风更赴西湖约重听吹笙鹜岭南老儒朱懋易昱次韵以送云谁谓康七不堪喜逢乐广共高谈玉笙有谱凤鸣阁寶剑腾光龙在潭书罢不须懷晋帖饮余常得破霜柑西湖回首经时别知有清文在斗南皆一时名手笔也

蜘蛛寓利

复斋漫录翟嗣宗尉临安颇为监司所窘遂于临淮馆驿题蜘蛛诗云织丝来往疾如梭长爱腾空作网罗害物身心虽甚小漫天纲纪亦无多林间宿鸟应嫌汝帘下飞虫最怕他莫学螳螂捕蝉勇须知黄雀奈君何林子中时为发运使过而见之召而诮责且戒毋为浮薄

选女

宣德间有制令有司选民间良家女以充掖庭瞿存斋先生宗吉见里人送女上道为赋诗曰太平天子御华夷天拥祥云地产芝已喜玉关归马足更妆金屋贮蛾眉幸因蠹简收芸草不为羊车荐竹枝临别新邻莫惆怅从来生女作门楣

合甫融

海外诸国并西域产有一药名合甫融中国又名鸦片状若没药而深黄柔韧若牛胶焉味辛大热有毒主兴助阳事壮精益元气方士房中御女之术多用之又能治逺年久痢虚损元气者徃徃服不三数分多服能发人疔肿痈疽恶疮并一应热疾而其性酷烈甚于硫黄丹砂热燥猛于苏合油附子自仙灵脾阳阳起石丁香鹿茸龙骨兔丝而下功皆不及也成化癸卯尝令中贵出海南闽浙川陝近西域诸处收买之其价与黄金等

蟬精雋卷之十一

戴石屏诗

归田诗话载戴石屏春水渡傍渡夕阳山外山之奇对而不录其全章今考其诗云世事浑如梦人生不等闲利名双转毂今古一凭阑春水渡傍渡夕阳山外山吟边思小范共把此诗防

荷叶遮头

广异记有神降于郑泽【音珙】家吟诗曰忽然湖上片云飞不觉舟中雨湿衣折得莲花浑忘却空将荷叶盖头归国初北平孟昉天伟作瞿塘竹枝词本此句法来诗云归州女儿采桑归荷叶遮头 湿衣不怕滩头石路滑竹篮在背走如飞

蒲剑诗

元黄清老蒲剑诗极工于摹写终于规讽近世谢宗可工于咏物此篇迨不多让也其诗云三尺亭亭古太阿舞风斫尽一川波长桥有影蛟龙惧流水无情日夜磨两岸带烟生杀气五更弹 和渔歌秋来只恐西风恶剗却锋芒恨转多真绝唱也亭亭一本作棱棱亦通

傅延年传

傅延年南阳酆县人也隐居甘谷饮谷中水以得寿与里人朱萸荀杞相往来二人者出处颇同气味相类然延年得中央正气赋性高防素传摄生之术老而弥芳萸杞自以爲弗及也因更以寿客尊称之不能视同侪辈其始祖说由天星之精降生相殷高宗显名于世延年以神明之后更其字曰日精不欲出仕与凡俗争荣含英育秀蕴德弗耀将以安其晚节焉素见知于三闾大夫屈原彭泽令陶潜相与爲忘形交原不饮酒或相对夕飧而已潜弃官家居日与之游宴东篱之下望南山而有悠然之趣遇酒辄引满共酌浮沉觴竿中乐而忘返延年既与潜亲昵而萸杞二人不得与焉乃共议讪之谓其华而不实蜡貌槪容其中枵然无有也延年弗之辨独与潜及十八公者盘桓于三径以终老焉其子孙分散别其姓爲黄氏有名香者以孝行称支 最爲蕃衍或更别爲白氏惟居香山者以诗得名然不及黄之族爲盛也至宋石湖范成大爲求其宗姓族属修之爲谱以传于世前谱凡三十五种后谱凡二十九种序文以君子称许之谓使夫人者有爲于当年医国庇民于君子之道诚有臭味哉今新城袁安乃以墨写其形状并其宗族加以品题而播扬之挥洒奋迅得之神妙淡而不厌繁而不冗羣居而不倚特立而不杂见者称爲霜下杰非虚誉也德安万从书来游冀北得而装潢成卷加珍防焉予方退老圃处于寂寞荒凉之域慕延年之操将欲学之而未能也遂辑而爲传云賛曰延年可谓善处静而能持守者矣当春荣夏茂之时在羣植中韬默无竞及天气肃杀众皆摧败零落不能自保独挺挺于霜威之下亲之而馨香可薰也接之而容色可挹也芝兰不足以喻其品也松柏不足以喻其操也仍更善与人交号爲耐久乃反见讪于同类谓其华而不实然延年至今得称为君子或谱焉以表其族或绘焉以肖其像犹凛凛然有生气也如萸杞辈不

过与榛莽同归于朽腐而已无根之言何足据爲是非得失哉瞿存斋宗吉先生作画中菊谱传也当与山农梅先生传颉颃并驾焉

文公捷对

王巩甲申杂记云丁晋公谓尝忌杨文公亿文公一日诣晋公既拜而髯拂地晋公戏曰内翰拜时须拂地起视其仰尘曰相公出处幕漫天时人称其敏防而有理

绣芙蓉

防尝见前辈言元妓女绣芙蓉才藻颖敏能诗工乐府尝于席上持杯劝铁崖先生廉夫先生风流豪纵暮年改号铁笛因戏执其手出对句云芙蓉掌上金盘露即应声荅曰玳瑁筵前铁笛风座间爲之絶倒其敏贍如此

东海辨韵

张东海汝弼作诗韵辨云韵书始于江左弊于因袭虽有觉者力莫能正我朝始刊定洪武正韵一洗千载之陋诚万世之幸也惟诗家犹泥唐韵曰凡古诗之流可用正韵近体律诗惟用唐韵问其所以则曰律诗自唐始故也苟依正韵则曰落韵特遵今之制耳乐其宽耳试扣以唐韵东冬青清之属何以异元痕麻 之属何以同则曰自有五声七音轻清重浊于其间也噫是皆因袭而不察浅陋而无见口耳相承臆度妄语殊不知江左制韵正坐不知七音之当辩直据一方之所习故失正韵之本原也何轻清重浊之分耶借曰唐诗用唐韵则骚词用楚韵古选用汉韵耶唐韵袭类谱而作固梁韵也何唐诗而用梁韵耶唐韵至宋已加通并非唐之旧则宋韵矣又何唐诗而用宋韵耶正韵惟取谐叶固宽矣唐韵之聱牙者亦得而押岂窄耶且作者何计宽窄也谓遵今之制者非苟同也据天下之公辟江左之偏也观学士宋景濂所序慎重精密之至凡诗皆合用正韵且不待辨矣犹虑诗家习观陰氏韵府羣玉又以正韵订之则凡诗之不宜用唐韵又可识矣何浅陋者之因袭未复于正又唱传妄說使高明者亦不得由于正也或曰李杜苏黄诸家皆用唐韵人不之病盖唐宋之世病在韵作者勿病也况虽在唐宋不依唐韵者亦多矣泥者不知惟取谐协则附防其说曰漏防韵曰出入韵犹韵书上平下平不知由编帙重大而分乃曰音有上腭下腭之异也上平始于东终于山不知偶分及此乃曰日出于东没于山之义也浅陋类此不足一笑泥者反以爲正韵病矣宁足笑乎或曰朱子订诗书之序破千载之陋使唐韵当易无一言之及也曰宋以赋取士通并唐韵朱子不当制作之任其容变乎使朱子生于今日尚泥唐韵乎必不然也高明者自当有见又云弼作此辩久矣质问于大方家亦屡矣未蒙鄙驳以爲何如故附録于册以求天下归一之公论云

夏正夫

云间夏正夫寅参浙江政事时尝题韩子昌黎蓝关图诗云枯骨安知犬与豕元和天子把香

薰八千里路投荒裔三百年唐见此君谁扫蓝关深处雪天开衡岳顶头云吾家长物无余事惟有昌黎旧篋文又题东坡所书金刚经宋钦宗御寶收藏者云东坡晚歲悦西方宦海頽然鬢发苍已遁机锋输玉带又赔精力寫金刚残碑认脚真元祐秘寶伤心是靖康得与山陰同逸驾也应防意托空王成化丁未冬予北游古障程山防吳兴沈醉间彦祥所云

子昂画竹

吳兴丘大祐吉尝题赵松雪子昂所画竹其结句云留得一枝苔水上冷烟凉月怨啼防含蓄凄惋有风人余意所谓怨而不怒者也又尝咏水磨诗云重叠青山拥髻鸦何人琢玉磨烟霞春泉濯濯三江防天鼓逢逢万鬼挝石窍凿空含玉粒冰轮碾缝落瑶花不知崔亮当年事便是苍生有几家尤俊爽可美盖水磨水碓事始于崔亮故云

读大学

宋慈谿黄东发氏读大学注朱子补格物章下云大学自二程先生更定至晦庵章句益精矣独所谓传之四章自聽讼吾犹人以下释本末云下有阙文传之五章释致知云上有阙文于是工夫次第大备之间犹有文字阙失未滿之恨也辛酉歲见董丞相槐行实载此章谓经本无阙文此特错简之厘正未盡者耳首章明德新民至善三句纲领之下即继以欲明明德以下条目八事之详此经也自知止而后有定至则近道矣接此谓知本子曰聽讼吾犹人也至知之至也止正系释致知格物不待别补今错在首章三句之下耳又传十章彼爲善之疑有阙文盖彼指小人者言之善之谓利爲有益善其說而行之也文意似亦自全其說是矣此足有功朱子所谓药之鍼砭也欵

菊庄诗

菊庄刘隐君泰字士亨诗词爲一时絕唱往往多脍炙而备诸体求得之者不啻获南金赵璧尝咏东坡赤壁图云黄州迁客气如虹夜放扁舟吊两雄东下火攻吳卒銳北来水战魏师空白沙折防荒凉外綠酒芳樽感慨中烂醉不知天地老江流终古浩无穷有少陵气象又晚春漫兴云单罗初试怯春风金鸭香销翠被空江燕 翻三寸黑海棠防褪一分红酒因睡浅醒难解诗爲愁多句未工暗日渐长儿女懒秋千间在曲阑东自言当与杨眉庵孟载颉颃题芍药云綠陰庭院已非春红药翻堦露朶新绰约娇 谁得似天风吹下卫夫人可与李义山商隐并驾其咏黄菊云芳丛 殿秋光娇倚西风学道妆一自义熙人采后冷烟疎 几重阳有慨古伤今之意其秋葵云葵华 照秋林谁把红芳暗傳金白露不凋风不剪也知中有向阳心有林下忧国之意墨菊云自是中黄第一花鴈来时节傲霜华如何秋色无人管移入龙香道士家盖自况也

丁雪坡

丁文焕名燾吾杭人号雪坡防以举子业入郡庠豪迈不屈忤东道谪爲掾胥歷事太师英国

张公辅帐下后以年劳授直 苏州司仓能诗善书有声于时苏守杨君贡甚爱之复以不畏强御爲杨君所累而退尝有咏钉靴诗爲人所脍炙因以得名其颈联云行过落花香齧齿步回芳草软埋头惜忘其全首又有挽太平张公軌诗云大将星沉坠柳营貔貅百万尽吞声总戎不见旗常影扈跸无闻铠甲鸣麟阁画图遗像貌龙章金券着功名昔年翠幙劳青顾哀讣惊闻泪满缨至成化中卒于家

沈眉轩

天顺间冬暮大雪初霁菊庄先生赋雪余漫兴絶句十章一时诗坛赓倡动盈卷帙名公搢绅题跋序引亦一卷既镂诸梓时予最爲晚进亦得附名先觉爲后序以识诸末俄而眉轩先生沈彦博解组归往过菊庄见其集遍阅至见予序心甚不怪以爲后生小子亦置诸列彼何人斯耶菊庄一日与偕来顾予予性便懒散眉轩以师道自任而予畧不知执弟子礼尤厌之既而数以奇僻致问不揣僭妄随事敷荅出谓菊庄曰是子可教也既而返爲忘年交先生名约钱塘人以邑庠生初爲靖安司训改爲福清掌教平生以诗名闻湖海间尝以诗寄菊庄云骅骝蹶青云文豹隐 雾出处固有殊達人安所寓念子富诗书从抱经济具陆沉间里间悠悠尚韦素春风湖上吟夜月松陰步幽懷颇相同无由展良晤浩歌伐木章引脰徒延伫相期各努力慎勿叹迟暮明廷正需贤行看簪鹓鹭

薛涛始末

唐蜀妓薛涛字洪度章渊稿简赘笔云本长安良家子父郑因官寓蜀涛八九歲知声律其父一日坐亭中指井梧示之曰庭除一古桐耸 入云中令涛续之应声曰枝迎南北鸟叶送往来风父愀然从之父卒母孀居韦臯镇蜀召令侍酒赋诗因入乐借暮年屏居浣花溪着女冠服有诗五百首清异録又云蜀多文妇亦风土所致元防之素闻薛涛名因奉使见焉防之矜持笔砚涛走笔作四友賛其畧曰磨润腹先生之腹濡藏锋都尉之头引书媒而黯黯入【阙】亩以休休防之惊服予惟四友賛虽出清异而知之者尠又传缺其载故爲録之

海红花

世传海红花人人能道之而莫知爲何物因读菊庄诗始知即山茶花也诗云小院犹寒未暖时海红花发昼迟迟半深半浅东风里好似徐熙带雪枝盖古诗有云浅爲玉茗深都滕大曰山茶小海红先生之博于斯见矣

咏猫识讥

天顺间菊庄先生尝题诗于南屏净慈寺有云虎熟不惊团社客鸥闲常送过湖僧时按察使泰和曾蒙简过饮笑谓僚来曰是乃讥我辈也先生又尝咏猫有絶句云口角风来薄苛香绿陰庭院醉斜阳向人只作狰狞势不管黄昏防辈狂呜呼身居司牧寄有民社民之疾痛漠然无闻徒醉醲饱鲜豢養国家廩禄观此宁不愧于心乎韩子昌黎圻者王承福传云食焉而怠

其事必有天殃司其责者曷不勉诸母见讥于伐檀君子也

清溪博雅

陆昂字元偁杭之钱塘人号清溪聪明博雅性嗜吟咏防与予偕从遊菊庄先生之门而尤书淫传癖同门者率罕及之作诗每每逼真菊庄尝作宫词云自卷珠帘放燕归六宫春尽乱红飞从来艷色多倾国愿得君王宠幸稀凡作宫词皆写幽怨之情而清溪乃终致规讽之正其合思无邪之防耶同门叶南屏文甫宋文康公时十一世孙也诗礼故旧亦嗜诗清溪尝称诵之谓得菊庄之授信然又题梅花絕句云春到南枝与北枝花开的皪照寒漪何人似我相怜意不把东风玉笛吹何其温厚如此耶尝谓予曰唐人诗有不期而暗合者如李求古丛台诗许用晦凌歊台诗句法诗意押韵无一不同而却无人知之因尝録出以自识其博识奇奥又若此而平时闻诸师友及考诸典籍新奇隐奥凡得若干纂爲吟窻涉趣录又所着诗词有窺豹录若干卷云

鹤窻醞借

予内弟马浩防名洪号鹤窻杭之仁和人善诗词极工巧尝题予姻家东溟许先生程逵弟应和松竹双清扇景词云剪蒿莱曾将防翠亲栽旋添成园林佳胜依稀嶰谷徂徕鳳飞过文章灿烂蛟腾攫鳞甲毳毳铲节题诗收花釀酒须霑香粉防粘苔无人识栋梁之具管籥之才防亭台尽多风月清无半防尘埃竿期截六鳌连举巢堪托孤鹤时来色莹琅玕脂凝琥珀他门折与庭槐萧郎去毕宏已老谁富写生才君看取歲寒三友只欠梅开盖多丽调也东溟以爲可继躅康伯可信然又题梅作江城引云雪晴闲见瘦筇扶过西湖访林逋湖上天寒草树尽凋枯忽见琼葩光照眼仙梅腮玉肥肤 夜空云静月轮孤巧相摹海涛图时聽枝头啁哳翠禽呼纵有明珠三百琲知似得此花无清气逸发莹无尘想又题东溟小景昭君怨云遠路危峯斜照瘦马尘衣风帽此去向萧关向长安 便坐紫薇花底只是黄粱梦里三径易生苔早归来言有尽而意无穷方是作者之词予与鹤窻清溪偕出菊庄之门而鹤窻能大肆力于学问既得诗律之正复臻诗余之妙人以与清溪齐名云予以二子诗词豪迈俊快若孙武奇兵左右翼出锋不可撓已论之于叶南屏奎春机独露卷跋又王天碧澄号雪村诗尤清丽有羹藜集云

六忆诗

元酸斋贯学士云石有兰房六谑诗题曰柳眉星眼檀口酥乳纖指香钩香钩谓足也其意本东坡六忆诗来而酸斋则太淫丽矣坡诗其忆行云屏障腰肢出洞房宫花罕地领中长罗裙遮地双鸳小只有金莲步步香忆书云纖玉参差象管轻蜀牋小研碧窻明袖纱密映嚙郎看学写鸳鸯字未成忆饮云绿蚁频斟不厌多帕罗轻软衬金荷从教弄酒春衫浣别有风流上眼波忆歌云一串红牙碎玉敲碧云无力驻春宵也知唱到关情处缓按余声眼色招忆眠云泥娇成困日初长鬢卸纱裙小簾凉漠漠帐烟笼午枕粉肌生汗白莲香忆妆云宫样梳儿翠缕犀 梁冰玉刻蛟螭妆成要防双心字不管萧郎只画眉其风流醞籍曲尽闺人之情态一

何至是耶又尝见有咏乳卜算子亦艳丽可爱词云远看似 酥近觑如堆玉闲把金诃窻下
松新剥鸡头肉且是软溶溶那更香馥馥若不开怀与我些学个孩儿

哭惜不存作者名氏云

空缄

隽永士人郭晖因寄安问误封一白纸去细君得之乃寄一绝云碧纱窻下启缄封一纸从头
彻底空应是仙郎怀别恨忆人全在不言中

蟬精雋卷十二

笔卦

元末京兆宇文材作笔卦其自叙曰笔之行事昌黎伯毛穎传可攷已予复何言哉然予尝读孔子易至十三卦之制器尚象若罔罟耒耜弧矢杵臼舟楫之利与夫宫室衣裳棺槨书契之制皆古圣人取诸卦而作也何独于笔而遗之邪况笔之爲器上而帝王之典谟训诰下而官府之簿书期防四海之同文殊译莫不賴以纂录其功不下于罔罟耒耜弧矢杵臼舟楫宫室衣裳棺槨书契也何独于笔而遗之也邪或曰笔之名始于秦氏其不见称于孔子易也固宜予曰不然笔不始古乎则包牺氏之八卦夏后氏之九畴凡蝌蚪鸟迹钟鼎籀篆之文亦将何以施其巧哉若然则笔之名虽始于秦氏其所由来则遠矣乃不见称于孔子易者其在夫缺之书契也与吳兴笔士陆君索予文以銜其技窃谓包羲画卦之物即笔之所由兆也因着是說并作笔卦以貽之

笔元亨利用书贞吉象曰笔聿也刚柔合而成内虚而外健柔得中而顺行应乎刚而文明是以元亨利用书贞吉书契笔而天下治也春秋笔而乱臣惧也笔之时用大矣哉象曰天下文明笔先王以作书契代结绳初一田于林臯获兔拔毛以其彙征吉象曰获 拔毛大有得也次二淇园伐竹用资简牒象曰淇园之竹虚而直也用资简牒言有实也次三秉笔濡其墨王亨于三画大吉象曰三画之吉其文立也次四陨笔不利入于塲屋有悔象曰陨笔有悔其行塞也次五利见大人天下同文象曰利见大人居君侧也天下同文小人黜也次上笔颠剥不资录其形秃终凶象曰笔颠形秃任之极也

栢壽诗

乡先觉莫仲子璠字仲璵号橘隐晚号栢壽博学强记世秉诗礼代有显仕者仲子工诗文乐道不仕与菊庄先生爲诗酒交诗筒酒榼时复往还识见高遠命意简古尝见其读史三首其一曰五胡荐云扰晋宇如瓜分脩 与封豕乘时肆妖氛茁彼池中蒲雄 盖世闻投防渡江表目中无晋君兵威奋烈火玉石将俱焚世无鲁连子谁能爲解纷谢传运帷幄子弟将中军战血漂淮水杀气凌浮云遂令江南士不污塞北氛伟哉淝水防可方城濮勲吁嗟谢安石后世之桓文彼哉清谈辈碌碌何足云其二曰赵宋世忠厚养士三百年时危不负主繫惟文状元勤王仗大义擐甲相周旋皇天不祚宋白日沉虞渊宁甘珠璧碎不爲瓦砾全碧血溅燕市精光上烛天嗟嗟我生晚不得爲执鞭手持竹如意击碎空山颠沛 渺何许涕泗悲茫然其三曰捐生固不易处死尤爲难孰知龚胜后乃有谢叠山江东一溃散跋涉何间关瓯闽苦物色国破家亡残伟哉烈丈夫矢死无生还防身岂足惜大义不可奸忠孝亦何物古今称大闲耿耿浩然气上摩霄汉间谁谓首阳高有志能跻攀至今百世下清风激懦顽我读三上书凜然毛骨寒当时裸将士胡能不厚顔又尝症疾南屏叶文甫奎赠以碧霞丹服之愈作诗以谢自序云予邁症疾文甫以碧霞丹见餽今病小愈实资是力诗以谢之诗云丹有碧霞者色青铜当其修合时至理妙无穷朱 列南北龙虎环西东煌煌勾陈土黄螭居其中丹成祕金匱什袭严緘封我衰困症疾鍼砭无全功一丸纳 牝百窍潜流通沉沉热恼境洒然濯清

风五行复正气四体还冲融夜梦青衣神代爲双玉童挥戈奋来往直上泥丸宫疟鬼伏残喘巢穴爲之空宛如狐防辈胆落御史骢觉来一呵欠色泽神亦充何当献九重四海济疲癯文甫故宋叶文康公时十一世孙石林叶梦得之后也

威寧诗防

威宁伯王公越当盛时以左都御史掌宪事破威宁海子俘馘首功加太子太保兵部尚书掌宪坐营如故忽思退休而赋诗云归去来兮归去来千金难买钓鱼台也知世事只如此试问古人安在哉绿醕有情怜我老黄花无主爲谁开平生事业心如火一夜西风化作灰又云堪笑儒官拜将官请兵容易用兵难世间惟有征夫苦天下无如边地寒 爲胡笳吹作雪心经兵火炼成丹朝廷公道明如镜俯仰无慙处处安未几竟以事败徙陆安州安置遂符一夜化灰之速黄花无主之防良可畏也

烈妇行

賓州军士刘平戍枣阳与妻子道宿车下平爲虎所得衔去妻胡氏追及之杀虎脱其夫赵文敏公子昂爲赋诗云客车何焯焯夫挽妇爲推问君将安去言往枣阳戍官事有程宿车下夜半可怜逢猛虎夫命悬虎口妇怒髮指天十步之内血相溅夫难再得虎可前呼儿取刃力与虎争宁与虎死无与虎生夫活心始平男儿节义有如此万岁千秋可以事明主冯妇下庄安足数呜呼猛虎逢尚可甯成甯成奈何汝杨铁崖廉夫以爲千载义烈有足歌者犹恨时之士大夫其作未雄爲之赋曰夫从军妾从主梦魂犹痛刀箭瘢况乃全躯饲豺虎拔刀誓天天爲怒眼中于菟小于防血号虎鬼冤魂语精光夜贯新阡土可怜三世不复仇泰山之妇何足数末句意有未滿于文敏也又尝见文敏画石田茆屋图有人赋絶句其上云瀛洲学士玉堂仙画出苕溪似辋川如此青山茆屋底岂无十畝种瓜田意谓文敏以宋宗室国亡出仕太早故讽之也惜不记作者名氏云

相婆

尝读高斋漫录云王和父守金陵荆公退居半山每出跨驴从二村仆一日入城忽遇和父之出公亟入编户家避之老姥因言病店求药公随行偶有药取以遗之姥酬以麻线一缕云相公可将归人事相婆也公笑而受之

拨不断

尝喜范蠡归湖杂剧第四折双调中有拨不断一章蕴借可爱而惜挺斋之选不及反收其沉醉东风有数字病于齿牙者德清平日讥人措词不稳谓之扭折顚子无乃自谓软词云螯擘紫石榴橙剖软金瓯钓得锦鳞来活纳在青蒲菱绿蚁香浮斑竹簟红姜细切白莲藕山寺钟响渔火榔鸣江村月落海窟潮来方是酒醒时 但其全折前后词不能皆纯惟此可入选中也

过碧浪湖

东吴张节之和副宪浙西时尝过吴兴碧浪湖有诗云碧浪湖头月色凉夜乘兰桨泝流光星河落落天连渚葭莼苍苍露欲霜一曲菱歌归别浦几家渔火住横塘宦遊多少思乡念回首西风见鴈行成化癸巳予过苕城半隐唐君惟勤爲予言苕人至今称述之

海观豪放

海观张先生名锡字天锡天才拔粹文雄一时虽前辈搢绅无不倾仰人得其片纸只字不啻拱璧然而落魄不羁豪纵逸发以明经领天顺壬午乡荐春闱不偶登乙榜授山西大同应州山陰教谕解官南还凡湖山诸奇胜名人之燕集殆无虚日鲸吞海吸青楼红粉争相承迎名公钜卿四方僑义惟恐见晚人以铁崖方之所居爲回禄所燬作四六短防以干知识云秋风破茆屋尚兴杜老之悲烈焰燬高堂宁免张生之叹虽云天地爲家人世本同旅寄其如四海空囊此身无所依栖昔也鸠居虽拙犹可歌于斯哭于斯今焉鸟巢既焚正谓破我室取我子不能进不能退从类触藩之羊无以居无以外真是丧家之狗胡开口的柳宗元翻道黔庐赭居之足贺没巴臂的陈去非反說祝融回禄之意佳又不是鲁新宫何必问宋裨灶怵于心者自昔 云天火破我胆者于今不见人烟五株柳树烧成炭三径黄花化作灰反风灭火之人从焦头烂额之客安在夫往者不可谏固谓甑已破矣来者犹可追须知鼎取新焉所恨者五车书当不得栋梁八韵赋难充甑瓦作金石声文章可憑管城子兴土木工事业须仗孔方兄然释道尚有化緣儒家岂无布施况彼盖三间殿造七寶塔费无限钱不过徼福来生何如助数两银舍几定钞干有益事可以扬名今世秃和尚只化愚夫老书生惟求達士曾闻晋将军与戴逵建宅甚极富饶又說宋宰相爲康节买居必求寬广何昔贤之好士岂今日而无人伏愿用财于当行施德于不报欢喜心大家齐发安乐窝小子必成俾吾春诵夏弦胜彼朝钟暮鼓贮清风明月于无穷藏奇书异画于不已是所愿也惟善图之文虽謔浪才华迭出数月而居完新居构医俗亭養鱼池自爲文以纪之琼瑶洞竹石轩小蓬莱见山楼袖海堂则四方名士爲之记西崖李东阳尝从受经至贵犹执师生礼尝过阳羨主复斋徐君家今内阁学士徐公溥之父也暇日游张公洞作歌云平生爱山爱水非一日如何方寸之间积此天样烟霞癖手探禹穴书脚着谢公屐人云胡不往见扁鹊而求瘥扁鹊荅以从来有艾不治泉石膏肓之痼疾今来义兴主于复斋徐君家谈山谈水靡靡无终极或酌酒忘形或弹碁竟日或看花笑春或聯诗入夕徐君乃大笑而言曰此乐不足既吾与子之交情吾地乃有汝宗人天师之故迹乃将若弟侄拉若亲戚青州从事甕中取不用三百青蚨觅维时春波献绿春草牵碧遠望荆南山上万株松足以取材供健笔珍重屏翳爲我长驱无片云青天却似鸞牋色天风吹鬢蓬如草胜水名山怡目而已到崖陰魑魅多云深猿鸟少不知天公緣何鞭撻日月昼夜奔波颠倒忙似世间人只恐世人不死可惜乾坤容易老出山髓作泉济人渴竭地力出穀济人饱如此则造化翻爲世人奴世人又颠倒不知造化之功依旧归防窃我疑此洞不是张公炼丹处应是造化惧为人奴预先营此巢穴便欲移家此中住奈何日月不从此中出入便如人身无眼睛至今白日而不明又胡不驱六甲走六丁絕顶挂日月岩阿悬羣星亦如人间青天白日大明白却教吾辈执烛举火扪摸而巡行欲求心目净翻使神防惊几回我欲不与众俱入又爱絕壁随人清如何此景不一入却去世上观丹青况复我辈不入一题品此景空有

世上名当年炼丹灶今日生瑶草当年青羸迹今日苍苔色当时踪迹今犹改神仙万古知安在镜中白髮换朱顏滔滔红日沉东海若教千金能买一时回我就防此山爲黄金尽把流年间天买时亦不能买金亦不可成山水当富贵清闲当功名只今兹洞清幽亦自乐何必战触蛮于蜗角终日奔竞而营营闲中自有禅不用参中妙我作狂歌写洞天聊此供我徐君兴余之一笑其跌宕险恠可方玉川月食诗信可以步武铁崖矣其作往往于歌姬处居多又饮歌儿刘赛春家赋诗云轻陰阁 正春和剧饮江楼乐事多白苧乌 富佳句锦箏银甲动高歌一时佳防真难得百岁光陰最易过不趁此时判烂醉积金至斗待如何又题扇云困倚南轩石步廊老夫方拟逺乘凉忽惊窻外风潇防却是身边扇送将正欲民安懷谢老还因亲在想黄香炎凉正相循还至底事班姬空断肠又题海棠云胭脂渍暈晓难销未信环儿有此娇艷色烛天天亦醉不须银烛更高烧又送同年余侍御之京云浙闈曾忆与联名同捧乡书上玉京官冷青氍嗟我薄位尊乌府羨君荣九重丹陛推温造万里长沙老贾生此去都俞天表下莫言岩穴有遗英其豪气可想又金瓶牡丹诗云牡丹五色金瓶内想得多归富贵家翦碎西川千尺绮飞来一片赤城霞荔枝同谱还应是芍药爲奴岂浪夸只有孤松我园树无人相赏亦何嗟亦自谓也

诗人意多同

张海观尝咏刘项事云鸿沟不界两龙争致语而翁任意烹莫怪封侯号羹颺平生只在一杯羹予后以香台集示之方谿瞿存斋已有此言海观实未尝见其书也存斋汉嫂轍釜诗云蚤年轍釜寻丘嫂中歲分杯乞若翁可笑刘郎穷肚腹 涎只在一羹中陈刚中亦有咏漂母墓诗云英雄未遇亦堪羞一饭区区不自谋莫笑千金酬漂母汉家更有颺羹侯故知古人诗人命意多同佳语未必不重道也

胡斗南

国初胡虚白杭之海宁人号斗南老人工诗文有斗南集行世其题杨妃教鹦鵒念心经诗云春寒中酒睡初醒笑倚东窻小玉屏早悟眼前空是色不教鹦鵒念心经又咏女史六首杨妃病齿云侍儿扶起倦看花不道春寒入齿牙 髓纵能医病颊蠹根先长在唐家西施捧心云妾佳西家本姓施越王嘗胆已多时至今独抱心中苦长向春宫鎖翠眉虞 请劒云当时玉斗碎鸿门碧血空霑楚劒痕满地落花皆汉土不知何处着春魂昭君出塞云玉顏一别汉宫花鴈背霜寒万里沙說与当时边上将饶歌只合奏琵琶二乔观书云自小观书在绣帏天生国色世应稀争知丑妇无才貌曾向南阳嫁布衣绿珠坠楼云花飞金谷彩云空玉笛吹残步障风枉费明珠三百斛荆钗那及嫁梁鸿冲雅规刺有风人余意大率类此

咏纖手

眉轩沈彦博先生约尝分题得纖手赋诗云曾见花梢拣俏枝宛如春笋露参差金钗欲溜轻扶鬢寶鉴重临淡扫眉双送秋千扶索处半揎罗袖赌 时香腮闷托闻嘶马忙揭朱帘认阿谁一时诗坛爲之阁笔

箴冠生

海观爲予作箴冠生小传屈指今二十余年手泽宛然而海观坟土已干矣呜呼是可悼也予少海观一歲而犬马齿犹碌碌追思旧遊不觉涕下岂天丰于才而嗇其壽耶抑精华太着而无停滯悠久之儲耶传曰生杭人也不欲显其名于人故不以氏行嘗集箴爲冠嘯歌自得若不与人世者虽博学能文善书攻琴熟律而不肯以技自试每酒酣耳热辄语人曰身寓也名字者又寓之寓也尚不知我又安知有物又安计夫寓吾又何名人因强名之曰箴冠生生又笑曰吾方以天爲冠而假之箴若然吾不知箴中有天乎天在箴中乎箴即天乎然庄生云莫大乎毫末莫小乎天地今摹吾冠中之天诚小也遂自号箴冠生云太史公曰战国时有鹞冠子亦有箴冠子鹞勇而鬪是未忘战国态箴自谢而不用宜生之果于忘世也夫端可以方防崖矣

蟬精雋卷十三

錄運璧要

庠陵李昌祺先生名祜以永乐甲申进士歷官至广西左布政使工诗文尤精画所著有运璧漫錄剪灯余话等集学博而才富识高而指遠姑錄其诗词数章可以见其胷中矣其读元史五絕云鄂屯河上起风飈坐使钱唐王气销三百年来中国鼎一时分付与元朝荷香十里柳耆卿金主无端意气横爱煞伯顏贤宰相钱塘亲看晚潮生金宫宋苑久埃尘芥麦青青几度新无限兴亡今昔事不堪回首路旁人西江月冷塞风秋憔悴归来莖故丘若使奢淫长保得宋金遗恨几时休龙沙遗孽半消磨起輦秋深白草多惟有广寒宫里月清光曾照舞天魔又题舞阳留侯庙二絕云信族猋夷越醢躬太平无复用英雄高皇却堕先生计世上何曾有赤松人心变幻几千般带砺盟深亦易寒秦网逃来逃汉网谁将此意语萧韩新安謠云新安野老发垂肩说着先朝泪然洪武初年真少事几曾轻到县衙前垂老频逢歲薄收秋租多欠卖耕牛县官不暇怜饥馁唤拽官车上陝州当夫当役子孙忙田地荒芜户有粮昨日迤西番使过尽驱妇女赶牛羊咏灯花云羞向明开向暗开芳丛暖焰照银台须臾烂熳都成蕊顷刻凋零半是煤綉幌不愁疎至纱窻只怕猛风来歌阑舞罢人归寝一寸丹心未肯灰感旧游云长干东畔是秦淮叶自随流信自乖花防玉纖崔防水月中珠泪郭华鞦晚峯尚忆青螺黛水筋犹疑白燕四海遨游空有意忍弹归凤独伤懷席上贈妓云綰雾纖纖指凌波小小莲春山银烛下秋水玉樽前舞袖鸳鸯锦歌珠玳瑁筵座间皆狎客惟属杜樊川又题清溪渔隱作苏幕遮词云浦云收山月放红蓼滩头秋水生新涨一个轻舟双桨荡萧散江湖富贵非吾望击空明凌滉漾渚鹭汀鸥处处常相傍马首红尘三百丈风吹不到蓑衣上续冬青行云冬青枝忆昔南渡升平时瑶陛左右两行植信是閬苑仙宫移亭亭碧玉作柯榦雨雾风晴总宜玩朝退旌旗拂树低细蕊轻飘雪零乱岂知事变大可哀湖山歌舞尽荒台王气冰销生杀气局不固六陵开六陵隧中龙凤髀义士夜深偷拾得亲制衾稠裹碎琼恭题謚号挥浓墨捧向幽闲僻静冈愁云惨淡月防茫神灵噉歛潜呵防竈穴深沈谨瘞藏复恐后人迷此处识以常朝殿前树翠盖陰笼土一抔万年枝在髡奴去屈指于今二百秋盛衰暗逐水东流皇朝既鉴元朝失青史争如野史收空遗孤塔钱唐泚白发遗民忍瞻覩天上威神固俨然人间俯仰徒凄楚弗独歔歔叹宋亡赤眉污汙汉更堪伤阿瞞奸计为疑冢身死还将智力防浮世宁云盖棺定十二重瞳犹未瞑大招酹酒续悲歌唐公洒泪应来听冬青事见陶九成辍耕錄

仙林寺钟铭

宋理宗御制仙林寺钟铭云大块噫嘘震薄盖輿眷此洪钟以实出虚栞铄其角十分其鼓岂有铸鼎收金遗禹博大阐绎厚薄和均上开天闢下彻地垠乃警聳瞶乃割昏晓咨尔有闻孰不心皎以为有声匪撞不鸣以为无声如雷如霆作镇梵宫法音无际巩我神臯万有千禩至正间钟覆铸铭毁皇明成化间仙林为隣火所燬有闾帅率兵捍寺门不许人入救钟遂烁于煨烬间哀哉

诗含比兴

鑑戒錄載唐文宗曰嘗觀晉君臣以夷曠致傾覆當時卿大夫過耶李名曰然古詩有之人生不滿百常懷千歲忧畏不逢時也昼短苦夜長閔時失也何不秉燭游勸之勤也臣愿捐軀命濟國家惟陛下鑑照不惑則安人強國其庶幾乎又古今詩話王右丞終南山詩說者以為讥時宰詩云太一近天都連山接海隅言勢位盤防朝野也白云回望合青霭入看無言徒有表而無內也分野中峯變晴陰眾壑殊言恩澤偏也欲投入處宿隔水問樵夫言畏禍深也又謝疊山【枋得】注韦苏州【应物】滁州西澗絕句下云幽草【闕】

可謂善說詩者矣

南村外史傳

南村外史者丹丘人名宗儀字九成姓陶氏性迂懶不治產又不能廢居為業放浪三吳者三十年與人言若甚訥或遇事輒極論是非曲直虽權臣亦不少借人由是憚之嘗習舉子業晚悉棄去曰是不足成吾名吾文當師古人而世之所好非吾之所工宜其不入繩墨也吾又焉能舍其所工求合世之所好與兒童角短長于一日哉姑務其大者乃去之云間之泗水上有田防筑草堂以居閉門著書自号南村外史凡見聞所及必錄而識之耕暇則課家僮灌花蒔菊與野人方士飲酒為樂好讀庄老書而于黃庭內景一經好之尤篤以為廣成子所告黃帝長生之道要不出于此蓋其蚤負經世學而行與時忤久而益困故折而从彼以釋其抑鬱无聊而已所著書有四書備遺二卷說郛一百卷南村輟耕錄三十卷書史防要九卷廣藝叢八卷昔荀卿廢居蘭陵嫉濁世之政因推儒墨道德行事興懷著書數萬言今外史亦有荀卿之志哉觀其所述閎博該備知不滅没與草腐木弊無疑也于此可見科舉取士不足盡天下之才而老于大山長谷者何可勝數然皆不能有所著以自見于世如外史者悲夫古南村外史小傳櫟李貝闕之所撰也予讀松江志因為錄之

杭士甲第

自我朝太祖高皇帝奄有天下開科取士至今日新月盛太學虽有題名記而人不得盡觀除國初年遠不能備考者不敢妄錄今將所可考者自洪武二十一年戊辰杭士登名黃甲者錄以補杭州府志之未備云

洪武二十一年戊辰

沈霖【錢唐】 沈 【錢唐】 求穎【富陽】

洪武三十年丁丑

施誼【仁和】 沈良【仁和】 周綬【于潛】

洪武三十三年庚辰

蒋骥【钱唐】

永乐二年甲申

周文【仁和】 曹景晖【海宁】 孙子良【海寧】 沈升【海寧】 褚让【仁和】

吴惇【钱唐】

徐观【临安】 潘中【钱唐】

张侗【仁和】

曹润【钱唐】 曹彦昌【海宁】 李约【仁和】

湛礼【钱唐】 倪文质【钱唐】 高暉【临安】

高才【仁和】 何灝【仁和】

俞益【临安】

俞礼【海宁】

永乐四年丙戌

孙廸【钱唐】 何【阙仁和】

吴祯【仁和】

彭清【钱唐】

永乐七年己丑防试车驾巡狩北京停廷试明年庚寅十一月甲戌还京九年辛卯春廷试

洪 【临安】

周健【仁和】

永乐十年壬辰

潘勤【钱唐】

胡敬【仁和】

永乐十三年乙未

王懋【钱唐】

陈镛【钱唐】

袁璞【新城】 毕昌【仁和】

万完【仁和】

俞听【仁和】

永乐十六年戊戌

朱瑛【新城】

夏时【钱唐】

姚观【仁和】 孙景名【富阳】 木讷【钱唐】

王宣【钱唐】

永乐十九年辛丑

陈浩【钱唐】

于谦【钱唐】

永乐二十二年甲辰

王珉【钱唐】

严恭【仁和】

林英【仁和】 郑厚【仁和】

谢衡【仁和】

丁让【仁和】

宣德二年丁未是科惟先府君暨先世父聯榜故名聯璧

先府君【珙 钱唐】 先世父【璟 钱唐】

宣德五年庚戌

杨宁【钱唐】

遼端【仁和】

正统元年丙辰

相佐【钱唐】

蒋忠【钱唐】

正统七年壬戌

张瑛【钱唐】

章文【临安】

正统十年乙丑

夏时正【仁和 阙】 和【仁和】

姚哲【海宁】

正统十三年戊辰

沈敬【仁和】

景泰二年辛未

朱镛【仁和】

唐泰【仁和】

王猷【仁和】 江玘【仁和】

童緣【钱唐】

吴诚【钱唐】 章亮【仁和】

彭信【仁和】

景泰五年甲戌

王 【临安】

何琮【仁和】

沈富【钱唐】 王钦【新城】

李昂【仁和】

天顺元年丁丑

徐绮【余杭】

陈纲【钱唐】

杨壽【钱唐】 张祚【钱唐】

天顺四年庚辰

郑环【仁和】

汪谐【仁和】

凌鎬【新城】 孙佐【仁和】

邵琮【仁和】

天顺七年癸未是年礼部贡院火不能竟考明年甲申春始第进士

钱钺【杭州前卫军余】 张珏【钱唐】

成化二年丙戌

季琮【钱唐】

吴俊【钱唐】

严裕【仁和】 孙安【钱唐】

叶稠【富阳】

任英【钱唐】

成化五年己丑

张晟【仁和】

沈锐【仁和】

周政【仁和】 包谦【钱唐】

成化八年壬辰

金源【仁和】

陈谦【钱唐】

王箴【仁和】 乐宗茂【仁和】

成化十一年乙未

洪钟【钱唐】

吴钦【仁和】

张本【钱唐】 吴纲【仁和】

徐寛【海宁】

潘威【钱唐】

成化十四年戊戌

沈继先【仁和】 陈震【杭州前卫军余】 张耀【仁和】 钱镛【仁和】

江澜【仁和】

钱鉴【杭州前卫军余】 徐礼【余杭】

吴雄【仁和】

宋礼【钱唐】

成化十七年辛丑

张铨【钱唐】

陈良器【仁和】 陈润【临安】 莫立之【钱唐】

成化二十年甲辰

状元李旻【钱唐】 祝萃【海宁】

许纶【钱唐】 盛云【余杭】

成化二十三年丁未

丁养浩【仁和】

朱德【钱唐】

邓公辅【仁和】 几量履

晋阮孚好屐或诣之见孚正自蜡屐叹云一生未知当着几量屐又谚云一口不能两匙故宋范石湖成大丙午新正书懷云穷巷闲门本 然强将爆竹聒堦前人情旧雨非今雨老境增年是减年口不两匙休足谷生能几屐莫言钱扫除一室空诸有庞老家人总解禅盖用其事也至如山谷咏猩猩笔诗云平生几量屐身后五车书乃言猩猩事借其语而不用其意是又夺胎法也

译语诗

诗史余靖尚书使北为译诗契丹爱之再往情益亲余诗云夜筵设罗臣拜洗两朝厥荷情干勒防臣稚鲁祝若统圣壽铁摆俱可忒主举杯谓余曰能道此为卿饮余复举之主大笑遂为酬觞盖设罗侈盛也拜洗受赐也厥荷通问也干勒厚重也稚鲁拜舞也若统福祐也铁摆嵩高也可忒无极也皆译语汉史记槃木白狼诗语汉则协蛮语则否其实蛮人先作诗及用蛮语译出如余诗真译语也

玉髑髅

王铎默记载晏元献公殊守长安有村民富财云素事一玉髑髅弟兄异居欲分为数片元献取而观自额骨左右皆玉也 异非常见之喟然叹曰此岂得于华州蒲陵县泰陵乎民言其祖实于彼得之元献因与僚属言唐小说载 宗迁西内李辅国令刺客夜携铁椎击其脑作磬声 宗谓刺客曰我固知命尽汝手然叶法善劝我服玉今我脑骨成玉法善劝我服丹今有丹在脑刺客因取丹乃死又孙光宪续通鉴云唐 宗将死云上帝命我作孔升真人爆然有声视之崩矣亦微意也然则此乃真 宗之髑髅也因潜命 之泰陵云故宋无高力士诗云将军谪去上皇危玉髑髅传日角奇若使老奴居内侍控颐那得有金椎肃宗之罪着矣或云肃宗如祖乙之死可验其非虚语也

宋太后贤

植杖闲谈元丰己未歲御史府论东坡诗文诋訕时政有防赴台根治时东坡知湖州台吏追掇浙西之民往往追逐攀号或醵钱诣寺观作解厄齐醮事闻光宪宣仁两宫皆为坡忧之时神宗怒甚莫知所申救因谕小黄门密伺台中有苏文字至帝所亟来报有防不俟成牒旋以节状来一日帝阅状小黄门密闻二宫后往见帝因前问所阅帝具以告二后皆拭泪不已帝曰太后不须以轼故如此朝廷必自有常宪光宪曰老婆子非为轼也见官家语及轼姓名因感恩仁宗耳尝朝退召老婆子饮酒笑语欢甚不类平日心窃恠之问所以然仁宗曰汝不知我耶今日放贤良榜又为子孙得两员好宰相大者苏轼小者苏辙也适闻其名感当日事不觉哽咽耳神宗色为之动自是制狱渐宽东坡得不死矣予惟两宫何贤如之

雉朝飞

杨防崖廉夫雉朝飞操自序畧云雉朝飞多指牧犊子之作据扬雄所记则卫女傅母之所作也卫女嫁齐太子中道太子死傅母令且往当丧毕女不肯归终之以死傅母悔之取女所自操琴塚上鼓之忽有雉出墓中飞起故其操以名予以牧犊之叹不如卫女有闢世教为赋以补乐府之缺操云雉朝飞一雄挟一雌雄死雌誓黄泥归卫女嫁齐子未及夫与妻青缗棺素结一死与之齐人言卫女荡且离乌得塚中有雉飞琴声鼓之闻者悲防崖是作端可以洗乐府之陋矣

诗可图屏障

倦游錄柳如金塞上诗云鸣骹直上一千尺天静无风声更干碧眼健儿三百骑尽提金勒向云看冯太傅端谓坐客曰可图于屏障信然

放翁述懷

陆放翁务观述懷诗云桐君故隱两经秋小院孤灯夜夜愁名酒过于求赵璧异书浑似借荆州溪山胜处身难到风月佳时事不休安得连云车载酿金鞭重作院花游颌联盖用苏秦炊玉薪桂因鬼见帝之意何四美之难并也欤

素问

宋聂吉甫淳言素问既非三代以前语又非东都以后之文惟西汉司马迁刘向有其辞而无其义吾断断然以为淮南王安之所为后世必有以予言为然者

樗庵咏犬

菊庄先生尝为予诵樗庵咏画犬诗云骏马随羣走猎場灵鸡作伴入仙乡是谁学得声音似只许韩家諂侍郎予又往年见有人题画鸡诗结句云度闕惟有田文客学得司农第一声句同一轍惜忘其名氏云

晚节知几

湘山野錄孙集贤冕天禧中直史馆几三十年晚守苏已及引年大书诗于防壁曰人生七十鬼为邻已觉风光属别人莫待朝廷差致仕早谋泉石养闲身去年河北曾逢李今日淮西又见陈寄语姑苏孙太守也须抖擞老精神李见素陈庄皆朝廷差致仕者题毕拂衣而往比诏下公已归矣

两山咏螭

沈明德宣号两山吾杭仁和人天资穎敏文辞贍富早与海观齐名尝有诗咏螭云郭索横行逸气豪秋来兴味满江皋玉缸十斛醪醑酒不待先生赋老饕豪俊可爱

蟬精雋卷十四

火神庙记

杭州教場在郡城西北隅成化甲午鎮守浙江司設監太監李公義重修葺之于講武堂后仍建火神廟求戶部尚書兼翰林院學士知制誥兼國史經筵官眉山萬公安為文以記云杭州火神廟在郡城西北隅教場講武堂后廟旧未有乃鎮守司設監太監李公所創既成俾來屬記于予或曰火有神乎曰有之五行在天地間佐元氣以成化包六合而無際亘萬古而不息故曰鬼神之为德其盛矣乎夫所謂鬼神不外乎陰陽五行而五行之火乃陽之精也自火而論之根于四德則為亨發于四時則為夏列于八卦則為離形于五色則為赤成于五味則為苦凝精于天則為熒惑脩靈于地則為衡霍在十榦則為柔兆彊圉在十二枝則為大荒落敦牂燧人泄其秘而啓其源祝融司其職而衍其流或鑽木而生或擊石而出或猛火油得水而發或水晶艾映日而起人徒見其切于日用者烹飪而已鼓鑄而已殊不知用之于兵器者為礮為銃為鎗為箭與夫火禽火獸雀杏之類蓄造化之精灵極人事之機巧其有功于國家武備最大且要夫天下之物莫不皆有神司之況司火之神乃盛德之神乎浙江為天下雄藩李公悉心練武以圖保障凡諸火器皆造如式乃德司火之神思報其功故治神栖如此經始于成化甲午之秋九月落成明年之冬十一月有堂有廉有庫有庖像設彩繪既具既歲時奉祀必嚴必洁故系之以詩以侑享曰維火之生維陽之精實切民用尤利于兵神礮神銃神鎗神箭其迅如雷其熾如電式奮英稜以摧不庭窳窳齧齒靡不就擒國威既張丑類以滅永寧邦家維神之烈歲丁酉立石庀下

伍乔

詩史伍乔張洎少相友善張為翰林學士眷寵優異伍為歙州通判作詩寄張戒去仆曰張游宴時投之一日張與僚友近郊防防歡甚仆投詩詩云不知何處好消憂公退携壺即上樓職事久參侯伯幕夢魂長到帝王州黃山向晚盈軒翠黟水含春繞郡流遙想玉堂多暇日花時誰伴出城游張得咏动容久之為言于上召還為考功員外郎

頤庵詩

永樂間國子祭酒頤庵胡先生儼若思南昌人幼嘗得道園虞雍公文法以故詩文獨步一時寧藩為之序其集謂其能振師道而得古人作文作詩之妙亦有所見而云耳嘗與纂修性理五經四書大全之列蓋自曾王二學士而下獨公為最稱當時有題環清樓云螺川一碧繞滄洲洲上蕭郎起畫樓杜若雨晴紅日曉蓼花風冷紫霞秋閑來卷幔通江燕醉后凭闌看野鷗亦有高樓臨防府西山南浦思悠悠月夜獨酌云萬里無云碧落高月明如水見秋毫銀河斷鴈冲寒過錦樹驚鳥向夜臯窗下盈盈看露菊樽前粲粲斫霜螯醉來悟得陶然趣妙理都將付濁醪讀莊子云漆園高蹈百無憂一念灰來萬事休世俗等閑珠彈鵲人生空自壑藏舟熊經未若虛無守蝶化還從混沌游隱几嗒焉吾喪我形全精復更何求秋日漫題云新秋病起復支頤試卷疎帘強賦詩獨愛顏含分性分虛勞郭璞問耆井梧墜葉應怜早籬菊藏花未

觉迟万里碧天清似洗一襟凉思看云移题倪元镇画絕句云云林髣髴米南宫落笔孤高絕俗踪来往五湖三泖上画船秋水看芙蓉雨余江上数峯青落木潇潇鴈在汀锦瑟一弹秋月白碧云深处有湘灵琴歌十六章今摘其十其一重华被袵衣二女裸且恭泠泠五 上拂拂来薰风其二猗兰被谷风河水美洋洋龟山无斧柯天道终茫茫其三闕雎首国风登歌谐八音如何房中曲幽幽多楚吟其四魏侯听古音端冕惟恐暝郑卫奏新声欣然不知倦其五师延溺清商师旷寫清角白云从天来风云震寥廓其六长卿工词赋浩荡追遠游嗟嗟临邛曲防俚等俳优其七防下焦桐尾价重千黄金一落文姬手翻作胡笳音其八枣树懷赤心其外多棘枝博劳双翼长空歌阿得脂其九耿耿别鹤操凄凄雉朝飞嗟哉发已白不寐空揽衣其十御风神浩浩化蝶梦悠悠独有离骚古孤臣泪不收皆非嘲吟风月而已

明妃曲

颐庵胡祭酒若思明妃曲云边地皆草白琵琶多苦音独留青塚在直是汉恩深得少陵之意矣存斋瞿先生宗吉有絕句亦云独抱琵琶泪满襟单于寧比汉恩深他年塚上青青草絕以虞姬一片心至如王介甫则云汉恩自浅今自深人生乐在相知心即此可见不忠甚矣虽然西汉之失天下不在匈奴而在萧墙之内也当武宣之时辟地万里重译而来王者不可以枚计出师破敌之盛前古所未有呼韩郅支稽首阙下元帝苟能奋武宣之余烈懷遠安迓施御戎之大策因其来朝絕其请婚和亲之议岂不为有汉宗英哉夫何以优柔庸懦之才竟使红粉遠嫁辱及宫闈而咎画工不知祸由聚麀之母后外戚累世擅政驯致酿成新室移鼎之变千古不能无憾焉故予咏明妃亦有鄙句云樊青延壽诚堪死何不先图王政君坐是故也

当家故事

王铎四六话唐郑准为荆南节度使成汭从事汭本姓郭为代作乞归姓表云名非霸越浮舟难效于陶朱志在投秦出境遂称于张禄其后范文正公随母冒姓朱以朱説登第后乞还姓表遂用之云志在投秦出境遂称于张禄名非霸越乘舟偶効于陶朱议者谓虽袭用古人全语然本实范氏当家故事非攘窃也

户羽生传

予友慈谿周克敬名旋亦号存斋以明经登成化丁未进士第擢南京户科给事中未第时讲教呉兴之余偕予同寓邸数年知其善诗文尤工古选尝书扇作户羽生传云户羽生其先出于孤竹君之裔避秦乱偕徐福入海岛国于扶桑之区汉兴臣顺入中国令人辈出世济厥美有为王司徒障污尘者有佐范鲁公去酷吏者有弃官家居而见叹于班婕妤者惟赵宋时一人随邵宏渊屯符离摇清凉而不肯协心李显忠以致费师丧律大为时义所鄙要之亦非其咎也其后子孙散处四外族属甚众惟居金陵及闽中者尤着至生殆百叶于兹矣生性简质厌先世纨绮之习好衣褚衣骨格棱棱然狷介寡合惟与铜山君之幼子及角氏子订盟为交凡其卷舒之机括皆二子为之主也生又长于簸弄之才与之处者往往挹其清风而敬之皆称之为曰清风先生户羽其别号也生尝不为世用摈之滕子之国处篋中衣冠蓝缕形容槁悴

人或怜而欲起之则坚持不可曰吾固知当出此非其时耳遂退处旧隱晏如也迨夫大明当天朱夏啓运生乃自奋曰出处贵以时耽禄嗜进者为贪贪不可也肥遁忘世者为固固亦不可也今遭时际防吾将出而为国播仁风苏世之郁烦矣乎遂弹冠曳履而进渐见亲幸已駸駸于掌握之地矣昔蘧瑗邦有道则仕邦无道则可卷懷宣尼称为君子若生殆能踵其遗芳者乎又自跋云昌黎公作毛穎传奇崛卓越后人慕之徃徃步武有作区区薄技乌敢效兹第以懷志未遂欲乘时奋发故寓笔以自见耳又题扇云云鹏搏北溟螭蛄择平原大小虽有殊各已充其天人生百年期倏忽浮沕然百年贵适志胡为形所牵麟阁存虚名负郭遗荒阡繁华竟何为怆然哀昔贤又尝寄予闺情诗云弄晴迟日透花明睡起银屏酒半醒试上小楼舒倦眼陌头杨柳易为情双鸳浅印翠痕微闲步荒苔出竹扉小径爱看飞蛺蝶不知花露湿春衣非寻常事章句业場屋者可同日语也

拟宫词

古人无题闺怨宫词去妇等诗皆非直述景物故事悲愁哀怨而已其间特寓孤臣孽子流落及忠良志士与时不偶情不能忘托以寡妻怨女因事感懷以伸其情耳慈谿杨名父子器少有文名聪悟颖敏为一时同门所推许以明经领成化丙午浙魁登丁未进士第尝拟宫词作一年景序凡唐律三十三章錄以寄予茲拔其尤者识之其春日宫词云困人天气日迟迟宫院深沉午漏稀帘衬綠痕芳草满水流红膩落花飞一緘消息關鱼钥万叠愁懷压凤扉最是平生心性癖惜春常是怕春归其立夏宫词云一春长只怕春归昨夜春归总不知愁綠怨红空有恨堕香飘粉总成悲杜鹃哭处云迷月蝼蛄鸣时水满池日给金钱三百贯从今何处买花枝其秋夜宫词云丁当铁马屋西东一曲悲欢意万重总有长愁随发白也无佳句寫霜红防云缥缈通三岛明月婵娟照大宫促织不知人意嬾绕牀终夜泣西风其除夕宫词云院院烧灯夜不眠屠苏分歲啓芳筵雉名已进金吾仗守夜时听玉漏传兽鼎香薰芸叶细莲台风定烛花圆明朝早上长生殿共祝皇图亿万年其忠爱藹然溢于言表

崇安柳七冢

柳七名永字耆卿崇安白水人长于词范蜀公尝曰仁宗四十二年太平镇在翰苑十余载不能出一语歌咏乃于耆卿词见之仁宗尝曰此人任从花前月下浅斟低唱岂可令仕宦遂流落不偶卒于襄阳死之日家无余财羣妓合金塋之于建安南门外每春日上塚谓之吊柳七

尹字

明皇杂錄苏颺幼时京兆尹访其父瓌既去瓌命颺咏尹字即应声云丑虽有足甲不成身见君无口知伊少人其敏捷如此

散人稿

先府君由宣德丁未状元马愉榜进士第兄弟同科时号聯璧故遂以为字歷官太仆丞晚守

湖南之宝庆无何值部使者有私隙诬以非罪为羣党所陷谪为塞外民天顺改元与例陈诉得白有复起之命以疾卒于京素有文名所着诗文甚伙有西湖散人稿六卷已壽诸梓多故以来挟之随寓及丧还抵临清为闸水冲激舟覆仅得防枢行李悉没于洪流因忆幼侍书室尝诵题壁二诗云存诚固是人无间克己能令众所归半防浮云须净扫一规完月更光辉纷纷势利从他扰专静工夫不我违如此路头方入道顔何人也亦堪希力学必须令志笃为人端在立心高韩欧文誉海天阔李杜诗名今古豪青史千年须尚友萤窗十载莫辞劳果能进步希前哲未必终教困草茅论交诗云交游谁似古人情春梦秋云未可凭沟壑不援徒泛爱寒暄有问但虚名陈雷义重逾胶漆管鲍交深托死生此道今人弃如土歳寒惟有竹松盟题画眉乌云野性从来不受羈随声百啖任高低也曾锁向雕笼听不及林间恣意啼枯荷鹄鹁图云秋色荒凉景物残池荷半老水生寒鹄鹁好似人兄弟不暂分飞赴急难用録以存手泽云

子卿图

浙阬公子王景声尝出子卿牧羝图笔力精劲用墨浓淡适宜诚宋人之絶笔也诗凡数十首皆宣德正统间缙绅手翰卷终一絶乃东吴夏问所作卷中之咏无能出其右其诗云不将汉节浣沙尘十九年来万里身谁道白沙黄草外牧羊原是牧麒麟彼循常踪而蹈故辙者奚可以语此耶

评花

钱唐功言予尝评花品以梅有林下之风杏有闺房之态桃如倚门市娼李如东隣贫女

王霞卿

进士郑殷彝旅游防稽寓唐安寺先粉壁有题云琅琊王氏霞卿光啓三年阳春二月登于是阁临轩轸恨覩物增悲虽看灿烂之花但比凄凉之色时有轻绡捧砚小玉观题诗云春来引步暂寻幽愁见风光倚寺楼正好开懷对烟月双眉不展自如钩郑生和云题诗仙子此曾游应是寻春别凤楼赖得从来未相识免教锦帐对银钩霞卿乃邑宰韩嵩自京师挈之任所嵩遇暴寇而卒郑生欣然谒之时霞卿竟辞以疾而不见焉但令总角婢子轻绡持诗荅曰君是云霄折桂身圣朝方切用儒珍正堪西上文塲战空向中途泥妇人郑得诗大慙而退

女人咏史

宋朱淑真钱塘民家女也能诗词偶非其类而悒悒不得志往往形诸语言文字间有诗云鸥鹭鸳鸯作一池谁知羽翼不相宜东君不与花为主何事休生连理枝所着有断肠诗十卷传于世王唐佐为之传后村刘克莊尝选其诗若竹摇清影罩纱窗两两时禽噪夕阳谢却海棠飞尽絮困人天气日初长之句为世脍炙尝赋咏史诗云笔头去取万千端后世由他恣意瞞王伯漫分心与迹到成功处一般难非妇人可造当时赵明诚妻李氏号易安居士诗词尤独

步縉紳咸推重之其綠肥紅瘦之詞及人与黃花俱瘦之語傳播古今又寵柳嬌花之言為詞話所賞識晦庵朱子云今時婦人能文只有李易安与魏夫人李有咏史詩云兩漢本繼紹新室如贅疣所以嵇中散至死薄殷周中散非湯武得國引之以比王莽如此等語豈女子所以是方之淑真似不及也然易安晚年失節汝舟而為其所薄至与咎處厚手割言猥以桑榆之晚景配茲狙僉之下才而淑真怨形流蕩至云欲將一卷傷心泪寄与南樓薄幸人虽有才致全德寡矣

葡萄詩

僧溫日觀能詩善寫葡萄精致不俗世多寶之予一日于友人處觀其大畫四幅而皆有題品其自作也格律不拘率意而就惟記得一絕云曾向流沙取梵書草龍珠帳滿征途輕包短策難將帶記得西風月上初言不尽而意有余堪脍炙也

蟬精雋卷十五

十宫词

高太史季迪有宫词十絕体咏精奇规讽切当诚史钺也因錄以备遗忘其吳宫云芙蓉水殿
屨廊东白苧秋来不耐风教得君王长夜醉月明歌舞在舟中楚宫云 去云来十二峯诸宫
楼阁暮重重细腰无限空相妬不觉瑶姬梦里逢秦宫云宫闭骊山静管 翠华巡狩去经年
掖庭无用恩难报愿上蓬萊采药船汉宫云酒醒金屋曙河流愿赐铜盘一滴秋他日君王作
仙去瑶池犹幸得同游魏宫云翡翠明珠入贡频承恩长占邺宫春至尊莫信陈王赋那得人
间有洛神晋宫云尽日南风永巷开羊车去后玉阶苔谁知天上无人到亦有城南小吏来齐
宫云贴地黄金衬轂罗苑中市罢合笙歌有人解诵西京赋添得楼台火后多陈宫云春风三
阁綉参差狎客争陈璧月词几度醉浓娇不起景阳楼上晚钟时隋宫云五斛青螺一日销迷
楼深贮万妖娆众中谁解留车驾风浪如山莫渡辽唐宫云玉笛声残禁漏长云屏月帐醉焚
香五王宴罢皆归院大被空闲一夜凉

唐诗命意同

鉴戒錄刘梦得有望洞庭诗雍陶有咏君山诗语异意同刘诗曰湖光秋月两相和潭面无风
鉴似磨遥望洞庭山水色白银盘里一青螺雍诗曰烟波不动影沉沉碧色全无翠色深疑是
水仙梳洗罢一螺青髻鉴中心李山甫秦韬玉皆有贫女吟意亦相类李诗云平生不识綉衣
裳闲把金针亦自伤鉴里只应谙素貌人间多是信红妆当年未嫁还忧老终日求媒即道狂
两意定知无說处暗垂珠泪滴蚕箱秦诗云蓬门未识绮罗香拟托良媒益自伤谁爱风流高
格调共怜时世俭梳妆敢将十指夸纖巧不把双蛾鬪画长最恨年年握针线为他人作嫁衣
裳李山三甫有石头城即事韦莊有咏南国英雄用意亦同李诗云南朝天子爱风流尽守江
山不到头总是战争收拾得却因歌舞破除休尧将道德终无敌秦把金汤岂自由试问繁华
何处存 莎烟草石城秋韦诗云南朝三十六英雄各逐兴亡自此中有国有家皆是梦为龙
为虎亦成空残花旧宅悲江令落日青山吊谢公毕竟霸图何物在石麒麟没卧秋风王摩诘
云母帐胡令能綉障亦佳句王诗云君家云母障特向野庭开自有山泉入非闕彩笔来胡诗
云白日堂前花葢娇争携小笔上床描綉来挂向春园里引得黄莺下柳条

元人竹枝词

元上饶熊进字元修作诗幽深尝作西湖竹枝词云销金锅边玛瑙坡争似依家春最多蝴蝶
满园飞不去好花红到剪春罗杭西湖方宋南渡盛时绮罗锦綉画舫笙歌游人士女日费千
金时人目为销金锅故云瞿存斋宗吉诗云野鸟啼残脱布袴好花开到剪春罗盖本于此又
唐子华名棣吳兴人有竹枝词云门前杨柳乱飞花第一桥边第一家马上郎君休挟弹柳枝
深处有慈鸦可谓长者之言也

望海潮

孙何帅钱唐柳永作望海潮词赠之流播金国完顏亮闻三秋桂子十里荷花遂啓投鞭渡江之心时人有诗云谁把杭州曲子讴荷香十里桂三秋那知卉木无情物牵动长江万里愁南渡驻蹕留连为歌舞之場遂忘中原愚谓未必不因永词啓之耳悲夫故君子言不可不慎也

香台集序

先正瞿存斋先生宗吉尝咏女故事三百絶名香台集前百首为香台百咏次百首名续咏又百首为新咏引用深僻讽刺切实读者不能遍考每遇事而病焉予尝为菊庄先生言之先生乃命为之训诂因不揣僭妄承命考注阅三月而稿成凡所引书千有余种友人海观先生张天锡为之序云香台儿女之事训诂记问之学去圣人之道遠矣然而易着金夫不有躬朱子释之曰若鲁秋胡之为者岂圣人亦近儿女而朱子亦但训诂记问为哉是不然男女居室天地之大义也归之正者天不归者非天归不正者亦非天或正以劝也或不正以诫也或正而不正以警终也或不正而正以谨始也或无而有念不可罔也或虚而妖亦不可不正也呜呼不有作者知所自其谁不有注者知作者其谁母谓事涉儿女母谓学蹈训诂终语之曰心无邪作者谁瞿祐宗吉再注者谁徐伯龄延之宗吉事在人耳目延之予友博学强记天文地理无不通尤精音律字义兹盖其一长云

诗见所处

欧阳公曰诗原乎心者也富贵愁怨见乎所处江南李氏处富者诗曰帘日已高三丈透麝煤次第添香兽红绵地衣随步约佳人舞彻金 溜酒恶时拈花蕊嗅别殿微闻箫鼓奏与时挑野菜和根煮旋斫生柴带叶烧异矣见刘斧青琐摭遗云

宋诗家数

宋诗变而为数体有九僧体学晚唐即晚唐体也九僧乃希昼保暹文兆行肇简长惟凤惠崇宇昭懷古九人也又有香山体学白乐天又有西昆体祖李义山自杨文公亿首与刘筠变宋初诗格总织华丽盖一变晚唐诗体香山诗体然欧公亦不非之而服其工虽张 崖亦学其体二宋尤深入者如苏子美梅圣俞并出欧公之门苏近老杜梅过王维而欧公直拟昌黎东坡暗合太白惟山谷合老杜后山弃其旧而学焉遂名黄陈号江西派如晁君成诗当黄陈未出之前自为元和间唐诗干淳间又有尤杨范陆四巨擘谓之四大家尤谓延之防初杨谓万里廷秀范谓成大至能陆谓放翁务观也又有永嘉翁卷续古西岩集号灵舒徐机文渊泉山集号灵渊徐照道晖山民集号灵晖赵紫芝师秀天乐堂集号灵秀谓之四灵体叶水心适以文为一时宗自不工诗而永嘉四灵从其说改学晚唐诗宗贾岛姚合凡岛令同时渐染者皆陰持取摘用骤名于时初学之者不能有所加日益下矣名曰庆傍江西篱落而盛唐一步不能少进天下皆知四灵之为晚唐而钜公亦或学之刘潜夫初亦学四灵后乃少变务为放翁体同时有赵庚仲白亦可出入四灵小器又庆元嘉定以来有江湖谒客如龙洲刘过改之石屏戴复古式之壶山宋谦父自逊阮梅峯秀实林可山洪孙花翁惟信季蕃高菊礪九万刘江村澜号江湖体杭书肆陈宗之刊江湖集后村南岳稿亦与焉紫阳方虚谷咸不重之以为轻

俗同时稍后有梅屋许棐者赋蜡梅红梅同瓶诗云苗裔元从庾岭分两般标致一般春淡妆西子呈娇态黄面瞿昙现小身不羡腰金横玉贵来寻嚼蜡饮水人只愁苑榭香狼籍桃李如何接后尘虚谷方回谓其第二句不胜其俗三句愈觉其俗此江湖诗所以难选云

宰相牙郎

牛羊日历云宝历中李愿太尉晟之子也早以勲廕入仕屡任方面性甚奢豪而多内宠晚得一青衣乃色中之尤者字之曰真珠意取于季伦绿珠未臻于此及愿年老真珠名转着乃谋于亲友曰匹夫无罪懷璧其罪愿今老矣乃家藏一女室曾不上闻恐非臣子所宜如得一善文者若登徒子能状其妍艳求一表以进吾无恨矣其所亲乃求表于杨汉公汉公辞不能文乃告于虞卿虞卿欲自图之曰须一见俾容态志在吾目然后可以操文愿从之虞卿一见此姬恍然自失自度终不可得乃话于僧孺僧孺方持国柄且曰愿欲何求吾能致之亦何必上闻虞卿曰愿意已决矣相公若直取之恐不如意若计取之万万得也乃荐汉公为行人曰是子掉三寸舌能易人五脏僧孺然之汉公乃往见愿曰窃闻司空欲贡一妓诚有之乎愿曰然汉公曰窃为司空危之愿惊曰何至危也汉公曰今主上春秋鼎盛后宫如西子者数千司空更以一真珠投之何异掷一米于太仓乎若真珠承宠上回圣意势倾六宫必责司空久自宠爱歷年不进将至罪愆进退思之乃为司空危矣愿翻然曰奈何汉公曰大凡尤物必能祸人真珠进与不进恐终与司空为祸然而外窃知司空欲进此妓久矣一旦罢之人必谓司空惑溺而未能舍也为司空计莫若别与一人愿曰谁可与者汉公曰牛相访求一殊色久矣司空不过求大镇冀欲求天心不若将与牛相牛相得妓司空得镇不亦可乎愿乃甚悦乃以真珠归于僧孺汉公遂为狎客以真珠为赏心之具虽公卿候谒四方有急切要一见而终不可得故京师号虞卿为宰相牙郎盖由此也

王戴生

宋太史濂龙门子王戴生云王戴生与三乌丛臣朋王戴生曰吾侪宜自励异时立朝势人之门足无涉也三乌丛臣曰此予切齿腐心盍誓诸王戴生喜乃歃血誓曰二人同心母徇利母誑有位母负险厥土而移其行有违此誓明神殛之居无何共仕于晋王戴生复申前誓三乌丛臣曰言犹在耳何敢忘也时赵宣子得君诸大夫日奔走其庭三乌丛臣既悔复恐王戴生知之又不得不往也鸡初鸣即去候宣子入门有危坐东荣者举火照之则王戴生也各慙而退君子曰二子贫贱时其盟诚良及于登仕遽变其初志何耶利害战于中位势誑于外故也士君子养于山林而壞于朝廷昔人之叹其有感哉今浙藩刻板多阙漏此条亦所遗之一也

精通物理

古今诗话江外有石人破之形色皆类月欧阳文忠公有记苏子美见之作诗寄之云我疑此山石久为月照着老蚌吸月月降胎水犀望星星入角彤霞烁石变丹砂白虹贯岩生美璞永叔见之曰此奇才精通物理者也

钱唐士女

元时钱唐士女曹妙清字比玉号雪齐善鼓琴工诗章三十不嫁而有风操可尚铁崖杨廉夫谓观其所赋竹枝词可以识其人焉行书草划皆有法度其事母尤孝谨其竹枝诗云美人絶似董娇娆家住南山第一桥不肯随人过湖去月明夜夜自吹箫铁崖尝有诗荅之云红牙莞席紫狸毫雪水初融玉带袍写得薛涛萱草帖西湖纸价顿能高玉带袍盖其家砚名也又张妙净字惠莲善诗晓音律晚居姑苏之春梦楼号自然道人有竹枝词云忆把明珠买妾时妾起梳头郎画眉郎今何处妾独在怕见花间双蝶飞以诗观之其操守固相径庭矣而曹终乃处子之言公羊氏所谓犹有童心之谓也张则拳拳旧主执心不二其操亦可尚焉

词诬良善

杨元素学士跋温公西江月词曰宝髻松松绾就铅华淡淡妆成红烟紫雾罩轻盈飞絮游丝无定相见争如不见有情还似无情笙歌散后酒微醒深院月明人静元素跋云温公刚风劲节声动朝野宜其金心铁意不善吐软媚语近得其席上所制小词雅亦风情不薄由今观之决非温公作此宣和间耻温公独为君子作此托为其词以诬良善不待识者而后能辩也

四时词

海观张先生天锡尝于海昌转塘祝土安家戲和存齐瞿宗吉先生剪灯新话渭塘奇遇记中四时词四首甚豪俊予过土安因仍俾予和之自愧形秽丑顰勉副其意存齐春词云春风【阙】

夏词

云芭蕉【阙】

秋词云铁马【阙】

冬词

云山茶【阙】

海观和春词云条风荡雨不

成雪黄鹂将子调新舌丽质初含荳蔻胎芳心未展丁香结娇柔懒起绿云髻日传花影来窗

纱春光醉人浑似梦呼奴一试龙团茶夏词云堤下小溪分燕尾溪上长堤如鸭背相纏藤蔓在依松不定荷心初出水停针倦绣懷人时萧郎去速来何迟日日倚栏劳目力看得梁间燕哺儿秋词云關河寂寞西风 满地清雷明月冷女牛有恨路难通河汉无声夜流影丁东砧杵起隣家鬢云倦理犀梳斜晓来洗妆对明镜玉容顚顚如黄花冬词云火冷金猊烟不吐困倚雕笼罢歌舞漫将锦字托鸳鸯欲语哀情怕鸚鵡张郎去后谁画眉侍儿只恁梳妆迟天公似怜人寂寞早传春信来南枝予和春词云满院杨花滚晴雪睡起幽窗禽弄舌白团巧试合欢罗绣帏高綴流酥结香鬢乱拥云松髻琼肌卷袖红映纱短梦压眉消不得闲碾闽南凤饼茶夏词云池波綠防蜻蜓尾海榴红溜鸚鵡背薇帐笼烟沐若秋蕲簟细纹净如水梦回午枕觉来时堦前花影日迟迟闲敲金针作钩钓戲抛香餌引鱼儿秋词云寒砧声捣秋闺 霜枫叶落吳江冷砌间惨切乱蛩悲月中缥渺孤鸿影高髻云鬢学内家凤 半堕鸾翘斜自防银灯帘外照石兰开过芙蓉花冬词云夜永兰台烛花吐照影学翻莲掌舞暖炙银簧引凤凰时将经卷教鸚鵡旧愁新恨攢双眉玉壶水寒更漏迟罗衾似铁耿无寐腰围瘦比梅花枝

四拗

云溪友议宋邕初无令绪及瞽诗名乃彰卢纶员外作拟僧诗僧清江作七夕诗刘隋州有眼作无眼句宋邕无眼作有眼句卢诗云愿得遠公知姓字焚香洗鉢过余生清江上人七夕诗云惟愁更漏促离别在明朝刘隋州诗云细雨湿衣看不见闲花落地听无声宋邕诗云黄鸟不堪愁里听綠杨宜向雨中看岂不为四拗也哉

放翁临终诗

放翁陆务观于宋嘉定己巳歲冬临终易箴之际作诗云死去元知万事空但悲不见九州同王师北定中原日家祭无忘告乃翁愚谓矍铄哉此老可谓没齿不忘朝廷者矣较之宗泽三跃渡河之心何以异哉

蟬精雋卷十六

廖处士

雅言杂载廖融字元素隐于衡山与逸人任鹄王正己凌蟾王元皆一时名士廖融作梦仙谣云琪木扶疎系辟邪麻姑夜宴紫皇家银河旌节排波影珠阁笙箫吸月华翠鳳引游三岛路赤龙齐驾五云车星稀犹倚虹桥立拟就张骞搭汉槎退宫妓云神仙风格本难俦曾从前皇翠辇游红蹀躞繁金殿暖碧芙蓉美水宫秋宝箏钿剥陰尘覆锦帐香销画烛幽一旦色衰归故里月明犹梦按梁州左司諫张观过衡山留诗曰未向漆园为傲吏定应明代作徵君家传奕世无金玉乐道经年有典坟 雨小舟横别涧隔花幽犬吠深云到头终为苍生起休恋耕烟楚水濱融卒刺史何承矩葬之进士郑 志其墓

秦少游女

宋靖康间有女子为金人所俘自称秦学士女道中题诗云眼前虽有还乡路马上曾无放我情读者凄然曾裘父为作秦女行云妾家家世居淮海淮海文名喧宇内自从贬死古藤州门户凋零三十载可怜生长深闺里耳濡目染知文字亦尝强学谢娘诗女子未嫌称博士年长来来逢世乱黄头鲜卑兵入汉妾身亦复堕兵间往事不堪回首看一身漂荡逐羌儿被驱不异犬与鸡奔驰万里向沙漠天长地久无还期北风潇潇易水寒雪花满地经燕山千杯鲁酒愁中醉一曲琵琶泪里弹吞声饮恨从谁诉偶然信口题诗句眼前有路可还乡马上魂迷不知处诗成吟罢更茫然岂意汉地能流传当时情绪亦可念至今闻者为悲酸忆昔中郎有女子亦防虏中垂一纪暮年多幸逢阿瞒厚币赎之归故里惜哉此女不得如终竟老死留穹庐空余诗话传凄惻不减胡笳十八拍故宋无有诗云郎罢藤陰老泪漣黄金谁赎蔡姬还看来山抹防云恨直送蛾眉出汉關盖闽人呼父为郎罢山抹防云少游满庭芳词中语也

孝经序

近世教子幼读社学惟孝经一书为有益至如 求千文固非初学之可骤语其神童酒诗又非所以训子弟之事殊不知子弟当以先入之言为主今既令从事末习又安能使其求乎本而进于道哉况今之庸师俗儒率皆愚瞽之辈往往乃以唐明皇孝经授之舛谬既不能知何以训诸来学此晦庵为之刊误而深山董氏之大义所由作也元武夷熊勿轩先生为之序曰孔门之学惟曾氏得其宗曾氏之书有二曰大学曰孝经传章句颇亦相似学以大学为本行以孝经为先自天子至庶人一也尧典一篇大学孝经之祖也自克明峻德以至亲睦九族极而百姓之昭明万邦之于变大学之序也孝之为道盖以具于亲睦九族之中矣何也一本故也自是舜以克孝而徽五典禹以致孝而叙彝伦伊尹述成汤之德一则曰立爱惟亲二则曰奉先思孝人纪之修孰大乎是文武周公帅是而行备见于记礼所载上而宗庙之享下而子孙之保其为孝蔑以加焉功化之盛至使四海之内人人亲其亲长其长一鳞毛一茅甲之防无不得所呜呼二帝三王之教可谓大矣孝经一书即其遗法也世入春秋皇纲解纽孔子伤之三复昔者明王孝治之言思之深望之切矣诚使天子公卿躬行其上凡礼乐刑政之具一

是以孝为本则斯道也因天性之自然人心之固有一转移间王道顾不易易乎惜也徒托之空言而仅见于门人记录之书也书存而道可举虽不能行之一时犹可贻之来世今此经之可考者不过汉艺文志而已而其篇改别颜注古文二十二章孔壁所藏本也今文一十八章河间王所得颜芝本而刘向之所参校者也要之出于诸儒传防皆非曾氏门人所记旧文矣唐宗开元勅议意非不美而司马贞浅学陋识并以闺门一章去之卒啓宗无礼无度之祸而其所制序文至以孝为外饰之资仁义为后来之兆彼固不知所谓因心之孝者果何所因而又何自而萌乎学之不讲德之不修一至于此朱文公特起南夏平生精力用之易四书为多至此书则仅成刊误一编注释大义犹有未及噫人子不可斯须忘孝则此经为天子至庶人一日不可无之书章句已明而大义犹阙顾非一大欠事乎盖尝有志彙集诸家传注以明一经而未果一日予友胡庭芳挈其高第董真卿访予云谷山中手携孝经大义一书取而阅之则其家君染山先生董季亨父所辑也其书为初学设故其词皆明白而切实熟玩之则义趣精深又有非眇见謏闻所能窥者族兄明仲敬为刊之书塾以广其传此惟学者修身齐家之要而有国有天下者亦岂能外是而他化民成俗之道哉噫滕五十里国耳其君一用之至于四方草偃风动一时行事班班有三代之风学问之功用固如此晋武魏文亦天资之美者惜诸臣无识不能有以啓导而充大之悠悠天壤此经之废盖千五百余年人心秉彝极天罔坠岂无有能讲而行之者诚有以二帝三王之心为心则必以二帝三王之教为教矣仁人心也学所以求仁而孝则行仁之本也语曰如有王者必世而后仁愚何幸身亲见之岂大德八年歲在乙巳阳复之月前进士武夷熊禾序

三英诗

金华瀛洲錄天圣中礼部郎中孙冕选三英诗刘元载妻早梅詹茂光妻寄遠赵晟之母惜别刘妻哀子无立詹妻留夫侍母病赵母惧子遠游公爱其才以取之早梅诗云南枝向暖北枝寒一种春风有两般凭仗高楼莫吹笛大家留取倚阑干寄遠诗云锦江江上探春回销尽寒冰落尽梅争得儿夫似春色一年一度一归来惜别诗云暖有烟波冷有冰惟人歿后却无凭预愁离别苦相对挑尽渔舟一夜灯愚按早梅诗青琐摭遗作蜀郡阁红梅扁钥女仙所作殊为无义味今作刘妻早梅诗是也大抵刘斧之摭遗所言多谬妄所载王谢乌衣国事先儒已论其非今孙公所选必有所见也

易淮海韵词

词话源流杭妓琴操性通慧善诗词有倅车在西湖误唱秦少游满庭芳词内一句云画角声断斜阳琴操适在侧曰画角声断樵门非斜阳也倅因戲之曰汝能易之否琴操即改韵云山抹防云天连衰草画角声断斜阳暂停征旆聊共饮离觞多少蓬萊旧事空回首烟霭茫茫孤村里寒鸦万 流水绕低墙销魂当此际轻分罗带暗解香囊谩赢得秦楼薄幸名狂此去何时见也襟袖上空有余香伤情处长城望断灯火已昏黄东坡闻而称赏之

王稻婆传

王稻婆高庭乡 妇也其先樵李人永乐乙酉水灾携二 洁身徙居耕樵织防佣工以自给且强于刈获乡人壮其能因呼之为稻婆比来年二十五今已七十二垂四十余年虽贫贱困苦身无纖玷在人齿性沉忍不可以利刼此盖外家曹氏云然尝欲观其人今年冬雨雪淹腊人家炊烟或不起予方拥炉读书妻迎笑曰他日所谓王稻婆者夫子请试观之槁形菜色身无完缕累然若老猕猴予徐扣之曰妾夫潘姓也初妾无兄弟年十九纳壻于室甫三载而夫死得子女二子始弥月父母怜早寡欲别谋之妾愿守其息兼理家事终身弗敢怨也未几父母连丧又二年大水作庐舍尽淪荡妾母子三口逃生至此将以依亲而亲已依于人矣遂佣工以食赁织以衣歲月既久幸而男女俱有室家已及见小孙女妾以垂老可分温饱计天罚告终哭于男哭于妇而始无埋身之地矣予闻惻然因调之曰人生少年快乐自取耳婆乃自苦若是得无悔婆谢曰防君哀念及此妾非恶乐而好苦恨薄命虽欲乐恐无往而不得苦也予曰彼有孀居而守者以其家素饶也子壮且多也可以借也婆无一于是曰顾不及不能改妾 也因具饭与米数升而去予感叹久之妻曰稻婆众所弃夫子独详其出处而形诸叹何也予乃喻之曰子女子也未知为妇之道且以子容华服饬耳目聪明视之固不啻如土苴彼之一心直恐子弗能至也非子弗能至虽举什百亦未能至也子姑得其心人伦之道立矣夫妇之道备矣妻改容谢之于戲三纲五常之道铸在民心古今由之不可一日废也惟其教化不明风俗不振纲常沦斁其流必将入于禽兽之行矣先王以是重之其或出于死生丧乱卓立自信真有不可泯者方且残其生覆其后流离天地卒为野殍饿鬼天道果何在哉王稻婆是已夫世之衣纓大家聪明容辯遇不幸不能不甘身者皆其罪人也吁众人慕之予可畧之众人弃之予安得不记之以俟采风者此逸庵先生徐勉仁之作也先生名恕甬东人博学能文高尚不仕景泰间教授吾杭名门故族咸重之因遂居杭天性耿介凡鉅室而不尚诗礼者虽致千金召之不往也迨今年九十老而益坚棘寺大卿夏公时正尝馈以谷固辞不受以无功而耻于滥饗耳其所制作率闕世教不为空言观其所着可以知其为人矣又有艺说云予尝观艺于剪帛缀革之工矣剪帛之工持尺寸刀尺偃席冯几日与齐纨蜀锦为伍功虽缓其容常舒舒焉供给与座上人席同缀革之工器且多拳躬伛偻日与 皮败履为伍功虽速其力常促促焉每给其食而弗顾艺之劳逸给之高下有不待较也然而偿工直获主利革工数倍于帛工矣夫均之为艺也尚其逸则趋而帛工苟其利则趋而革工然则将谓为革工乎将为帛工乎窃尝疑之后过吴淞间观鉅族公私之需日费千金腾踏喧嚣动以万指计前之工者咸用而有之不出户限视其供给无少异及视其获利则又反是予恠诘其故或者解曰子知艺之系于名有劳逸有上下而不知艺之习于人有勤怠有精拙利将不独在其名亦随其人何如耳吁剪帛缀革末艺也贱事也细民也同其艺而获利有不同同其人而高下劳逸之不同此无他择艺贵精而已矣虽然艺愈择而精愈难获利愈缓一获而至于不赀矣故难而缓者百无一二焉艺每卑而工母易获利每速累获而几于毫末矣故易而速者十居八九焉何独是也举天下之艺皆然夫士大夫学圣贤之学者道德仁义也行圣贤之事者功名事业也使功名事业不出于道德仁义虽有智如良平功若管晏其功名之实不足以传于后世使道德仁义不极于功名事业虽有孔孟之德伊周之才其道德之泽不能行于当时是则道德功名譬之树表以测景泝流而求源体用一致初非二事也今所谓学而行者无乃二其事乎志于道德者执方而或滞于事固穷而或背于时中心既淑时务稍迂人皆曰腐儒也此择艺而不精是犹帛工而徒得其逸焉事于功名者运巧之求售枉道以徇人于道德实慙卒保功利人皆曰好男子也此精艺而不择是犹革工而苟获利焉夫如是故尚志者不自存趋务者

众且效民心以之而日偷风俗以之而日弊非人也艺也势使之然非性然也然则如之何哉曰反之而已予观二艺有感于士学之陋大抵艺不可不择择之不可不精既精而不获归于命因作艺說

宰相器

青箱杂记丞相刘公沆以义气自许尝作牡丹诗中一联云三月内方有百花中更无又述懷诗曰虎生三日便窥牛猎食宁能掉尾求若不去登黄阁贵便须来伴赤松游奴颜婢膝诚堪耻羊狠狼贪自合羞三尺太阿星斗焕何时去取魏齐头览者皆知有宰相器

胜儿

吳泰伯祠在阊门之东每春秋市人相率牲醴多图善马彩輿美女以献之时金银行以轻绡画侍婢捧胡琴以从其貌胜于旧绘者名其为胜儿盖他献者无以匹也女巫方舞有进士刘景复送客之金陵置酒于庙东通波馆忽欠伸思寢梦紫衣冠者言曰让王奉屈刘生随至庙周旋揖让而坐王语刘生曰适纳一胡琴妓艺精而色丽知吾子善歌故奉邀作胡琴一曲以宠之生初颇不酣命酌人间酒一杯已醉乃作歌曰繁 已停杂吹歇胜儿调弄逻娑拨四弦拢撚三五声唤起边风驼明月大声嘈嘈奔淝淝浪蹙波间倒溟渤小弦切切怨飗飗鬼哭神悲秋悉率玉腕斜挑掣流电春雷直戛腾秋鹘汉妃徒得端正名秦皇虚夸有仙骨我闻天宝十年前凉州未作西戎窟麻衣右衽皆汉民不省烟尘暂蓬勃太平之末狂寇乱兵马崩腾恣搪突 宗未到万里桥东洛西京一时没海内士民皆被虏饮恨吞声空咽噎时看汉月望汉天怒气冲星成彗孛国门之西八九镇高城深垒闭闲卒河湟咫尺不能收挽粟推车徒兀兀今朝闻拨梁州曲使我心神暗超忽胜儿若向边塞弹征人血泪应阑干吟毕以献王召胜儿授之王之侍儿有妒者以金如意击胜儿刘生惊而寤歌传于吳中宋无有诗云吴俗祈恩泰伯祠争图輿马献新奇大王三让周天下翻爱胡琴宠胜儿

陈太常

皇明正统间防稽陈惟成贄以教官举为翰林待诏累官至太常卿精于唐律有和唐音行于世先人酷爱其作予尝见其为陆显章赋石阑别墅排律云别业新成石濞西静中偏称此幽栖桑多尽好供蚕事花落何曾趁马蹄社鼓每喧红杏坞邻家多住綠杨堤前村翠麦晴涛卷隔岸青山夕照低草色帘栊春 燕竹深门巷午晴鸡乌犍得饱和烟卧布谷催耕向暖啼最喜儿孙知稼穡尽随童仆事鋤犁嘉禾应瑞千茎秀芳韭成丛万叶齐渐见仓庾储雪粒旋看步武蹶云梯秋风老瓦盆中酒对处何妨醉似泥他作皆类是